

नमो नमो निम्मल दंशणस्स

# आगमसुत्ताणि



४३

उत्तरज्ज्ञयणं

वसत्वं मूलसुतं

संसोहय-संपायग

निपुण निर्यामिड पू. मुनिराज श्री सुधर्म सागरश्च म. ना शिष्य

मुनि दीपरत्नसागर

બાલ બ્રહ્મચારી શ્રી ભેમિનાથાચ્ય જન્મ:

નમો નમો નિમ્બલ દંતણસ્સ

શ્રી આનંદ-ક્ષમા-લલિત-સુશીલ-સુધર્મસાગરગુરુઓ નમ:

# ૪૫-આગમસુત્તાણિ

—: સં સો હ ય—સં પા ય ય :—

પૂજ્ય મુનિરાજ શ્રી સુધર્મસાગરજી મહારાજ સાહેબના શિષ્ય

**મુનિ દીપરત્નસાગર**

તા. ૨૨/૭/૯૬

સોમવાર ૨૦૫૨

અષાઠ સુદ : ૬

૪૫ આગમના સેટની કિંમત - રૂ. ૧૫૦૦/-  
(બધાંવે આગમ-કાર્ય ખાતે)

આગમ શ્રુત પ્રકાશન

મુદ્રક

નવખલાત પ્રિન્ટીંગ પ્રેસ ધીકાંટારોડ, અમદાવાદ.

કમ્પોઝ

શ્રી ગ્રાફિક્સ ૨૧, સુભાષનગર, ગિરધરનગર,  
શાહીબાગ, અમદાવાદ.

[2]

## આર્થિક અનુદાન ઠાતા

૪૫ આગમમાં મુખ્ય દ્રવ્ય સહાયક

નિવૃત્તાની ક્ષમણીવર્વા શ્રી સૌમ્યગુણાશ્રીજીની પ્રેરણાથી

ચ મ્મ વ્ જુ વ્ જુ રા ઝી ણ મ જો પા ણિ ઃ

શ્રીમતી નયનાબેન રમેશચંદ્ર શાહ - સપ્તિવાર [વડોદરા]

● સહાયક-સહાયક આગમના મુખ્ય દ્રવ્ય સહાયકો ●

- ૧ સાધ્વીશ્રી રત્નત્રયાશ્રીજી મ. ના પરમવિનેયા સાધ્વીશ્રી સૌમ્યગુણાશ્રીજીની પ્રેરણાથી - શ્રી શાંતિલાલ કેશવલાલના બંગલે, ૨૦૫૧ ના ચાતુર્માસમાં થયેલી જ્ઞાનની ઉપજમાંથી - વડોદરા
- ૨ રત્નત્રયાચક્ર સાધ્વીશ્રી સૌમ્યગુણાશ્રીજીની પ્રેરણાથી શ્રી હરિનગર જૈન સંઘ વડોદરામાં શ્રી પર્યુષણ પર્વમાં થયેલી સુત્રોની બોલીની ઉપજમાંથી - સં. ૨૦૫૧
- ૩ સ્વનામધન્યા સાધ્વીશ્રી સૌમ્યગુણાશ્રીજીની પ્રેરણાથી-શ્રી શાંતિલાલ કેશવલાલના બંગલે, વડોદરા, ૨૦૫૧ના ચોમાસાની આરાધના નિમિત્તે
- ૪ પ્રશાંતમૂર્તિ સા. સૌમ્યગુણાશ્રીજીના શિષ્યા તપસ્વી સા. સમજાશ્રીજીના ૪૫ આગમના ૪૫ ઉપવાસ નિમિત્તે શા.કે.બંગલે થયેલ જ્ઞાનપૂજન તથા ગુરુભક્તો તરફથી. બરોડા
- ૫ સા. શ્રી રત્નત્રયાશ્રીજીના પ્રશિષ્યા સા. સમજાશ્રીજીના સિદ્ધિતપ નિમિત્તે સ્વ. રતિલાલ કાલીદાસ વોરાના સ્મરણાર્થે લીલીબેન રતીલાલ તરફથી, સુરેન્દ્રનગર.
- ૬ પૂ. રત્નત્રયાશ્રીજી મ.ની દ્વિતીયપુન્યતિથિ નિમિત્તે સા. મોક્ષરત્નાશ્રીજીની પ્રેરણાથી શાહ ખીમચંદ ઉગનલાલ પરિવાર, ઇ. મંજુલા બેન. ખેરવાવાળા [લાલ-મુંબઈ]
- ૭ સાધ્વી શ્રી સૌમ્યગુણાશ્રીજીના ઉપદેશથી શ્રી ગુજરાતી શ્રે. મૂ. જૈન સંઘ, મદ્રાસ હસ્તે શ્રી ઈન્દ્રવદન રતીલાલ દામાણી - વિંછીયાવાળા-હાલ-મદ્રાસ
- ૮ સા. શ્રી સૌમ્યગુણાશ્રીજીની પ્રેરણાથી, સ્વ. ચતુરાબેન પિતાબરદાસ પી. દામાણીના સ્મરણાર્થે તેમનો પરિવાર, હ. ઈન્દ્રવદન રતીલાલ દામાણી-વિંછીયાવાળા (મદ્રાસ)
- ૯ પૂ. ગુરુમાતા રત્નત્રયાશ્રીજીના અંતેવાસી સાધ્વી શ્રી સૌમ્યગુણાશ્રીજી ની પ્રેરણાથી પૂજ્યશ્રીની પુન્યતિથિ નિમિત્તે, શ્રી સાંકળીબાઈ જૈન શ્રાવિકા ઉપાધ્યય-રાણપુર તથા શ્રી જોરાવરનગર જૈન શ્રાવિકાસંઘની જ્ઞાનની ઉપજમાંથી
- ૧૦ શ્રીમતી દીપ્તીબેન સુનીલભાઈ પટેલ હ. નયનાબેન, લોસએન્જલેસ, અમેરિકા
- ૧૧ શ્રીમતી અનુપમા બહેન ભરતભાઈ ગુપ્તા. હ. નયનાબેન, વડોદરા
- ૧૨ શ્રીમતી પ્રિયંકાબેન પરાગભાઈ જવેરી, હ. નયનાબેન, મુંબઈ
- ૧૩ શ્રી અલકાપુરી-શ્રે. મૂર્તિ જૈનસંઘ-વડોદરા-હ. નયનાબેન
- ૧૪ શ્રી વાસુપૂજ્ય ચૈત્ય-મેહુલ સોસાપટી, સુભાનપુરા-જ્ઞાનખાતુ-વડોદરા હ. લાલુબેન
- ૧૫ શ્રીમતી સુમિત્રાબહેન હસમુખભાઈ સંઘવી, ખાનપુર (ઈન્દ્રોડા) અમદાવાદ

## [3]

- ૧૬ સ્વ. મનસુખલાલ જગજીવનદાસ શાહ તથા સ્વ. મંગળાબેન જગજીવનદાસના સ્મરણાર્થે શાહ મેડિકલ સ્ટોર, ધોરાજી વાળા, હ. અનુભાઈ તથા જગદીશભાઈ
- ૧૭ શ્રી કોઠીપોળ, શ્રે. મૂર્તિ. જૈન સંઘ, શ્રી શાંતિનાથ જિનાલય - જ્ઞાનખાતુ, વડોદરા
- ૧૮ શ્રી કારેલી બાગ શ્રે. મૂર્તિ. જૈનસંઘ, વડોદરા-હ. શાંતિભાઈ
- ૧૯ શ્રી કૃષ્ણનગર શ્રે. મૂર્તિ, જૈનસંઘ-અમદાવાદ.
- ૨૦ શ્રી કૃષ્ણનગર શ્રે. મૂર્તિ. જૈનસંઘ, અમદાવાદ
- ૨૧ સિદ્ધાન્તનિષ્ઠ પૂ. ગવ્થા.આ.શ્રી વિજયરામચંદ્રસૂરીશ્વરજી મ.સા.ના દિવ્યઆશીષથી - પટેલ આશાભાઈ સોમાભાઈ, હ. લલીતાબેન, સુભાનપુરા, વડોદરા
- ૨૨ સ્વ. વિરચંદભાઈ મણીલાલ લીંબડીવાળા, તથા સ્વ. જસુદેવેન વિરચંદભાઈની શ્રુતજ્ઞાનારાધાનાની સ્મૃત્યર્થે તેમના સુપુત્રો તરફથી, અમદાવાદ
- ૨૩ વૈષાવચ્ચપરાયણા શ્રમજીવર્ધા શ્રી અનંતગુણશ્રીજીની પ્રેરણાથી સમ્યગ્દર્શન આરાધના ભવનટ્રસ્ટ, અમદાવાદ તરફથી [શ્રી મહાનિસીદ સૂત્ર માટે]

● ૪૫ - આગમ સેટ-ચોજલા આહક - દાતા ●

પ. પૂ. સા. સૌમ્યગુણશ્રી મ. ના ઉપદેશ તથા તેમના સંસ્કારીભાઈ શ્રી ઈન્દ્રવદન રતીલાલ દામાણી (વિંછીયાવાળા) - મદ્રાસના પ્રેરક સૌજયથી

૧. શ્રીમતી ગુણીબેન જ્યનંદભાઈ સી. કોઠારી, પાલનપુર, હાલ-મદ્રાસ
૨. શ્રીમતી દેવ્યાનીબેન ચંદ્રકાન્તભાઈ એમ. ટોલીયા, વાંકાનેર, હાલ-મદ્રાસ
૩. શ્રીમતી સુશીલાબેન શાંતિભાઈ એન. વોરા, જામનગર, હાલ-મદ્રાસ
૪. શ્રીમતી પુષ્પાબેન અમૃતલાલ ટી. શાહ, મુઝા, હાલ-મદ્રાસ
૫. શ્રીમતી નિર્મલાબેન જયંતિભાઈ એસ. ખરેતા, થાન, હાલ-મદ્રાસ
૬. શ્રીમતી મધુકાન્તાબેન રતિલાલ જે. શાહ, વીંછીયા, હાલ-મદ્રાસ
૭. શ્રીમતી ગુણિબેન દિનેશભાઈ સી. શાહ, પાલનપુર, હાલ-મદ્રાસ
૮. શ્રીમતી મૃદુલાબેન પ્રિયકાન્તભાઈ સી. શાહ, મૂળી, હાલ-મદ્રાસ
૯. શ્રીમતી નયનાબેન નરેન્દ્રભાઈ આર. શાહ, મૂળી, હાલ-મદ્રાસ
૧૦. શ્રીમતી મંજુલાબેન ગુણવંતભાઈ સી. દોશી, મદ્રાસ
૧૧. શ્રીમતી કુંદનબેન રતીલાલ જે. શાહ કાપડીયા પરિવાર તરફથી લખતર, હાલ-મદ્રાસ
૧૨. શ્રી વાડીલાલ કાળીદાસભાઈ દોશી; મોરબી, હાલ-મદ્રાસ
૧૩. એ. પી. બી. શાહ એન્ડ કું. હ. અરવિંદભાઈ મોરબી, હાલ-મદ્રાસ
૧૪. સ્વ. માતુશ્રી ચંપાબેનના સ્મરણાર્થે શ્રી નગીનદાસ અમૃતલાલ શાહ, મદ્રાસ
૧૫. અમરીભાઈના સ્મરણાર્થે હ. બાબુલાલ - મહાવીરચંદ બોહરા, મદ્રાસ

[4]

સા. મોક્ષરત્નાશ્રીજી તથા સા. શ્રી સમજ્ઞાશ્રીજીની પ્રેરણાથી - હાલ પુલિયાવાળા

૧ કાંતિલાલ હજરીલાલ ચોવટીયા

૨ સંઘવી રતનલાલ ભગવાનદાસ રાકોડ

૩ મધુમતી રાજેષ રેદાસની

૪ સરલાબેન રમેશચંદ વોરા

૫ સુમનભાઈ બાલચંદજી ચોરડીયા

૬ અ.શ્રી.હંસાબેન ઉત્તમલાલ સુખડીયાના વર્ષિતપ નિમિત્તે ઉત્તમલાલ રતીલાલ રાણપુરાવાળા તરફથી

૭ સ્વ. પૂ. પિતાશ્રી રતિલાલ તારાચંદ તથા કાન્તાબેન રતીલાલના આત્મશ્રેયાર્થે તેમના સુપુત્રો તરફથી

૧ સુખડીયા હસમુખલાલ વનેચંદ (જામવંચલી) નંદુરબાર

૨ ગં. સ્વ. સુરજબેન પદમશી શાહ. હ. જ્યોતિબેન નંદુરબાર

૩ સા. સમજ્ઞાશ્રીજીની પ્રેરણાથી શ્રી અજિતનાથ - મંદિર ભે. પૂર્તિ સંઘના શ્રાવિકાબહેનો નંદુરબાર

૪ સા. સમજ્ઞાશ્રીજીની પ્રેરણાથી - શાહ સુનિલાલજી શિવલાલજી, સોનગીર

૫ સુખડીયા ચત્રભુજ જગમોહનદાસ હ. વીરાભાઈ - ધોરાજી

૬ શાહ મફતલાલ ફકીરચંદ, વિધિકારક (ડબોઈ) હાલ-અમદાવાદ

૭ સા. શ્રી સૌમ્યગુણાશ્રીજીની પ્રેરણાથી રમેશચંદ મનસુખલાલ શાહ, અમદાવાદ

૮ સા.શ્રી સૌમ્યગુણાશ્રીજીની પ્રેરણાથી શ્રીપતી જસુદબેન લક્ષ્મીચંદ મેતા, હ.ઈન્દુભાઈ દામાણી, સુરત

૯ સા. શ્રી મોક્ષરત્નાશ્રીજીની પ્રેરણાથી સ્વ. સોમચંદ બોથાભાઈ પરિવાર હ. બાલુબેન, રામપુરા

૧૦ પૂ. આગમોદ્ધારકશ્રીના સપુદ્યપના દીર્ઘસંપત્તિ વિદુષી સા. શ્રી મુત્તારાશ્રીજી જામનગરવાળાના ઉપદેશથી તથા તેમના પદશિષ્યાની પુનિત પ્રેરણાથી

૧૧ ભોગીલાલ ત્રીભોવનદાસ શાહ, હ. નયનાબેન, વડોદરા

૧૨ સંગીતા અજમેરીયા - ધોરબી

● ૪૫ આમગણેશ ચોજના-જામદાવા ●

૧ પરમાર દીપ્તી રાજેશુભાઈ-વડોદરા

૨. સા. શ્રી સૌમ્યગુણાશ્રીજીની પ્રેરણાથી કિરણબેન અજિતકુમાર કાપડીયા, વડોદરા

૩. સા. શ્રી સમજ્ઞાશ્રીજીની પ્રેરણાથી - શ્રી નિજામપુરા જૈન સંઘ, વડોદરા

૪. સા. શ્રી સમજ્ઞાશ્રીજીની પ્રેરણાથી - ચંદ્રિકાબેન મહેશભાઈ શાહ, વડોદરા

૫. સા. શ્રી મોક્ષરત્નાશ્રીજીની પ્રેરણાથી ગં. સ્વ. વસંતબેન ત્રંબકલાલ દોશી, નંદુરબાર

૬. માણેકબેન શાહ- વડોદરા

૭. શેલ્પનાબેન શાહ - વડોદરા

[5]

## -: अ-भा-रा- प्र-का-श-नी :-

- [१] अभिनव हेम लघुप्रक्रिया -१- सप्ताङ्ग विवरणम्  
 [२] अभिनव हेम लघुप्रक्रिया -२- सप्ताङ्ग विवरणम्  
 [३] अभिनव हेम लघुप्रक्रिया -३- सप्ताङ्ग विवरणम्  
 [४] अभिनव हेम लघुप्रक्रिया -४- सप्ताङ्ग विवरणम्  
 [५] कृदन्तमाला  
 [६] चैत्यवन्दन पर्वमाला  
 [७] चैत्यवन्दन सङ्ग्रह - तीर्थजिनविशेष  
 [८] चैत्यवन्दन चोविशी  
 [९] शत्रुञ्जय भक्ति [आवृत्ति-दो]  
 [१०] अभिनव जैन पञ्चाङ्ग - २०४६  
 [११] अभिनव उपदेश प्रासाद -१- श्रावक कर्तव्य - १ थी ११  
 [१२] अभिनव उपदेश प्रासाद -२- श्रावक कर्तव्य - १२ थी १५  
 [१३] अभिनव उपदेश प्रासाद -३- श्रावक कर्तव्य - १६ थी ३६  
 [१४] नवपद-श्रीपाल - [शाश्वती ओणीनर व्याख्यान रूपे]  
 [१५] समाधिभरुक्ष [विधि-सूत्र-पद्य-आराधना- मरुत्तलेद-संग्रह]  
 [१६] चैत्यवंदनमाला [७७८ चैत्यवंदनो नो संग्रह]  
 [१७] तत्त्वार्थ सूत्र प्रभोधटीका [अध्याय-१]  
 [१८] तत्त्वार्थ सूत्रना आगम आधार स्थानो  
 [१९] सिद्धायलनो साथी [आवृत्ति-ये]  
 [२०] चैत्यपरिपाटी  
 [२१] अमदावाद् जिनमंदिरे उपाश्रय आदि डिरेक्टरी  
 [२२] शत्रुञ्जय लक्षित [आवृत्ति-ये]  
 [२३] श्री नवकारमंत्र नवलाप ज्ञाप नोंधपोधी  
 [२४] श्री चारित्र पद अेक करोड ज्ञाप नोंधपोधी  
 [२५] श्री आर्यत्रय पुस्तिका तथा अन्य नियमो [आवृत्ति-आर]  
 [२६] अभिनव जैन पंचांग- २०४२; [सर्व प्रथम, १३ विल्वागोभां]  
 [२७] श्री ज्ञानपद पूजा  
 [२८] अंतिम आराधना तथा साधु साध्वी काणधर्म विधि  
 [२९] श्रावक अंतिम आराधना [आवृत्ति-त्रक्ष]  
 [३०] वीतराग स्तुति संयथ [११५१-व्याववाही स्तुतिओ]  
 [३१] (पूज्य आगमोद्धारकश्रीना समुदायना) कायमी संपर्क स्थणो  
 [३२] तत्त्वार्थाधिगमसूत्र अभिनवटीका- अध्याय-१  
 [३३] तत्त्वार्थाधिगमसूत्र अभिनवटीका - अध्याय-२  
 [३४] तत्त्वार्थाधिगमसूत्र अभिनवटीका- अध्याय-३

## [6]

- [३५] तत्पार्थाधिगम सूत्र अतिनवटीका- अध्याय-४  
 [३६] तत्पार्थाधिगम सूत्र अतिनवटीका- अध्याय-५  
 [३७] तत्पार्थाधिगम सूत्र अतिनवटीका- अध्याय-६  
 [३८] तत्पार्थाधिगम सूत्र अतिनवटीका- अध्याय-७  
 [३९] तत्पार्थाधिगम सूत्र अतिनवटीका- अध्याय-८  
 [४०] तत्पार्थाधिगम सूत्र अतिनवटीका- अध्याय-९  
 [४१] तत्पार्थाधिगमसूत्र अतिनवटीका- अध्याय-१०



[४२] आयारो	[आगमसुत्ताणि-१ ]	पद्मं अंगसुत्तं
[४३] सूयगडो	[आगमसुत्ताणि-२ ]	बीअं अंगसुत्तं
[४४] ठाणं	[आगमसुत्ताणि-३ ]	तइयं अंगसुत्तं
[४५] समवाओ	[आगमसुत्ताणि-४ ]	चउत्थं अंगसुत्तं
[४६] विवाहपन्नति	[आगमसुत्ताणि-५ ]	पंचमं अंगसुत्तं
[४७] नायाधम्मकहाओ	[आगमसुत्ताणि-६ ]	छट्ठं अंगसुत्तं
[४८] उवासगदसाओ	[आगमसुत्ताणि-७ ]	सत्तमं अंगसुत्तं
[४९] अंतगडदसाओ	[आगमसुत्ताणि-८ ]	अट्ठमं अंगसुत्तं
[५०] अनुत्तरोववाईयदसाओ	[आगमसुत्ताणि-९ ]	नवमं अंगसुत्तं
[५१] पण्हावागरणं	[आगमसुत्ताणि-१० ]	दसमं अंगसुत्तं
[५२] विवागसूर्यं	[आगमसुत्ताणि-११ ]	एक्करसमं अंगसुत्तं
[५३] उववाइअं	[आगमसुत्ताणि-१२ ]	पद्मं उवंगसुत्तं
[५४] रायपसेणियं	[आगमसुत्ताणि-१३ ]	बीअं उवंगसुत्तं
[५५] जीवाजीवाधिगम	[आगमसुत्ताणि-१४ ]	तइयं उवंगसुत्तं
[५६] पन्नवणा-सुत्त	[आगमसुत्ताणि-१५ ]	चउत्थं उवंगसुत्तं
[५७] सूरपन्नति	[आगमसुत्ताणि-१६ ]	पंचमं उवंगसुत्तं
[५८] चंदपन्नति	[आगमसुत्ताणि-१७ ]	छट्ठं उवंगसुत्तं
[५९] जंबूद्दीवपन्नति	[आगमसुत्ताणि-१८ ]	सत्तमं उवंगसुत्तं
[६०] निरयावलियाणं	[आगमसुत्ताणि-१९ ]	अट्ठमं उवंगसुत्तं
[६१] कम्मवडिंसयाणं	[आगमसुत्ताणि-२० ]	नवमं उवंगसुत्तं
[६२] पुष्किघाणं	[आगमसुत्ताणि-२१ ]	दसमं उवंगसुत्तं
[६३] पुप्फचूलियाणं	[आगमसुत्ताणि-२२ ]	एक्करसमं उवंगसुत्तं
[६४] वण्हिदसाणं	[आगमसुत्ताणि-२३ ]	बारसमं उवंगसुत्तं
[६५] घउसरण	[आगमसुत्ताणि-२४ ]	पद्मं पईण्णगं
[६६] आउरपच्चक्खाण	[आगमसुत्ताणि-२५ ]	बीअं पईण्णगं
[६७] महापच्चक्खाण	[आगमसुत्ताणि-२६ ]	तइअं पईण्णगं
[६८] भत्त परिण्णा	[आगमसुत्ताणि-२७ ]	चउत्थं पईण्णगं

[7]

[૬૧] તંદુલવેયાલિયં	[આગમસુત્તાણિ-૨૮ ]	પંચમં પર્વણગં
[૭૦] સંધારાગં	[આગમસુત્તાણિ-૨૧ ]	છટ્ઠં પર્વણગં
[૭૧] ગચ્છાચાર	[આગમસુત્તાણિ-૩૦-૧ ]	સત્તમં પર્વણગં-૧
[૭૨] ચંદાવિજય	[આગમસુત્તાણિ-૩૦-૨ ]	સત્તમં પર્વણગં-૨
[૭૩] ગણિવિજ્ઞા	[આગમસુત્તાણિ-૩૧ ]	અટ્ઠમં પર્વણગં
[૭૪] દેવિદત્યઓ	[આગમસુત્તાણિ-૩૨ ]	નવમં પર્વણગં
[૭૫] મરણસમાહિ	[આગમસુત્તાણિ-૩૩/૧ ]	દસમં પર્વણગં-૧
[૭૬] વીરત્યવ	[આગમસુત્તાણિ-૩૩/૨ ]	દસમં પર્વણગં-૨
[૭૭] નિસીહ	[આગમસુત્તાણિ-૩૪ ]	પદ્મં છેયસુતં
[૭૮] કુહૂત કપ્પો	[આગમસુત્તાણિ-૩૫ ]	ઘીઅં છેયસુતં
[૭૯] ચવહાર	[આગમસુત્તાણિ-૩૬ ]	ત્ત્વિઅં છેયસુતં
[૮૦] દસાસુયક્ષંધં	[આગમસુત્તાણિ-૩૭ ]	ચઠત્યં છેયસુતં
[૮૧] જીયક્ષ્મી	[આગમસુત્તાણિ-૩૮/૧ ]	પંચમ છેયસુતં-૧
[૮૨] પંચકષ્પાસ	[આગમસુત્તાણિ-૩૮/૨ ]	પંચમ છેયસુતં-૨
[૮૩] મહાનિસીહ	[આગમસુત્તાણિ-૩૯ ]	છટ્ઠં છેયસુતં
[૮૪] આવસ્સયં	[આગમસુત્તાણિ-૪૦ ]	પદ્મં મૂલસુતં
[૮૫] ઓહનિચ્ચુત્તિ	[આગમસુત્તાણિ-૪૧/૧ ]	ઘીઅં મૂલસુતં-૧
[૮૬] પિંહનિચ્ચુત્તિ	[આગમસુત્તાણિ-૪૧/૨ ]	ઘીઅં મૂલસુતં-૨
[૮૭] દસવેયાલિઅં	[આગમસુત્તાણિ-૪૨ ]	ત્ત્વિઅં મૂલસુતં
[૮૮] ઉત્તરજ્ઞયણં	[આગમસુત્તાણિ-૪૩ ]	ચઠત્યં મૂલસુતં
[૮૯] નંદીસૂયં	[આગમસુત્તાણિ-૪૪ ]	પદ્મા ચૂલિયા
[૯૦] અણુઓગદારાઈ	[આગમસુત્તાણિ-૪૫ ]	વિતિયા ચૂલિયા

નોંધ : પ્રકાશન ૧૧૧ અભિનવ શ્વેત પ્રકાશને પ્રગટ કરેલ છે.

પ્રકાશન ૪૨-૮૦ આગમ શ્વેત પ્રકાશને પ્રગટ કરેલ છે.

### ● ૪૫ આગમ-સેટ ના પ્રાપ્તિસ્થાનો ●

શ્રી ડી. કે. ૬૬૨ ૧૬, અલકાનગર, પ્રિયલક્ષ્મી મિલ્સ પાસે એલેક્ઝાન્ડર રોડ, વડોદરા	શ્રી જગદીશભાઈ એમ. શાહ ૧-અલકાનંદા સોસાયટી, આજાદ સ્વીટ્સ સામે, આશ્રમ રોડ, વાડજ, અમદાવાદ
શ્રીમતી નયનાબેન રમેશચંદ્ર શાહ ૨૦, ગૌતમનગર સોસાયટી રેસકોર્સ સર્કલ પાસે, વડોદરા	ડૉ. પિનાકીન એન. શાહ ૨૧, સુભાષનગર, ગિરધરનગર, શાહીબાગ, અમદાવાદ

નોંધ:- આગમના ૧-સેટ માટે "આગમ શ્વેત પ્રકાશન" વડોદરા નો રૂ. ૧૫૦૦/- ની ઉંમતનો પ્રકટ આપીને જ સેટ મેળવી શકશો.



## -: પરિસિદ્ધ-નિદંસણં :-

- ૧ પદ્મં પરિસિદ્ધં - “વિસયાણુક્રમો”  
આ પરિશિષ્ટમાં ૪૫-[૪૯] આગમનાં વિષયોની બૃહદ્ અનુક્રમશિક્ષા છે. જે માટે અમારું ભાવિ પ્રકાશન “૪૫-આગમ બૃહત્ વિસય કોસ” જેવું.
- ૨- ક્ષીયં પરિસિદ્ધં “વિસિદ્ધ સદ્ગણુક્રમો”  
આ પરિશિષ્ટમાં ૪૫-[૪૯] આગમનાં વિશિષ્ટ શબ્દો કક્કાવારી મુજબ ગોઠવાયેલા છે. તથા જે-તે શબ્દ જે-જે આગમમાં આવેલો છે તેનો સ્થળ નિર્દેશ કરેલો છે. તેને આગમ શબ્દ સંદર્ભ-કોસ પણ કહી શકાય તે માટે અમારું ભાવિ પ્રકાશન “૪૫-આગમ વિસિદ્ધ સદ્કોસ” જેવું.
- ૩- તદ્વ્યં પરિસિદ્ધં- “વિસેસ નામાણુક્રમો”  
૪૫-[૪૯] આગમમાં આવતા ખાસ નામો જેવા કે ગોચમ, સોપિલ, ... વગેરે કક્કાવારી ક્રમમાં ગોઠવી, તેનો આગમ-સંદર્ભ આ પરિશિષ્ટમાં રજૂ કરાયો છે. જે માટે અમારું ભાવિ પ્રકાશન “૪૫-આગમ વિસેસ નામ કોસ” જેવું.
- ૪- ઘટત્વં પરિસિદ્ધં - “ગાહાણુક્રમો”  
૪૫-[૪૯] આગમમાં આવતી ગાથાને અ કારાદિ ક્રમમાં રજૂ કરેલ છે. સાથે સાથે તે-તે ગાથાનો સ્થળ નિર્દેશ કરેલો છે. જે માટે અમારું ભાવિ પ્રકાશન “૪૫-આગમ ગાહાણુક્રમો” જેવું.
- ૫- પંચમં પરિસિદ્ધં “સુત્તાણુક્રમો”  
૪૫-[૪૯] આગમમાં આવતા સૂત્રોને અ કારાદિ ક્રમમાં સ્થળ નિર્દેશ પૂર્વક રજૂ કરવા વિચારણા છે. ભાવિ ઉપયોગિતા વિશેના તજજ્ઞ-અભિપ્રાયધારે હવે પછી તૈયાર કરવા ભાવના છે.



નોંધ :- સમગ્ર ૪૫ આગમમાં પ્રત્યેક સૂત્ર કે ગાથાને અંતે અંગ્રેજી ક્રમાંકન થકી વૃત્તિનો અંક નિર્દેશ છે. તે વૃત્તિમાં છ છેદ સૂત્રો અને ઘંડપન્નત્તિ સિવાયના આગમો માટે અમે પૂ. આગમોદ્ધારક શ્રી સંશોધિત સંપાદિત અને (૧) આગમોદય સમિતિ, (૨) દેવચંદ લાલભાઈ ઠંડ (૩) ઋષભદેવ કેસરીમલ પેટ્ટી એ ત્રણ સંસ્થાના પ્રકાશનો જ લીધા છે. - ઘંડ પન્નત્તિ માટે હસ્ત લિખિત પ્રત લીધેલી છે, - બૃહત્કમ્પો - પૂ. પુન્યવિજયજી મ.સંપાદિત, નિસીહ-પૂ.કનૈયાલાલજી સંપાદિત, વચાર, પૂ.મુનિ ખાસેક સંપાદિત, જીવકમ્પો. પૂ.જીનવિજયજી સંપાદિત છે મહાનિસીહ ની વૃત્તિનથી. દસાસુવક્ષંઘ ની ચૂર્ચિજ મળી છે. માટે તેનું ક્રમાંકન થઈ શકેલ નથી.

## गंधाणुकक्रम

क्रमको	अङ्कवर्ण	सुतं	गाथा	अणुकक्रम	विदंको
१	विनयसुयं	-	१-४८	१-४८	३-६
२	परीसह विभत्ती	१-	४९-९४	४९-९५	६-८
३	घाउरंगिजं	-	९५-११४	९६-११५	८-१०
४	असंजयं	-	११५-१२७	११६-१२८	१०-
५	अकामभरगिजं	-	१२८-१५९	१२९-१६०	१०-१२
६	खुड्डाग नियंठिजं	-	१६०-१७७	१६१-१७८	१२-१३
७	उरब्भिजं	-	१७८-२०७	१७९-२०८	१३-१५
८	काविलीयं	-	२०८-२२७	२०९-२२८	१५-१६
९	नमि पवत्ता	-	२२८-२८९	२२९-२९०	१६-२०
१०	दुपपत्तयं	-	२९०-३२६	२९१-३२७	२०-२२
११	बहुसुयंपुज्जं	-	३२७-३५८	३२८-३५९	२२-२४
१२	हरिणसिजं	-	३५९-४०५	३६०-४०६	२४-२६
१३	चित्तसंभूजं	-	४०६-४४०	४०७-४४१	२६-२८
१४	उसुयारिजं	-	४४१-४९३	४४२-४९४	२८-३१
१५	सभिकखुयं	-	४९४-५०९	४९५-५१०	३१-३२
१६	बंभथेरसमाहिठाणं	२-१२	५१०-५२६	५११-५३८	३२-३५
१७	पावसमणिजं	-	५२७-५४७	५२९-५५९	३५-३६
१८	संजइजं	-	५४८-६००	५६०-६१३	३६-३९
१९	मियापुत्तिजं	-	६०१-६९८	६१४-७१२	३९-४५
२०	महानियंठिजं	-	६९९-७५८	७१३-७७२	४५-४८
२१	समुद्रपालीयं	-	७५९-७८२	७७३-७९६	४८-४९
२२	रहनेमिजं	-	७८३-८३१	७९७-७४६	४९-५२
२३	कैसिगोयमिजं	-	८३२-९२०	८४७-९३५	५२-५७
२४	पवयणमाया	-	९२१-९४७	९३६-९६२	५७-५९
२५	जण्णइजं	-	९४८-९९१	९६३-१००६	५९-६१
२६	सामापारी	-	९९२-१०४३	१००७-१०५८	६१-६४
२७	खलुंकिजं	-	१०४४-१०६०	१०५९-१०७५	६४-६५

ક્રમક્રો	અક્ષરપણ	સુત્ર	ગાથા	અણુક્રમ	પિટ્ટકો
૨૮	મોક્ષમગ્ગાઈ	-	૧૦૬૭-૧૦૯૬	૧૦૭૬-૧૧૧૧	૬૫-૬૯
૨૯	સમ્મત પરિક્રમે	૧૩-૮૮	૧૦૯૭	૧૧૧૨-૧૧૮૮	૬૯-૭૩
૩૦	તવમગાઈ	-	૧૦૯૮-૧૧૩૪	૧૧૮૯-૧૨૨૫	૭૩-૭૫
૩૧	ચરણવિહી	-	૧૧૩૫-૧૧૫૫	૧૨૨૬-૧૨૪૬	૭૫-૭૬
૩૨	પમાયદ્ઠાણં	-	૧૧૫૬-૧૨૬૬	૧૨૪૭-૧૩૫૭	૭૬-૮૨
૩૩	કમ્પપયડી	-	૧૨૬૭-૧૨૯૧	૧૩૫૮-૧૩૮૨	૮૨-૮૪
૩૪	લેસજ્ઞયણં	-	૧૨૯૨-૧૩૫૨	૧૩૮૩-૧૪૪૩	૮૪-૮૭
૩૫	અણપારમગાઈ	-	૧૩૫૩-૧૩૭૩	૧૪૪૪-૧૪૬૪	૮૭-૮૮
૩૬	જીવાજીવવિમત્તી	-	૧૪૭૪-૧૬૪૦	૧૪૬૫-૧૭૩૧	૮૯-૧૦૪

### પરિસિદ્ધ-નિદંસણં

ક્રમ	પરિસિદ્ધ	પિટ્ટકો
૧	વિસવાણુક્રમો	૮
૨	વિસિદ્ધસહાણુક્રમો	૮
૩	વિસેષ ગામાણુક્રમો	૮
૪	ગાઠાણુક્રમો	૮
૫	સુતાણુક્રમો	૮

### સુચનાપત્ર

- આગમ સૂત્રોમાં ૬૭૫ બાજુએ છપાયેલ પ્રથમ-અંક, સૂત્ર તથા ગાથાનો સંપૂર્ણ સર્ણગ ક્રમાંક સૂચવે છે. [અણુક્રમ]
- છેડે જમણી બાજુએ દર્શાવેલ ડિન્ડી ક્રમાંકન આગમમંજુષામાં છપાયેલ સૂત્રાંક અને ગાથાંક સૂચવે છે. [ક્રમ]
- સૂત્રને જણાવવા માટે અહીં ઉભા લીટા । ની વચ્ચે આગમમંજુષાનો સૂત્રાંક મુકેલો છે. [સુત્રકો]
- ગાથાને જણાવવા માટે અહીં બે ઉભા લીટા ॥ ની વચ્ચે આગમમંજુષા નો ગાથાંક મુકેલો છે. [ગાથાંકો]
- છેડે જમણી બાજુએ દર્શાવેલ અંગ્રેજી ક્રમાંક - વૃત્તિનો અંક જણાવવા માટે છે. અહીં આપેલ કોઈ પણ સૂત્ર કે ગાથાની વૃત્તિ જોવી હોય તો જે-તે અધ્યયનપદિ નો વૃત્તિમાં જે અંક હોય તે જ અંક અહીં અંગ્રેજી ક્રમાંકન કરી નોંધવો છે.
- અંગ્રેજી ક્રમાંકન માં જ્યાં અંક પછી R આવે ત્યાં આ સૂત્રાંક કે ગાથાંક વૃત્તિમાં બીજી વખત આવેલો જણવો. - શોધવો.
- જ્યાં સૂત્રોમાં [ ] આ રીતે ચોરસ કીસ મુકેલા છે તે બે ચોરસ કીસ વચ્ચેનું લખાણ જાવ વાળા પાઠોની ક્રમેલ પૂર્તિ દર્શાવે છે.

नमो नमो निम्नत दंतणस्त  
पंचम गणधर श्री सुधर्मा स्वामिने नमः

## ४३ उत्तरज्झयणाणि

चउत्थं मूलसुत्तं

पदमं अज्झयणं-विनयसुयं

- (१) संजोगा विप्पमुक्कस्स अणगारस्स भिक्खुणो ।  
विनयं पाउकरिस्सामि आपुपुब्धिं सुणेह मे ॥१॥-१
- (२) आणानिद्देसकरे गुरुणमुववायकारए ।  
इंगियागारसंपत्रे सेविणीए त्ति वुच्चई ॥२॥-२
- (३) आणाऽनिद्देसकरे गुरुणमणुववायकारए ।  
पडिणीए असुंयुद्धे अविणीए त्ति वुच्चई ॥३॥-३
- (४) जहा सुणी पूडकत्री निक्कसिअई सव्वसो ।  
एवं दुस्सीलपडिणीए मुहरी निक्कसिअइ ॥४॥-४
- (५) कणकुंडगं चइत्ताणं विडुं भुंजइ सुयरे ।  
एवं सीलं चइत्ताणं दुस्सीलं रमई मिए ॥५॥-५
- (६) सुणिया मायं साणस्स सुयरस्स नरस्स य ।  
विणए ठवेअ अप्पाणंइच्छंतो हियमप्पणो ॥६॥-६
- (७) तम्हा विनयमेसेआ सीलं पडिलभेअओ ।  
बुद्धपुत्त नियागट्ठी न निक्कसिअइ कणहुई ॥७॥-७
- (८) निसंते सियामुहरी बुद्धाणं अंतिए सया ।  
अट्टजुत्ताणि सिक्खिआ निरट्टाणि उ वज्राए ॥८॥-८
- (९) अणुसासिओ न कुप्पिआ खंति सेविअ पंडिए ।  
खुट्ठेहिं सह संसंगि हासं कीडं च वज्राए ॥९॥-९
- (१०) मा य चंडालियं कासी बहुर्यं मा य आलवे ।  
कालेणं य आहिअित्ता तओ झाइअ एगगो ॥१०॥-१०
- (११) आहच्च चंडालियं कट्टु न निण्हविअ कयाइ वि ।  
कडं कडे त्ति भासेआ अकडं नो कडे त्ति य ॥११॥-११
- (१२) मा गलियस्सेव कसं वयणमिच्छे पुणो पुणो ।  
कसं व दट्टुमाइण्णे पावणं परिवज्राए ॥१२॥-१२
- (१३) अणासवा धूलवया कुसीला मिउंपि चंडं पकरेति सीसा ।  
चित्ताणुया हु दुक्खोववेया पसायए ते हु दुरासयंपि ॥१३॥-१३
- (१४) नापुट्ठी वागरे किंचि पुट्ठी वा नालियं वए ।  
कोहं असच्चं कुब्बेआ धारेआ पियमप्पियं ॥१४॥-१४

- (१५) अप्पा चेव दमेयव्यो अप्पा हु खलु दुइमो ।  
अप्पा दंतो सुहो हीइ अस्सि लोए परत्थ य ॥१५॥-15
- (१६) वरं मे अप्पा दंतो संजमेण तवेण य ।  
माहं परेहि दम्भंतो बंधणेहि वहेहि य ॥१६॥-16
- (१७) पडिणीयं च बुद्धाणं वाया अदुव कम्मुणा ।  
आवी था जइवा रहस्से नेव कुआ कयाइवि ॥१७॥-17
- (१८) न पक्खओ न पुरओ नेव किस्साण पिट्ठओ ।  
न जुंजे ऊरुणा ऊरुं सयणे नो पडिस्सुणे ॥१८॥-18
- (१९) नेव पल्लत्थियं कुआ पक्खपिंडं च संजए ।  
पाए पसारिए वावि न चिट्ठे गुरुणंतिए ॥१९॥-19
- (२०) आयरिएहिं वाहित्तो तुसिणीओ न कयाइवि ।  
पसायपेही नियोगट्ठी उवचिट्ठे गुरुं सया ॥२०॥-20
- (२१) आलवन्ते लवन्ते वा न निसीएअ कयाइवि ।  
चइऊणमासणं धीरो जओ जत्तं पडिस्सुणे ॥२१॥-21
- (२२) आसणगओ न पुच्छेआ नेव सेआगओ कयाइवी ।  
आगम्मुक्कुइओ संतो पुच्छिआ पंजलीउडो ॥२२॥-22
- (२३) एवं विणय्यजुत्तस्स सुत्तं अत्थं च तदुभयं ।  
पुच्छमाणस्स सीसस्स वागरिअ जहासुयं ॥२३॥-23
- (२४) मुसं परिहरे भिक्खू न य ओहारिणि वए ।  
भासादीसं परिहरे मायं च वअए सया ॥२४॥-24
- (२५) न लवेअ पुट्ठो सावअं न निरुद्धं न मम्मयं ।  
अप्पणट्ठा परट्ठा वा उभयस्संतरेण वा ॥२५॥-25
- (२६) समरेसु अगारेसु संधीसु य महापहे ।  
एगो एगत्थिए सत्थिं नेव चिट्ठे न संलवे ॥२६॥-26
- (२७) जं मे बुद्धाणुसासंति सीएण फरुसेण वा ।  
मम लामो त्ति पेहाए पयओ तं पडिस्सुणे ॥२७॥-27
- (२८) अणुसासणमोवायं दुक्कडस्सय चोयणं ।  
हियं तं मन्नए पण्णो वेसं होइ असाहुणो ॥२८॥-28
- (२९) हियं विगयभया बुद्धा फरुसंपि अनुसासणं ।  
वेसं तं होइ मूढाणं खंतिसोहिकरं पयं ॥२९॥-29
- (३०) आसणे उवचिट्ठेआ अणुच्चे अकुए थिरे ।  
अप्पुट्ठाई निरुट्ठाई निसीएअऽप्यकुक्कुए ॥३०॥-30
- (३१) कालेण निक्खमे भिक्खू कालेण य पडिक्कमे ।  
अकालं च विवज्जिता काले कालं समायरे ॥३१॥-31
- (३२) परिवाडीए न चिट्ठेआ भिक्खू हत्तेसणं चरे ।  
पडिरुवेण एसित्ता मियं कालेण भक्खए ॥३२॥-32

(३३)	नाइदूरमणासत्रे नत्रेसिं घक्खुफासओ । एगो थिड्डेअ मत्तप्पा लंधिया तं नइक्कमे	॥३३॥-३९
(३४)	नाइउछे व नीए वा नासत्रे नाइदूरओ । फासुयं परकडं पिण्हं पडिगाहेअ संजए	॥३४॥-३४
(३५)	अप्पपाणेऽप्पबीयम्मि पडिघउन्नम्मि संवुडे । समयं संजए मुंजे जयं अपरिसाडियं	॥३५॥-३५
(३६)	सुकडेत्ति सुपक्केत्ति सुच्छिन्ने सुहडे मडे । सुणिट्ठिए सुलद्धित्ति सावअं वजए मुणी	॥३६॥-३६
(३७)	रमए पण्डए सासं हयं भहं व वाहए । वालं सम्मइ सासंतो गलियस्सं व वाहए	॥३७॥-३७
(३८)	खड्डया मे चवेडा मे अक्कोसा य वहा य मे । कल्लाणमणुसासंतो पावदिट्ठित्ति मन्नई	॥३८॥-३८
(३९)	पुत्तो मे भाय नाइ त्ति साहू कल्लाण मन्नई । पावदिट्ठि उ अप्पाणं सासं दासे त्ति मन्नई	॥३९॥-३९
(४०)	न कोवए आयरियं अप्पणापि न कोवए । बुद्धोयघाई न सिया न सिया तोत्तगवेसए	॥४०॥-४०
(४१)	आयरियं कुवियं नद्धा पत्तिएण पसायए । विज्जवेअ पंजलीउडो वएअ न पुणोत्तिय	॥४१॥-४१
(४२)	धम्मज्जियं च ववहारं बुद्धेहायरियं सया । तमायरंतो ववहारं गरहं नाभिगच्छई	॥४२॥-४२
(४३)	मनोगयं वक्कगयं जाणित्तायरियस्स उ । तं परिगिज्ज वायाए कम्मणा उववायए	॥४३॥-४३
(४४)	दित्ते अचोइए निच्चं खिप्पं हवई सुचोइए । जहोवइइं सुकयं किच्चाइं कुव्वई सया	॥४४॥-४४
(४५)	नद्धा नमइ मेहावी लोए कित्ती से जायए । हवई किच्चाणं सरणं भूयाणं जगई जहा	॥४५॥-४५
(४६)	पुआ जस्स पसीयंति संबुद्धा पुव्वसंयुया । पसत्रा लाभइस्संति विउलं अट्ठियं सुयं	॥४६॥-४६
(४७)	स पुअसत्थे सुदिनीयसंसए मणोरुई थिड्डइ कम्मसंपया । तवोसमायारिसमाहिसंवुडे महजुई पंच वयाइं पालिया	॥४७॥-४७
(४८)	स देवगंधव्वमणुस्सपुइए चइत्तु देहं मलपंकपुव्वयं । सिद्धे वा हवइ सासए देवे वा अप्परए महिदिदए॥ त्ति बेमि ॥ ॥४८॥-४८	

● पढमं अञ्जयणं समत्तं ●

### वीर्यं अञ्जयणं—परीसहपविभक्ती

(४९) सुयं मे आउसंतेणं भगवया एवमक्खायं इह खलु बावीसं परीसहा समणेणं भगवया महावीरेणं कासवेणं पवेइया जे भिक्खू सोच्चा नद्धा जिच्चा अभिभूय भिक्खायरियाए परिव्वयंतो

पुट्टो नो विनिहत्रेजा कयरे ते खलु बावीसं परीसहा समणेणं भगवया महावीरेणं कासवेणं पवेइया जे भिक्खू सोच्चा नच्चा जिच्चा अभिभूय भिक्खायरियाए परिव्वयंतो पुट्टो नो विनिहत्रेजा इमे ते खलु बावीसं परिसहा समणेणं भगवया महावीरेणं कासवेणं पवेइया जे भिक्खू सोच्चा नच्चा जिच्चा अभिभूय भिक्खायरियाए परिव्वयंतो पुट्टो नो विनिहत्रेजा, तं जहा दिगिंछापरीसहे पिवासापरीसहे सीयपरीसहे उसिणपरिसहे दंसमसयपरीसहे अचेलपरीसहे अरइपरीसहे इत्थीपरीसहे चरियापरीसहे निसीहियापरीसहे सेज्जापरीसहे अक्कोसपरीसहे वहपरीसहे जायणापरीसहे अलामपरीसहे सक्कारपुरक्कारपरीसहे पत्रापरीसहे अत्राणपरीसहे दंसणपरीसहे । १।-१

- (५०) परीसहाणं पविपत्ती कासवेणं पवेइया  
तं मे उदाहरिस्सामि आनुपुत्वि सुणेह मे ॥४९॥-१
- (५१) दिगिंछापरीगए देहे तवस्सी भिक्खू धामयं  
नछिंदे न छिंदावए न पए न पयावए ॥५०॥-२
- (५२) कालीपव्वंगसंकासे किसे धमणिसंतए  
मायत्रे असणपाणस्स अदीनमणसो घरे ॥५१॥-३
- (५३) तओ पुट्टो पिवासाए दोगुंछी लज्जसंजए  
सीओदगं न सेविजा वियडस्सेसणं चरे ॥५२॥-४
- (५४) छिन्नावाएसु पंयेसु आउरे सुपिदासिए  
परिसुक्कमुहादीणे तं तितिकखे परीसहं ॥५३॥-५
- (५५) चरंतं विरयं लुहं सीयं फुसइ एगया  
नाइदेलं मुणी गच्छे सोच्चाणं जिनसासणं ॥५४॥-६
- (५६) न मे निवारणं, अत्थि छवित्ताणं न विज्जई  
अहं तु अग्गि सेवामि इइ भिक्खू न चितए ॥५५॥-७
- (५७) उसिणपरियावेणं परिदाहेण तज्जिए  
धिंसु वा परियावेणं सायं नो परिदेवए ॥५६॥-८
- (५८) उण्हाहितते मेहावी सिणाणं नो वि पत्थए  
गायं नो परिसिच्चेजा न वीएजा य अप्पयं ॥५७॥-९
- (५९) पुट्टो य दंसमसएहिं समरे ब महामुणी  
नागो संगामसीसे वा सूरो अभिहणे परं ॥५८॥-१०
- (६०) न संतसे न वारेजा मणं पि न पओसए  
उवेह न हणे पाणे भुंजंते मंससोणियं ॥५९॥-११
- (६१) परिजुष्णोहिं वत्थेहिं होक्खामि ति अचेलए  
अदुवा सथेलए होक्खं इर भिक्खु न चितए ॥६०॥-१२
- (६२) एगयाऽचेलए होइ सचेले आवि एगया  
एयं धम्महियं नच्चा नाणी नो परिदेवए ॥६१॥-१३
- (६३) गामाणुगामं रीयंतं अणगारं अकिंघणं ।  
अरई अणुप्पवेसेजा तं तितिकखे परीसहं ॥६२॥-१४

(६४)	अरइं पिहुओ किष्ठा विरए आयरक्खिए धम्मारामे निरारंमे उवसंते मुणी चरे	॥६३॥-15
(६५)	सगो एस मणूसाणं जाओ लोंगमि इत्थिओ जस्स एया परित्राया सुकडं तस्स सामन्नं	॥६४॥-16
(६६)	एयमादाय मेहावी पंकभूया उ इत्थिओ नो ताहिं विनिहत्तेजा चरेअत्तगवेसए	॥६५॥-17
(६७)	एग एव चरे लाढे अभिभूय परीसहे गामे वा नगरे वावि निगमे वा रायहाणिए	॥६६॥-18
(६८)	असमाणो घरे भिक्खू नेव कुजा परिग्गहं असंसतो गिहत्थेहिं अणिएओ परिव्वए	॥६७॥-19
(६९)	सुसाणे सुन्नगारे वा रुक्खमूले व एगओ अकुक्कुओ निसीएजा न व वित्तासए परं	॥६८॥-20
(७०)	तत्थ से चिहुमाणस्स उवसग्गाभिधारए संकामीओ न गच्छेजा उड्डिता अन्नमासणं	॥६९॥-21
(७१)	उच्चावयाहिं सेजाहिं तवस्सी भिक्खू यामवं नाइवेलं विहन्नेजा पावदिट्ठी विहन्नई	॥७०॥-22
(७२)	पइरिक्कुवस्सयं लद्धं कल्लणमदुव पावयं किमेगराइं करिस्सइ एवं तत्थऽहियासए	॥७१॥-23
(७३)	अक्कोसेजा परे भिक्खुं न तेसं पडिसंजले सरिसो होइ बालाणं तम्हा भिक्खू न संजले	॥७२॥-24
(७४)	सोच्चाणं फरुसा मासा दारुणा गामकंटगा तुसिणीओ उवहेजा न ताओ मणसीकरे	॥७३॥-25
(७५)	हओ न संजले भिक्खू मणंपि न पओसए तितिकखं परमं नच्चा भिक्खू धम्मं विचितए	॥७४॥-26
(७६)	समणं संजयं दंतं हणेजा कोइ कत्थई नत्थि जीवस्स नासुत्ति एवं पेहेअ संजए	॥७५॥-27
(७७)	दुक्करं खलु भो निच्चं अणगारस्स भिक्खुणो सव्वं से जाइयं होइ नत्थि किंचि अजाइयं	॥७६॥-28
(७८)	गोघरग्गपविट्ठस्स पाणी नो सुप्पसारए सेओ अगारवासुत्ति इइ भिक्खू न चितए	॥७७॥-29
(७९)	परेसु घासमेसेजा भोयणे परिणिट्ठिए लद्धे पिंहे अलद्धे वा नाणुत्तपेज्ज पंडिए	॥७८॥-30
(८०)	अज्जेवाहं न लब्भामि अविलाभो सुए सिया जो एवं पडिसंचिक्खे अलाभो तं न तज्जए	॥७९॥-31
(८१)	नच्चा उप्पइयं दुक्खं वेयणाए दुहट्टिए अदीणो यावए पन्नं पुट्ठो तत्थहियासए	॥८०॥-32



- (८२) तेगिच्छं नामिन्देजा संचिकखत्तगवेसए  
एवं खु तस्स सामण्णं जं न कुञ्जा न कारवे ॥८१॥-३३
- (८३) अचेलगस्स लूहस्स संजयस्स तवस्सिणो  
तणेसु सयमाणस्स हुञ्जा गायविराहणा ॥८२॥-३४
- (८४) आयवस्स निचाएण अउला हवइ धेयणा  
एवं नच्चा न सेवति तंतुजं तणतञ्जिया ॥८३॥-३५
- (८५) किलिन्नगाए मेहावी पंकेण व रएण दा  
धिंसु या परियावेण सायं नो परिदेवए ॥८४॥-३६
- (८६) वेएञ्ज निजरापेही आरियं धम्मऽनुत्तरं  
जाव सरीरभेउत्ति जल्लं काएण धारए ॥८५॥-३७
- (८७) अभिवायणमब्भुद्धानं सामी कुञ्जा निमंतणं  
जे ताइं पडिसेवंति न तेसिं पीहए मुनी ॥८६॥-३८
- (८८) अणुककसाई अप्पिच्छे अत्राएसी अलोलुए  
रसेसु नाणुगिज्जेञ्जा नाणुतप्पेञ्ज पन्नवं ॥८७॥-३९
- (८९) से नूर्णं मए पुव्वं कम्मानाणफला कडा  
जेणाहं नाभिजाणामि पुट्ठो केणइ कण्हुई ॥८८॥-४०
- (९०) अह पच्छा उइज्जंति कम्मानाणफला कडा  
एवमस्सासि अप्पाणं नच्चा कम्मविवागयं ॥८९॥-४१
- (९१) निरुद्गम्मि विरओ मेहुणाओ सुसंबुडो  
जो सकखं नाभिजाणामि धम्मं कल्लणपावगं ॥९०॥-४२
- (९२) तवोवहाणमादाय पडिभं पडिवज्जओ  
एवंपि विहरओ मे छउमं न नियइई ॥९१॥-४३
- (९३) नत्थि नूर्णं परेलोए इट्ठी वावी तवस्सिणो  
अदुवा वंधिओमिति इइ भिक्खू न चिंतए ॥९२॥-४४
- (९४) अभू जिणा अत्थि जिणा अदुवावि भविस्सई  
मुसं ते एवमाहंसु इइ भिक्खू न चिंतए ॥९३॥-४५
- (९५) एए परीसहा सव्वे कासवेण पवेइया  
जे भिक्खू न विहम्मोञ्जा पुट्ठो केणइकण्हुई-त्ति बेमि ॥९४॥-४६

● वीर्यं अज्झयणं समत्तं ●

### तइयं अज्झयणं—चाउरंगिज्जं

- (९६) चत्तारि परमंगाणि दुल्लहाणीह जंतुणो  
माणुसत्तं सुई सद्धा संजमम्मि य वीरियं ॥९५॥-१
- (९७) समावन्नण संसारे नाणागोत्तासु जाइसु  
कम्मा नाणाविहा कट्टु पुट्ठो विस्संमिया पया ॥९६॥-२
- (९८) एगया देवलोएसु नरएसु वि एगया  
एगया आसुरं कायं आहाकम्मोहिं गच्छई ॥९७॥-३

- (९९) एगया खतिओ होइ तओ चंडाबोक्कसो  
तओ कीडपयंगो य तओ कुंयुपिपीलिया ॥९८॥-४
- (१००) एवमायदृजोणीसु पाणिणो कम्मकिव्विसा  
न निविजंति संसारे सव्वड्डेसु व खत्तिया ॥९९॥-५
- (१०१) कम्मसंगेहिं सम्भूढा दुक्खिया बहुवेयणा  
अमाणुसासु जेणीसु विणिहम्मंति पाणिणो ॥१००॥-६
- (१०२) कम्माणं तु पहाणाए अणुपुव्वी कयाइ उ  
जीवा सोहिमणुप्पत्ता आययंति मणुस्सयं ॥१०१॥-७
- (१०३) माणुस्सं विग्गइं लद्धं सुई धम्मस्स दुक्खहा  
जं सोच्चा पडिवजंति तवं खंतिमहिसयं ॥१०२॥-८
- (१०४) आहच्च सवणं लद्धु सद्धा परमदुल्लहा  
सोच्चा नेआउयं मग्गं रुहवे परिमस्सई ॥१०३॥-९
- (१०५) सुहं च लद्धुं सद्धं च वीरयं पुण दुल्लहं  
बहवे रोयमाणा वि नो य णं पडिवज्जाए ॥१०४॥-१०
- (१०६) माणुसत्तंमि आयाओ जो धम्मं सोच्च सहहे  
तवसी वीरियं लद्धुं संबुडे निद्धणे रयं ॥१०५॥-११
- (१०७) सोही उज्जयमूयस्स धम्मो सुद्धस्स चिद्धई  
निव्वाणे परमं जाइ ययसित्तिव्व पादए ॥१०६॥-१२
- (१०८) विगिंच कम्मणो हेउं जसं संचिणु खंतिए  
पाढवं सरिरं हिच्चा उब्ढं पक्कमई दिसं ॥१०७॥-१३
- (१०९) विसालिसेहिं सीलेहिं जक्खा उत्तरउत्तरा  
महासुकका व दिप्पंता मन्नंता अपुणच्चवं ॥१०८॥-१४
- (११०) अम्मिया देवकामाणं कामरुदविउव्विणो  
उड्ढं कप्पेसु चिद्धंति पुव्वा वाससया बहू ॥१०९॥-१५
- (१११) तत्थ ठिच्चा जहाठाणं चक्खा आउक्खए चुया  
वेति माणुसं जोणि से दसंगेऽभिजायई ॥११०॥-१६
- (११२) खेतं वत्तुं हिरण्णं च पसवी दासपोरुसं  
चत्तारि कामखंघाणि तत्थ से उववज्जाई ॥१११॥-१७
- (११३) मित्तवं नायवं होइ उच्चगोए य वण्णवं  
अप्यायंके महापत्ते अभिजाए जसोबले ॥११२॥-१८
- (११४) भोच्चा माणुस्सए मोए अप्पडिरुवे अहाउयं  
पुव्वं विसुद्धसद्धम्मे केवलं बोहिं बुज्झिया ॥११३॥-१९
- (११५) चउरंगं दुल्लहं नच्चा संजमं पडिवज्झिया  
तवसा धुयकम्मसे सिद्धे हवइ सासए -त्ति बेमि ॥११४॥-२०

● तदयं अश्वपत्नीं तप्तं ●

### चउत्तं अज्झयणं—असंखयं

- (११६) असंखयं जीविय मा पमायए जरीवणीयस्स हु नत्थि ताणं  
एवं विजाणाहि जणे पमते किण्णुविहिंसा अजया गहिंति ॥११५॥-१
- (११७) जे पावकम्महिं धणं मणूसा समाययन्ती अमइं गहाय  
पहाय ते पासपयट्टिए नरे वेराणुबद्धा नरायं उवैति ॥११६॥-२
- (११८) तेणे जहा संधिमुहे गहीए सकम्मुणा किच्चइ पावकारी  
एवं एया पेच्च इहं च लोए कड्डाण कम्माण न मुख अत्थि ॥११७॥-३
- (११९) संसारमावन्न परस्स अट्ठा साहारणं जं च करइ कम्मं  
कम्मस्स ते तस्स उ वेयकाले न बंधवा बंधवयं उवैति ॥११८॥-४
- (१२०) वित्तेण ताणं न लभे पमते इमम्मि लोए अदुवा परत्था  
दीवण्णद्वेव अणंतमोहे नेयाउयं दट्टमदट्टमेव ॥११९॥-५
- (१२१) सुत्तेसु यावी पडिबुद्धजीवी न वीससे पण्डिए आसुपत्रे  
घोरा मुहुत्ता अवलं सरिरं मारंडपक्खी व चरेऽपमते ॥१२०॥-६
- (१२२) चरे पयाइं परिसंक्कमाणो जं किंचि पासं इह मण्णमाणो  
लामंतरे जीविय बूहइता पच्छा परित्राय मलावधंसी ॥१२१॥-७
- (१२३) छन्दनिरीहेण उवेइ मोक्खं आसे जहा सिक्खियवम्मधारी  
पुव्वाइं वासाइं चरेप्पमते तम्हा मुणी खिप्पमुवेइ मोक्खं । १२२॥-८
- (१२४) स पुव्वमेवं न लभेज्ज पच्छा एसोवमा सासयवाइयाणं  
वितीयइं सिद्धिले आउयम्मि कलोवणीए सरिरस्स भेए ॥१२३॥-९
- (१२५) खिप्पं न सक्केइ विवेगमेउं तम्हा समुट्ठाव पहाय कामे  
समिच्च लोयं समया महेसी आयाणरक्खी व चरऽप्पमतौ ॥१२४॥-१०
- (१२६) मुहुं मुहुं मोहगुणे जयन्तं अमेगरूवा समणं चरन्तं  
फासा फुसन्ति असमंजसं च न तेसि भिक्खु मणसा पउस्से ॥१२५॥-११
- (१२७) मन्दा य फासा बहुलोहणिज्जा तहप्पगारेसु मणं न कुज्जा  
रक्खिज्ज कोहं विणएज्ज माणं मायं न सेवैज्ज पहेज्ज लोहं ॥१२६॥-१२
- (१२८) जे संखया तुच्छपरप्पवाईं ते पिज्जदोसाणुगया परज्झा  
एए अहम्मे ति दुगंछमाणो कंखे गुणे जाव सरिरभेउ -त्ति वैमि ॥१२७॥-१३

● चउत्तं अज्झयणं सम्तं ●

### पंचमं अज्झयणं—अकाममरणजं

- (१२९) अण्णवंसि महोवंसि एगे तिण्णे दुरुत्तरं  
तत्थ एगे महापत्रे इमं पण्हमुदाहरे ॥१२८॥-१
- (१३०) संतिमे य दुवै ठाणा अक्खाया मारणांति  
अकाममरणं चेव सकाममरणं तथा ॥१२९॥-२
- (१३१) बालाणं अकामं तु मरणं असइं भवे  
पण्डियाणं सकामं तु उक्कोसेण सइं भवे ॥१३०॥-३

(१३२)	तत्पिमं पढमं ठाणं महावीरेण देसियं कामगिद्धे जहा बाले भिसं कूराइं कुव्वई	119३911 -4
(१३३)	जे गिद्धे कामभोगेसु एगे कूडाय गच्छई न मे दिट्ठे परे लोए चक्खुदिट्ठा इमा रई	119३२11 -5
(१३४)	हत्यागया इमे कामा कालिया जे अनागया को जाणइ परे लोए अत्थि या नत्थि या पुण्णो	119३३11 -6
(१३५)	जणेव सखिं होक्खामि इइ बाले पगब्भइ कामभोगाणुराएणं केसं संपडिवज्जई	119३४11 -7
(१३६)	तओ से दंडं समारभई तसेसु थावरेसु य अट्ठाए य अणट्ठाए भूयगमं विहिंसई	119३५11 -8
(१३७)	हिंसे बाले मुसावाई माइल्ले पिसुणे सढे भुंजमाणे सुरं मंसं सेयमेयं ति मन्नई	119३६11 -9
(१३८)	कायसा वयसा मत्ते वित्ते गिद्धे य इत्थिसु दुहओ मलं संचिणइ सिसुणागु व्व मट्ठियं	119३७11 -10
(१३९)	तओ पुट्ठो आयंकेणं गिलाणो परितप्पई पमीओ परलोगस्स कम्माणुप्येहि अप्पणो	119३८11 -11
(१४०)	सुया मे नरए ठाणा असीलाणं व जा गई बालाणं कूरकम्माणं पगाढा जत्थ वेयणा	119३९11 -12
(१४१)	तत्थोयवाइयं ठाणं जहा मेयमणुस्सुयं आहाकम्पेहिं गच्छंतो सो पच्छा परितप्पई	119४०11 -13
(१४२)	जहा सागडिओ जाणं समंहिच्चा महापहं यिसमं मग्गमोइण्णो अक्खे भग्गंभि सोयई	119४१11 -14
(१४३)	एवं धम्मं विउक्कम्म अहम्मं पडिवज्जिया बाले मच्चुमुहं पत्ते अक्खे भग्गे व सोयई	119४२11 -15
(१४४)	तओ से मरणंतम्मि बाले संतसई भया अकाम मरणं मरई धुत्ते व कलिनाजिए	119४३11 -16
(१४५)	एयं अकाममरणं बालाणं तु पवेइयं एत्तो सकाममरणं पंडियाणं सुणेह मे	119४४11 -17
(१४६)	मरणं पि सपुण्णाणं जहा मेयमणुस्सुयं विप्पसण्णमणाघायं संजयाणं दुस्सीमओ	119४५11 -18
(१४७)	न इमं सव्वेसु भिक्खुसु न इमं सव्वेसु गारिसु नाणासीला अमारत्या विसमसीला य भिक्खुणो	119४६11 -19
(१४८)	संति एगेहिं भिक्खुहिं गारत्या संजमुत्तरा गारत्थेहिं य सव्वेहिं साहयो संजमुत्तरा	119४७11 -20
(१४९)	चिराजिणं नगिणिणं जडी संघाडिमुडिणं एयाणि वि न तायंति दुस्सीलं परियागयं	119४८11 -21

- (१५०) पिंडोलएव्व दुस्सीले नरगाओ न मुच्चई  
भिक्खाए वा गिहत्थे वा सुव्वए कम्पई दिथं 1194911-22
- (१५१) अगारि-सामाइयंगाई सद्धी काएण फासए  
पोसहं दुहओ पक्खं एगरायं न हावए 1195011-23
- (१५२) एवं सिक्खासमायत्ते गिहिवासे वि सुव्वए  
मुच्चई छविपव्वाओ गच्छे जक्खसलोगयं 1195111-24
- (१५३) अह्जे संवुडे भिक्खू दोण्हं अन्नयरे सिया  
सव्व दुक्खपहीणे वा देवे वावि महिद्धिए 1195211-25
- (१५४) उत्तराई विमोहाई जुईमंताणुपुव्वसो  
समाइण्णाई जक्खेहिं आवासाई जसंसिणो 1195311-26
- (१५५) दीहाउया इट्ठिमंता समिद्धा कामरुविणो  
अहुणोववन्नसंकासा मुज्जो अद्धिमाऽलिप्यभा 1195411-27
- (१५६) ताणि ठाण्णाणि गच्छंति सिक्खित्ता संजमं तवं  
भिक्खाए वा गिहत्थे वा जे संति परिनिव्वुडा 1195511-28
- (१५७) तेसिं सोद्धा सपुज्जाणं संजयाणं वुसीमओ  
न संतसंति मरणंते सीलवंता बहुस्सुया 1195611-29
- (१५८) तुलिया विसेसमादाय दयाधम्मस्स खंतिए  
विप्यसीएज्ज मेहावी तहाभूएण अप्पणा 1195711-30
- (१५९) तओ काले अभिप्पेए सद्धी तालिसंपंतिए  
विणएज्ज लोमहरिसं भेयं देहस्स कंछए 1195811-31
- (१६०) अह कालंभि संपत्ते आघायाय समुत्सयं  
सकाममरणं मरई तिण्हमन्नयरं मुणी -त्ति बेमि 1195911-32

● पंचमं अज्जयणं सक्कं ●

### छट्टं अज्जयणं—खुट्ठा गनियंठिज्जं

- (१६१) जावंतऽविज्जापुरिसा सव्वे ते दुक्खसंभवा  
लुपंति बहुसो मूढा संसारम्मि अनंतए 1196011-1
- (१६२) समिक्ख पंडिए तप्पा पासजाई पहे बहु  
अप्पणा सच्चसेज्जा मेत्ति मूएसु कम्पए 1196111-2
- (१६३) माया पिया ण्हुसा माया भज्जा पुत्ता य ओरसा  
नालं ते मम ताणाए लुपंतस्स सकम्मुणा 1196211-3
- (१६४) एयमद्धं सपेहाए पासे समियदंसणे  
छिंदे गेहिं सिणेहं च न कंखे पुव्वसंधुयं 1196311-4
- (१६५) गवासं मणिकुंडलं पसवो दासपोरुसं  
सव्वमेयं चइत्ताणं कामरूवी मविस्ससि 1196411-5
- (१६६) यावरं जंगमं चैव धणं धनं उवक्करं  
पद्यमाणस्स कम्मेहिं नालंदुक्खाउ मोयणे 1196511-6

- (१६७) अञ्जल्यं सव्याओ सव्वं दिस्स पाणे पियायए  
न हणे पाणिणो पाणे भववेराओ उवरए ॥१६६॥-७
- (१६८) आयाणं नरयं दिस्स नायएञ्जा तणामवि  
दोगुंछी अप्पणो पाए दित्रं भुंजेञ्ज भोयणं ॥१६७॥-८
- (१६९) इहमेगे उ मन्नंति अप्पक्खाय पावगं  
आपरियं विदिताणं सव्वदुक्खा यिमुच्चई ॥१६८॥-९
- (१७०) मणंता अकरेता य बंधमोक्खपइण्णिणो  
वायाविरियमेत्तेण समासासेति अभयं ॥१६९॥-१०
- (१७१) न चित्ता तायए भासा कुओ विञ्जाणुसासणं  
विसन्ना पावकम्मोहिं बाला पंडियमाणिणो ॥१७०॥-११
- (१७२) जे केइ सरीरे सत्ता वण्णे रूवे य सव्वसो  
मणसा कायवक्केणं सव्वे ते दुक्खसंभवा ॥१७१॥-१२
- (१७३) आवन्ना दीहमद्धानं संसारम्मि अनंतए  
तन्हा सव्वदिसं पस्स अप्पमतो परिव्वए ॥१७२॥-१३
- (१७४) बहिया उट्टमादाय नावक्खे कयाइवि  
पुव्वकम्मक्खयट्टाए इमं देहं समुद्धरे ॥१७३॥-१४
- (१७५) विविच्च कम्मणो हेउं कालकंछी परिव्वए  
मायं पिंडस्स पाणस्स कडं लहू ण भक्खए ॥१७४॥-१५
- (१७६) सत्तिहिं च न कुव्वेआ लेवमायाए संजए  
पक्खी पत्तं समादाय निरवेक्खो परिव्वए ॥१७५॥-१६
- (१७७) एसणासमिओ लञ्जू गामे अणिएओ चरे  
अप्पमतो पमतोहिं पिंडवायं गवेसए ॥१७६॥-१७
- (१७८) एयं से उदाहु अनुत्तरनाणी अनुत्तरदंसी अनुत्तरनाणदंसणधरे  
अरहा नायपुत्ते भगवं वेसालिए वियाहिए -ति वेमि । ॥१७७॥-१८

● छइ अञ्जलयणं समत्तं ●

**सत्तमं अञ्जलयणं—उरब्धिञ्जं**

- (१७९) जहाएसं समुद्दिस्स कोइ पोसेञ्ज एलयं  
ओयणं जवसं देआ पीसेआवि सयंगणे ॥१७८॥-१
- (१८०) तओ से पुट्टे परिव्वुटे जायमेए महोदरे  
पीणिए विउले देवे आएसं परिकंखए ॥१७९॥-२
- (१८१) जाव न एइ आएसे ताव जीवइ से दुही  
अह पत्तिम्मि आएसे तीसं छेत्तूण भुञ्जई ॥१८०॥-३
- (१८२) जहा से खलु उरब्भे आएसाए समीहिए  
एवं बाले अहम्मिट्टे ईहई नरयाउयं ॥१८१॥-४
- (१८३) हिंसे बाले मुसावाइ अद्धानंमि विलोषए  
अप्रदत्ताहरे तेणे माई कण्हु हरे सदे ॥१८२॥-५

- (१८४) इत्थीविसयगिद्धे य महारंभपरिग्गहे  
भुंजमाणे सुरं मंसं परिवृद्धे परंदमे ॥१८३॥ -८
- (१८५) अयकक्करभोइ य तुंडिल्ले वियलीहिए  
आउयं नरए कंखे जहाएसं य एलए ॥१८४॥ -७
- (१८६) आसणं सपणं जाणं वित्तं कामे य भुंजिया  
दुस्साहई घणं हिद्धा बहु संचिणिया रयं ॥१८५॥ -८
- (१८७) तओ कम्मगुरू जंतु पद्युप्यन्नपरायणे  
अय व्व आगयाएसे मरणंतम्मि सोयई ॥१८६॥ -९
- (१८८) तओ आउपरिक्खीणे चुया देहा विहिंसगा  
आसुरीयं दिसं बाला गच्छंनि अवसा तमं ॥१८७॥ -१०
- (१८९) जहा कागिणिए हेउं सहस्सं हारए नरो  
अपत्यं अंबगं भोद्धा राया रज्जं तु हारए ॥१८८॥ -११
- (१९०) एवं माणुस्सगा कामा देवकामाण अंतिए  
सहस्सगुणिया मुज्जो आउं कामा य दिव्विया ॥१८९॥ -१२
- (१९१) अणेगवासानउया जा सा पन्नवओ ठिई  
जाणि जीयंति दुम्मेहा ऊणे वाससयाउए ॥१९०॥ -१३
- (१९२) जहा य तिन्नि वणिया मूलं धेतूण निग्गया  
एगोउत्थ लहई लाभं एगो मूलेण आगओ ॥१९१॥ -१४
- (१९३) एगे मूलं पिहारित्ता आगओ तत्थ वाणिओ  
ववहारे उवमा एसा एवं धम्मे वियाणह ॥१९२॥ -१५
- (१९४) माणुसत्तं भवे मूलं लामो देवगई भवे  
मूलच्छएण जीवाणं नरगततिरिक्खत्तणं धुयं ॥१९३॥ -१६
- (१९५) दुहओ गई बालस्स आवई बहमूलिया  
देवत्तं माणुसत्तं च जं जिए लोलयासढे ॥१९४॥ -१७
- (१९६) तओ जिए सई होइ दुविहिं दोग्गई गए  
दुसहा तस्स उम्मज्जा अच्चाए सुचिरादवि ॥१९५॥ -१८
- (१९७) एवं जियं सपेहाए तुलिया बालं च पंडियं  
मूलियं ते पवेसंति माणुसिं जोणिमेति जे ॥१९६॥ -१९
- (१९८) येमायाहिं सिक्खाहिं जं नरा गिहिसुव्वया  
उर्वेति माणुसं जोणि कम्मसच्चा हु पाणिणो ॥१९७॥ -२०
- (१९९) जेसिं तु विउला सिक्खा मूलियं ते अइच्छिया  
सीलवंता सयिसेसा अदीणा जंति देवयं ॥१९८॥ -२१
- (२००) एवमदीणवं भिक्खू आगारिं च वियाणिया  
कहण्णु जिच्चमेलिक्खं जिच्चमाणे न संविदे ॥१९९॥ -२२
- (२०१) जहा कुसग्गे उदगं समुद्देण समं मिजे  
एवं माणुसग्गा कामा देवकामाण अंतिए ॥२००॥ -२३

- (२०२) कुसागमेत्ता इमे कामा सत्रिस्त्रुद्धिभि आउए  
कस्स हेउं पुराकाउं जोगवखेमं न संविदे ॥२०१॥ -24
- (२०३) इह कामाणियट्टस्स अत्तट्ठे अवरज्झई  
सोद्धा नेयाउयं मगं जं भुज्जो परिभस्सई ॥२०२॥ -25
- (२०४) इह कामणियट्टेस्स अत्तट्ठे नावरज्झई  
पूइदेहनिरिहेणं भवे देवि त्ति मे सुयं ॥२०३॥ -26
- (२०५) इह्ही जुई जसो वण्णो आउं सुहमनुतरं  
भुज्जो जत्थ मणुस्सेसु तत्थ से उववज्जई ॥२०४॥ -27
- (२०६) बालस्स पस्स बालतं अहम्मं पडिबज्जिया  
विच्चा धम्मं अहम्मिट्ठे नरए उववज्जई ॥२०५॥ -28
- (२०७) धीरस्स पस्स धीरतं सच्चधम्माणुवत्तिणो  
विच्चा अधम्मं धम्मिट्ठे देवेसु उववज्जई ॥२०६॥ -29
- (२०८) तुलियाण बालभावं अबालं चेव पंडिए  
चइऊण बालभावं अबालं सेवई मुणि -त्ति बेमि ॥२०७॥ -30

● तत्तमं अञ्जयणं समतं ●

### अट्टमं अञ्जयणं—काविलीयं

- (२०९) अधुवे अससायम्भि संसारम्भि दुक्खपउराए  
किं नाम होज्ज तं कम्मयं जेणाहं दुग्गहं न गच्छेज्जा ॥२०८॥ -1
- (२१०) विज्जहित्तु पुव्वसंजोयं न सिणेहं कहिंवि कुव्वेज्जा  
असिणेहसिमेहकरोहिं दोसपओसेहि मुच्चए भिक्खू ॥२०९॥ -2
- (२११) तो नाणदंसणसमग्गो हियनिस्सेसाय सच्चजीवाणं  
तेसिं विमोक्खणट्ठाए भासई मुणिवरो विगयमोहो ॥२१०॥ -3
- (२१२) सव्वंगंयं कलहं च विप्पजहे तहाविहं भिक्खू  
सव्वेसु कामजाएसु पासमाण्णे न लिप्पई ताई ॥२११॥ -4
- (२१३) भोगाभिसदोसविसन्ने हियनिस्सेयस बुद्धिबोद्धत्थे  
बाले य मंदिए मूढे बज्जई मच्छिया य खेलम्मि ॥२१२॥ -5
- (२१४) दुप्परिच्चया इमे कामा नो सुजहा अधीरपुरिसेहिं  
अह संति सुव्वया साहू जे तरंति अतरं वणिया वा ॥२१३॥ -6
- (२१५) समणा मु एगे वयमाणा पाणवहे मिया अयाणंता  
मंदा निरयं गच्छंति बाला पावियाहिं दिट्ठीहिं ॥२१४॥ -7
- (२१६) न हु पाणवहं अणुजाणे मुच्चोज्ज कयाइ सव्वुक्खाणं  
एवं आयरिएहिं अक्खायं जेहिं इमो साहुधम्मो पन्नतो ॥२१५॥ -8
- (२१७) पाणे य नाइवाएज्जा से समीइत्ति दुच्चई ताई  
तओ से पावयं कम्मं निज्जाइ उदगं व थलाओ ॥२१६॥ -9
- (२१८) जगनिस्सिएहिं मुएहिं तसनामेहिं थावरेहिं च  
नो तेसिमारभे दंडं मणसा वयसा कायसा चेव ॥२१७॥ -10



- (२१९) सुद्धेसणाओ नञ्जाणं तत्थ ठवेअ भिक्खू अप्पाणं  
जायाए घासमेसेआ रसगिद्धे न सिया भिक्खाए ॥२१८॥ -12
- (२२०) पंताणि घेव सेवेआ सीयपिडं पुराणकुम्मासं  
अदु दुक्कसं पुलागं वा जयणद्वाए निसेवए मयुं ॥२१९॥ -12
- (२२१) जे लक्खणं च सुविणं च अंगविअं च जे पउंजंति  
न हु ते समणा बुद्धंति एवं आयरिएहिं अक्खायं ॥२२०॥ -13
- (२२२) इहजीवियं अणियमेत्ता पमद्वा समाहिजोएहिं  
ते कामभोगरसगिद्धा उववजंति आसुरे काए ॥२२१॥ -14
- (२२३) तत्तो वि थ उव्वट्ठिता संसारं बहु अणुपरियट्ठंति  
बहुक्कम्लेवणित्ताणं बीही होइ सुदुअहा तेसिं ॥२२२॥ -15
- (२२४) कसिणपि जो इमं लोयं पडिपन्नं दलेअ इक्कस्स  
तेणावि से न संतुस्से इइ दुप्पूरए इमे आया ॥२२३॥ -16
- (२२५) जहा लाहो तथा लोहो लाहा लोहो पवड्ढई  
दोमासकयं कज्जं कोडीए वि न निद्धियं ॥२२४॥ -17
- (२२६) नो रक्खसीसु गिद्धेआ गंडवच्छासु ऽपेगचित्तासु  
जाओ पुरिसं पलोभित्ता खेळन्ति जहा व दासेहिं ॥२२५॥ -18
- (२२७) नारीसु नोपगिद्धेआ इत्थी विप्पजहे अणगारे  
धम्मं च पेसलं नञ्जा तत्थ ठवेअ भिक्खू अप्पाणं ॥२२६॥ -19
- (२२८) इइ एस धम्मं अक्खाए कविलेणं च विसुद्धपप्रेणं  
तरिहंति जे उ कार्हिंति तेहिं आराहिया दुवे लोय -रि बेमि ॥२२७॥ -20

● अद्दमं अज्जययणं सत्तं ●

नवमं अज्जययणं—नमिपव्वजा

- (२२९) चइऊण देवलीगाओ उदयत्री माणुसम्मि लोगंमि  
उवसंतभोअणिज्जो सरई पोरणियं जाइ ॥२२८॥ -1
- (२३०) जाइ सरित्तु भयवं सयंसंबुद्धो अनुत्तरे धम्मे  
पुत्तं ठवेत्तु रज्जे अभिनिक्खमइ नमी राया ॥२२९॥ -2
- (२३१) से देवलोगसरिसे अंतेउरवरगओ वरे भोए  
भुंजित्तु नमी राया बुद्धो भोगे परिअयई ॥२३०॥ -3
- (२३२) मिहिलं सपुरजणवयं बलभोरोहं च परियणं सव्वं  
चिअा अभिनिक्खंतो एगंतमहिद्धिओ भयवं ॥२३१॥ -4
- (२३३) कोलाहलगभूयं आसी मिहिलाए पव्वयतंमि  
तइया रायरिसिंमि नमिमि अभिनिक्खमंतंमि ॥२३२॥ -5
- (२३४) अब्भुद्धियं रायरिसिं पव्वजाठाणमुत्तमं  
सक्की माअणउवेण इमं वयणमव्ववी ॥२३३॥ -6
- (२३५) किण्णु मो अअ मिहिलाए कोलाहलगसंकुला  
सुव्वंति दारुणा सहा पासाएसु गिहेसु य ॥२३४॥ -7

- (२३६) एयमहं निसामित्ता हेऊकारणचोइओ  
नओ नमी रायरिसी देविंदं इणमब्बवी ॥२३५॥ -९
- (२३७) मिहिलाए चेइए वच्छे सीयच्छए मनोरमे  
पत्तपुप्फकलोवेए बहूणं बहुगुणे सया ॥२३६॥ -९
- (२३८) वाएण हीरभाणंमि चेइयंमि मणोरमे  
दुहिया असरणा अत्ता एए कंदंति मो खगा ॥२३७॥ -१०
- (२३९) एयमहं निसामित्ता हेऊकारणचोइओ  
तओ नमि रायरिसिं देविंदा इणमब्बवी ॥२३८॥ -११
- (२४०) एस अग्गी य वाऊ य एयं इज्झइ मदिंरं  
भयवं अंतेउरं तेणं कीस णं नायपेक्खह ॥२३९॥ -१२
- (२४१) एयमहं निसामित्ता हेऊकारणचोइओ  
तओ नमि रायरिसी देविंदं इणमब्बवी ॥२४०॥ -१३
- (२४२) सुहं वसामो जीवामो जेसिं मो नत्थि किचण  
मिहिलाए इज्झमाणीए न मे इज्झइ किचण ॥२४१॥ -१४
- (२४३) चत्तपुत्तकलत्तस्स निव्वावारस्स भिक्खुणो  
पियं न विज्झइ किंचि अप्पियं पि न विज्झए ॥२४२॥ -१५
- (२४४) बहुं खु मुणिणो महं अणगारस्स भिक्खुणो  
सव्वओ विप्पमुक्कस्स एगंतमणुपत्सओ ॥२४३॥ -१६
- (२४५) एयमहं निसामित्ता हेऊकारणचोइओ  
तओ नमि रायरिसिं देविंदो इणमब्बवी ॥२४४॥ -१७
- (२४६) पागारं कारइताणं गोपुरइलगाणि य  
उस्सूलगसयग्घीओ तओ गच्छसि खत्तिया ॥२४५॥ -१८
- (२४७) एयमहं निसामित्ता हेऊकारणचोइओ  
तओ नमी रायरिसी देविंदं इणमब्बवी ॥२४६॥ -१९
- (२४८) सद्धं नगरं किस्सा तवसंवरमंगलं  
खंतिं निउणपागारं तिगुत्तं दुप्पयंसयं ॥२४७॥ -२०
- (२४९) धणुं परक्कमं किस्सा जीवं च इरियं सया  
धिइ च केयणं किस्साण सद्येण पत्तिमंथाए ॥२४८॥ -२१
- (२५०) तवनारायजुत्तेण भेमूणं कम्मकंचुयं  
मुणी विगपसंगामो मवाओ परिपुसए ॥२४९॥ -२२
- (२५१) एयमहं निसामित्ता हेऊकारणचोइओ  
तओ नमि रायरिसिं देविंदं इणमब्बवी ॥२५०॥ -२३
- (२५२) पासाए कारइताणं वद्धमाणिहाणि य  
वालगपोइयाओ य तओ गच्छसि खत्तिया ॥२५१॥ -२४
- (२५३) एयमहं निसामित्ता हेऊकारणचोइओ  
तओ नमी रायरिसी देविंदं इणमब्बवी ॥२५२॥ -२५

(२५४)	संसयं खलु सो कुणई जो मग्गे कुणई धरं जत्येव गंतुमिच्छेत्ता तस्य कुब्जेत्त सासयं	॥२५३॥ -26
(२५५)	एयमट्ठं निसामित्ता हेऊकारणचोइओ तओ नमि रायरिसिं देविंदो इणमब्बवी	॥२५४॥ -27
(२५६)	आमोसे लोमहारे य गंठिभेए य तक्करे नगरस्स खेमं काऊणं तओ गच्छसि खत्तिया	॥२५५॥ -28
(२५७)	एयमट्ठं निसामित्ता हेऊकारणचोइओ तओ नमी रायरिसी देविंदं इणमब्बवी	॥२५६॥ -29
(२५८)	असइं तु मणुस्सेहिं मिच्छा दंडे पजुजई अकारिणोऽत्य बज्झंति मुद्धई कारणो जणो	॥२५७॥ -30
(२५९)	एयमट्ठं निसामित्ता हेऊकारणचोइओ तओ नमि रायरिसिं देविंदो इणमब्बवी	॥२५८॥ -31
(२६०)	जे केइ पत्थिवा तुज्झं नानमंति नराहिवा वसे ते ठायइत्ताणं तओ गच्छसि खत्तिय	॥२५९॥ -32
(२६१)	एयमट्ठं निसामित्ता हेऊकारणचोइओ तओ नमी रायरिसी देविंदं इणमब्बवी	॥२६०॥ -33
(२६२)	जो सहस्सं सहस्साणं संगामे दुज्जए जिणे एगं जिणेज्ज अप्पाणं एस से परमो जओ	॥२६१॥ -34
(२६३)	अप्पाणमेव जुज्झाहि किं ते जुज्झेण बज्झओ अप्पाणमेवमप्पाणं जइत्ता सुरुमेहए	॥२६२॥ -35
(२६४)	पंचिदियाणि कोहं माणं मायं तहेव लोहं च दुज्जयं चेव अप्पाणं सख्वं अप्पे जिए जियं	॥२६३॥ -36
(२६५)	एयमट्ठं निसामित्ता हेऊकारणचोइओ तओ नमि रायरिसिं देविंदो इणमब्बवी	॥२६४॥ -37
(२६६)	जइत्ता विउले जत्थे भोइत्ता समणामाहणे दच्च भोद्धा य जिट्ठा य तओ गच्छसि खत्तिया	॥२६५॥ -38
(२६७)	एयमट्ठं निसामित्ता हेऊकारणचोइओ तओ नमी रायरिसी देविंदं इणमब्बवी	॥२६६॥ -39
(२६८)	जो सहस्सं सहस्साणं मासे मासे गवं दए तस्स वि संजमो सेओ अदिंतस्स वि किंचणं	॥२६७॥ -40
(२६९)	एयमट्ठं निसामित्ता हेऊकारणचोइओ तओ नमि रायरिसिं देविंदो इणमब्बवी	॥२६८॥ -41
(२७०)	घोरासमं चइत्ताणं अनं पत्थेसि आसमं इहेव पोसहरओ भवाहि मणुयाहिवा	॥२६९॥ -42
(२७१)	एयमट्ठं निसामित्ता हेऊकारणचोइओ तओ नमी रायरिसी देविंदं इणमब्बवी	॥२७०॥ -43

- (२७२) मासे मासे तु जो बालो कुसगोण तु भुंजए  
न सो सुयक्खायधम्मस्स कलं अग्घइ सोलसिं ॥२७१॥ -44
- (२७३) एयमइं निसामित्ता हेऊकारणचोइओ  
तओ नमिं रायरिसिं देविंदो इणमब्बवी ॥२७२॥ -45
- (२७४) हिरण्णं सुवण्णं मणिमुत्तं कंसं दूसं च वाहणं  
कोसं वहावइत्ताणं तओ गच्छसिं खत्तिया ॥२७३॥ -46
- (२७५) एयमइं निसामित्ता हेऊकारणचोइओ  
तओ नमी रायरिसी देविंदं इणमब्बवी ॥२७४॥ -47
- (२७६) सुवण्णरुप्पस्स उ पव्वया भवे सिया हु केलाससमा असंखया  
नरत्स लुद्धरत्स न तेहिं किंचि इच्छा हु आगाससमा अनंतिया ॥२७५॥ -48
- (२७७) पुढवी साली जवा चेव हिरण्णं पसुभिस्सह  
पडिपुण्णं नाल मेगस्स इइ विज्जा तवं चरे ॥२७६॥ -49
- (२७८) एयमइं निसामित्ता हेऊकारणचोइओ  
तओ नमिं रायरिसिं देविंदो इणमब्बवी ॥२७७॥ -50
- (२७९) अच्छेरगमब्भुदए भोए चयसिं पत्थिया  
असंते कामे पत्थेसिं संकप्पेण विहन्सिं ॥२७८॥ -51
- (२८०) एयमइं निसामित्ता हेऊकारचोइओ  
तओ नमी रायरिसी देविंदं इममब्बवी ॥२७९॥ -52
- (२८१) सल्लं कामा विसं कामा कामा आसीविसोवमा  
कामे पत्थेमाणा अकामा जंति दोग्गइं ॥२८०॥ -53
- (२८२) अहे वयइ कोहेणं माणेणं अहमा गई  
माया गरुइंपडिग्घाओ लोमाओ दुहओ मयं ॥२८१॥ -54
- (२८३) अबउज्झिऊण माहणरूवं विउब्बिऊण इंदत्तं  
वन्दइ अभित्तुणंतो इमाहिं महुराहिं वग्गुहिं ॥२८२॥ -55
- (२८४) अहो ते निज्जिओ कोहो अहो माणो पराजिओ  
अहो निरक्किंया माया अहो लोमो वसीकओ ॥२८३॥ -56
- (२८५) अहो ते अज्जवं साहु अहो ते साहु मइवं  
अहो ते उत्तमाखंती अहो ते मुत्ति उत्तमा ॥२८४॥ -57
- (२८६) इहं सि उत्तमो भंते पच्छा होहिसिं उत्तमो  
लोगुत्तमुत्तमं ठाणं सिद्धिं गच्छसिं नीरओ ॥२८५॥ -58
- (२८७) एवं अभित्तुणंतो रायरिसिं उत्तमाए सज्जाए  
पयाहिणं करंतो पुणो पुणो वदईं सक्को ॥२८६॥ -59
- (२८८) तो वंदिऊण पाए चक्कंकुसलक्खणे पुणिवरस्स  
आगासेणुप्यइओ ललियचवलकुंडलत्तिरीडी ॥२८७॥ -60
- (२८९) नमी नमेइ अप्पाणं सक्खं सक्केण चोइओ  
चइऊण गेहं वइदेही सामण्णे पसुवट्ठिओ ॥२८८॥ -61

(२१०) एवं करेति संबुद्धा पंडिया पवियकवणा  
विणियद्वृत्ति भोगेसु जहा से नमी रापरिसि -त्ति बेमि ॥२८९॥ -६३

● मवमं अण्णयणं समसं ●

**दसमं अण्णयणं—दुमपत्तयं**

- (२११) दुमपत्तए पंडुआए जहा निवडइ राइगणाण अघए  
एवं मणुयाण जीवियं समयं गोयम मा पमायए ॥२९०॥ -१
- (२१२) कुसंगे जह ओसबिंदुए धोवं चिद्धइ लंबमाणए  
एवं मणुयाण जीवियं समयं गोयम मा पमायए ॥२९१॥ -२
- (२१३) इइ इत्तरियं मि आउए जोवियए बहुपञ्चवायए  
विहुणाहि रयं पुरे कडं समयं गोयम मा पमायए ॥२९२॥ -३
- (२१४) दुल्लहे खलु माणुसे भवे चिरकालेण वि सव्वपाणिणं  
गाढा य विवागा कम्मणो समयं गोयम मा पमायए ॥२९३॥ -४
- (२१५) पुढविकायमइगओ उक्कोसं जीवो उ संवसे  
कालं संखाईयं समयं गोयम मा पमायए ॥२९४॥ -५
- (२१६) आउकायमइगओ उक्कोसं जीवो उ संवसे  
कालं संखाईयं समयं गोयम मा पमायए ॥२९५॥ -६
- (२१७) तेउकायमइगओ उक्कोसं जीवो उ संवसे  
कालं संखाईयं समयं गोयम मा पमायए ॥२९६॥ -७
- (२१८) वाउकायमइगओ उक्कोसं जीवो उ संवसे  
कालं संखाईयं समयं गोयम मा पमायए ॥२९७॥ -८
- (२१९) वणस्सइकायमइगओ उक्कोसं जीवो उ संवसे  
कालमनंतदुरंनयं समयं गोयम मा पमायए ॥२९८॥ -९
- (२००) बेइदियकायमइगओ उक्कोसं जीवो उ संवसे  
कालं संखिजसन्नियं समयं गोयम मा पमायए ॥२९९॥ -१०
- (२०१) तेइदियकायमइगओ उक्कोसं जीवो उ संवसे  
कालं संखिजसन्नियं समयं गोयम मा पमायए ॥३००॥ -११
- (२०२) चउरिंदियकायमइगओ उक्कोसं जीवो उ संवसे  
कालं संखिजसन्नियं समयं गोयम मा पमायए ॥३०१॥ -१२
- (२०३) पंदिंदियकायमइगओ उक्कोसं जीवो उ संवसे  
सत्तडुमवगहणे समयं गोयम मा पमायए ॥३०२॥ -१३
- (२०४) देवे नेरइए अइगओ उक्कोसं जीवो उ संवसे  
इक्केक्कभवगहणे समयं गोयम मा पमायए ॥३०३॥ -१४
- (२०५) एवं मवसंतारे संसरइ सुहासुहेहिं कम्मोहिं  
जीवो पमायबहुलो समयं गोयम मा पमायए ॥३०४॥ -१५
- (२०६) लद्धण वि माणुसतणं आरिअत्तं पुणरवि दुल्लहं  
बहवे दसुया मिद्धेक्खुया समयं गोयम मा पमायए ॥३०५॥ -१६

- (३०७) लद्धणं वि आरियत्तणं अहीणपंचोदियया हु दुल्लहा  
विगल्लिदियया हु दीसई समयं गोयम मा पमायए ॥३०६॥ -17
- (३०८) अहीणपंचोदियत्तं पि से लहे उत्तमधम्मसुई हु दुल्लहा  
कुत्तित्थिनिसेवए जणे समयं गोयम मा पमायए ॥३०७॥ -18
- (३०९) लद्धण वि उत्तमं सुई सहहणा पुणरावि दुल्लहा  
मिच्छत्तिनिसेवए जणे समयं गोयम मा पमायए ॥३०८॥ -19
- (३१०) धम्मं पि हु सहहंतया दुल्लहया काएण फासया  
इह कामगुणेहि मुच्छिया समयं गोयम मा पमायए । ॥३०९॥ -20
- (३११) परिजूरइ ते सरीरयं केसा पंडुरया हवंति ते  
से सोयबले य हायई समयं गोयम मा पमायए ॥३१०॥ -21
- (३१२) परिजूरइ ते सरीरयं केसा पंडुरया हवंति ते  
से चक्खुबले य हायई समयं गोयम मा पमायए ॥३११॥ -22
- (३१३) परिजूरइ ते सरीरयं केसा पंडुरया हवंति ते  
से घाणबले य हायई समयं गोयम मा पमायए ॥३१२॥ -23
- (३१४) परिजूरइ ते सरीरयं केसा पंडुरया हवंति ते  
से जिम्मबले य हायई समयं गोयम मा पमायए ॥३१३॥ -24
- (३१५) परिजूरइ ते सरीरयं केसा पंडुरया हवंति ते  
से फासबले य हायई समयं गोयम मा पमायए ॥३१४॥ -25
- (३१६) परिजूरइ ते सरीरयं केसा पंडुरया हवंति ते  
से सच्चबले य हायई समयं गोयम मा पमायए ॥३१५॥ -26
- (३१७) अरई गंडं विसुइया आयंका विविहा फुसंति ते  
विहडइ विद्धसइ ते सरीरयं समयं गोयम मा पमायए ॥३१६॥ -27
- (३१८) वोछिंद सिणेहमप्पणो कुमुयं सारइयं व पाणियं  
से सच्चसिणेहवज्जिए समयं गोयम मा पमायए ॥३१७॥ -28
- (३१९) चिच्चाण धणं व भारियं पव्वइओ हि सि अणगारियं  
मा वंतं पुणो वि आविए समयं गोयम मा पमायए ॥३१८॥ -29
- (३२०) अबउज्झिय मित्तबंधवं विउलं चेव धणोहसंचयं  
मा तं बिइयं गवेसए समयं गोयम मा पमायए ॥३१९॥ -30
- (३२१) न हु जिणे अज्ज दिस्सई बहुमए दिस्सइ मग्गदेसिए  
संपइ नेयाउए पहे समयं गोयम मा पमायए ॥३२०॥ -31
- (३२२) अवसोहिय कंटगापहं ओइन्नोसि पहं महालयं  
गच्छसि मग्गं विसोहिया समयं गोयम मा पमायए ॥३२१॥ -32
- (३२३) अबले जह भारवाहए मा मग्गे विसमे ऽवगाहिया  
पच्छा पच्छाणुतायए समयं गोयम मा पमायए ॥३२२॥ -33
- (३२४) तिण्णो हु सि अण्णयं महं किं पुण चिद्धसि तीरमागओ  
अमितुर पारं गमित्तए समयं गोयम मा पमायए ॥३२३॥ -34

- (१२५) अकलेवरसेणि पुत्तिसिया सिद्धि गोयम लोयं गच्छसि  
खेमं च सिधं अनुत्तरं समयं गोयम मा पमायए ॥३२४॥ -३६
- (१२६) बुद्धि परिनिव्युडे घरे गामगए नगरे व संजए  
सन्तीमणं च बूहए समयं गोयम मा पमायए ॥३२५॥ -३६
- (१२७) बुद्धस्स निसम्प भासियं सुकहियमहुपओवसोहियं  
रागं दोसं च छिदिया सिद्धिगइं गए गोयमे -त्ति बेमि ॥ ॥३२६॥ -३७

● इत्थमं अञ्जयणं समत्तं ●

**इक्कारसमं अञ्जयणं—बहुस्सुयपुजं**

- (१२८) संजोगा विष्पमुक्कस्स अणगारस्स भिक्खुणो  
आयारं पाउकरिस्सामि आणुपुव्वि सुणेह मे ॥३२७॥ -१
- (१२९) जे यावि होइ निव्विज्जे थद्धे लुद्धे अणिग्गहे  
अभिकखणं उल्लवई अविणीए अबहुस्सुए ॥३२८॥ -२
- (१३०) अह पंचहिं ठाणेहिं जेहिं सिक्खा न लब्भई  
थम्मा कोहा पमाएणं रोगेणालस्सएण य ॥३२९॥ -३
- (१३१) अह अद्धहिं ठाणेहिं सिक्खासीले ति बुद्धई  
अहस्सिरे सया दंते न य मम्ममुदाहरे ॥३३०॥ -४
- (१३२) नासीले न विसीले न सिया अइलोलुए  
अकोहणे सच्चरए सिक्खासीले ति बुद्धई ॥३३१॥ -५
- (१३३) अह घोहसहिं ठाणेहिं वड्डमाणे उ संजए  
अविणीए बुद्धई सो उ निव्व्याणं घ न गच्छइ ॥३३२॥ -६
- (१३४) अभिकखणं कोहो हवइ पबंधं च पकुव्वई  
भेत्तिज्जमाणो थमइ सुयं लध्धूण मज्जई ॥३३३॥ -७
- (१३५) अवि पावपरिक्खेवी अवि मित्तसु कुप्पई  
सुप्पियस्सावि मित्तस्स रहे भासइ पावयं ॥३३४॥ -८
- (१३६) पइण्णवाई दुहिले थद्धे लुद्धे अणिग्गहे  
असंविभागी अचि ते अविणीए ति बुद्धई ॥३३५॥ -९
- (१३७) अह पन्नरसहिं ठाणेहिं सुविणीए ति बुद्धई  
नीयवत्तो अचवले अमाई अकुऊहले ॥३३६॥ -१०
- (१३८) अप्पं च अहिंक्खिबई पबंधं घ न कुव्वई  
भेत्तिज्जमाणो थयई सुयं लध्धुं न मज्जई ॥३३७॥ -११
- (१३९) न य पावपरिक्खेवी न य मित्तसु कुप्पई  
अप्पियस्सावि मित्तस्स रहे कल्लाण भासई ॥३३८॥ -१२
- (१४०) कलहडमरवज्जिए बुद्धे अभिजाइए  
हिरिमं पडिसलीणे सुविणीए ति बुद्धई ॥३३९॥ -१३
- (१४१) वसे गुरुकुले निच्चं जोगवं उवहाणवं  
पियंकरे पियंवाई से सिक्खं लद्धुमरिहई ॥३४०॥ -१४

- (३४३) जहा संखम्मि पर्यं निहियं दुहओ वि विरायइ  
एवं बहुस्सुए भिक्खू धम्मो किती तथा सुयं ॥३४१॥ -15
- (३४३) जहा से कंबोयाणं आइण्णो कथए सिया  
आसे जवेण परवेर एवं हवइ बहुस्सुए ॥३४२॥ -16
- (३४४) जहाइण्णसमारुढे सुरे दटपरककमे  
उमओ नंदिवोसेणं एवं हवइ बहुस्सुए ॥३४३॥ -17
- (३४५) जहा करेणुपरिकिण्णे कुंजरे सट्ठिहायणे  
बलवंते अप्पडिहए एवं हवइ बहुस्सुए ॥३४४॥ -18
- (३४६) जहा से तिकखसिगे जायखंधे विरायई  
वसहे जूहाहिर्वई एवं हवइ बहुस्सुए ॥३४५॥ -19
- (३४७) जहा से तिकखदाढे उदगो दुप्पहंसए  
सीहे मियाण पवरे एवं हवइ बहुस्सुए ॥३४६॥ -20
- (३४८) जहा से वासुदेवे संखचकगयाधरे  
अप्पडियबले जीहे एवं हवइ बहुस्सुए ॥३४७॥ -21
- (३४९) जहा से चाउरंते चककवट्टी महिठ्ठिए  
घउइसरयणाहिर्वई एवं हवइ बहुस्सुए ॥३४८॥ -22
- (३५०) जहा से सहस्सकखे वज्रपाणी पुरंदरे  
सकके देवाहिर्वई एवं हवइ बहुस्सुए ॥३४९॥ -23
- (३५१) जहा से तिमिरविच्छंसे उट्टंतिते दिवापरे  
जलंते इव तेएण एवं हवइ बहुस्सुए ॥३५०॥ -24
- (३५२) जहा से उडुवई चंदे नक्खत्तपरिवारिए  
पडिपुण्णे पुण्णमासीए एवं हवइ बहुस्सुए ॥३५१॥ -25
- (३५३) जहा से समाइयाणं कोइागारे सुरक्खिए  
नाणाधन्नपडिपुन्ने एवं हवइ बहुस्सुए ॥३५२॥ -26
- (३५४) जहा सा दुमाण पवरा जंबू नाम सुदंसणा  
अणाट्टियस्स देवस्स एवं हवइ बहुस्सुए ॥३५३॥ -27
- (३५५) जहा सा नईण पवरा सलिला सागरंगमा  
सीया नीलवंतपवहा एवं हवइ बहुस्सुए ॥३५४॥ -28
- (३५६) जहा से नगाण पवरे सुमहं मंदरे गिरी  
नाणोसहिपअल्लिए एवं हवइ बहुस्सुए ॥३५५॥ -29
- (३५७) जहा से सयंभुरमणे उदही अक्खओदए  
नाणारयणपडिपुण्णे एवं हवइ बहुस्सुए ॥३५६॥ -30
- (३५८) समुद्दंभीरसमा दुरासपा अच्चक्किया केणइ दुप्पहंसया  
सुयस्स पुण्णा विउलस्स ताइणो खवित्तु कम्मं गइमुत्तमं गया ॥३५९॥ -31
- (३५९) तम्हा सुयमहिट्ठेइजा उत्तमट्ठगवेसए  
जेणप्पाणं परं चेत सिद्धिं संपाउणेअसि -ति बेमि ॥ ॥३५८॥ -32

● इक्कारसमं अक्कपणं समतां ●



### वारसमं अजसयणं—हरिएसिज्जं

- (३६०) सोवागकुलसंमूओ गुणुत्तरघरो मुणी  
हरिएसबलो नाम आसि भिक्खू जिइदिओ ॥३५९॥ -1
- (३६१) इरिएसणमासांए उच्चारसमिइसु य  
जओ आयाणनिकखेवे संजओ सुसमाहिओ ॥३६०॥ -2
- (३६२) मणगुतो वयगुतो कायगुतो जिइदिओ  
भिकखट्ठा बंमइअम्मि जन्नवाडं उवड्ढिओ ॥३६१॥ -3
- (३६३) तं पासिऊणं एअंतं तवेण परिसोसियं  
पंतोक्खिउवगरणं उवहसंति अणारिया ॥३६२॥ -४
- (३६४) जाइमयपडिबद्धा हिसगा अजिइदिया  
अबंभचारिणो बाला इमं वयणमब्बवी ॥३६३॥ -5
- (३६५) कयरे आगच्छइ दित्तरूवे काले विकराले फोककनासे  
ओमचेलए पंसुपिसायमूए संकरदूसं परिहरिय कंठे ॥३६४॥ -6
- (३६६) कयरे तुमं इय अदंसणिअं काए व आसा इहमागओसि  
ओमचेलया पंसुपिसायभूया गच्छक्खलाहि किमिहं ठिओ सि ॥३६५॥ -7
- (३६७) जक्खे तहिं तिंदुयरुक्खवासी अणुकंपओ तस्स महामुणिसस  
पच्छायइत्ता नियगं सरीरं इमाइं वयणाइमुदाहरित्या ॥३६६॥ -8
- (३६८) समणो अहं संजओ बंभयारी विरओ धणपयणपरिग्गहाओ  
परप्पवित्तस्स उ भिक्खकाले अन्नरस अद्दा इहमागओ मि ॥३६७॥ -9
- (३६९) वियरिअइ खअइ भुअइ अन्नं पभूयं भवयाणमेयं  
जाणाहि मे जायणजीविणु त्ति सेसावसेसं लभऊ तवस्सी ॥३६८॥ -10
- (३७०) उवक्खडं भोयण महानाणं अत्तद्धियं सिद्धमिहेगपक्खं  
न ऊ वयं एरिसमन्नपाणं दाहामु तुज्जं किमिहं ठिओ सि ॥३६९॥ -11
- (३७१) धलेसु बीयाइं ववंति कासगा तहेव निअेसु य आससाए  
एयाए सद्धाए दत्ताए मज्झं आराहए पुण्णनिणं खु खित्तं ॥३७०॥ -12
- (३७२) खेत्तामि अन्हं विइयाणि सोए जहिं पक्किष्णा विरुहंति पुण्णा  
जे माहणा जाइविअोववेया ताइं तु खेत्ताइं सुपेसलाइं ॥३७१॥ -13
- (३७३) कोहो य माणो य यहो य जेसिं मोसं अदत्तं च परिग्गहं च  
ते माहणा जाइविअाविहूणा ताइं तु खेत्ताइं सुपावयाइं ॥३७२॥ -14
- (३७४) तुब्बेत्य भो भारधरा गिराणं अट्टं न जाणाह अहिअं वेए  
उच्चावयाइं मुणिणो चरंति ताइं तु खेत्ताइं सुपेसलाइं ॥३७३॥ -15
- (३७५) अज्झावयाणं पडिक्कूलभासी पमाससे किं तु सगासि अन्हं  
अवि एयं विणासउ अन्नपाणं न य णं दाहामु तुमं नियंठा ॥३७४॥ -16
- (३७६) समिइहि मज्झं सुसमाहियस्स गुतोहि गुत्तस्स जिइदियस्स  
जइ मे न दाहित्य अहेसणिअं किमअ जन्नाण लहित्य लाहं ॥३७५॥ -17

- (३७७) के इत्य खत्ता उवजोइया वा अज्जावया वा सह खंडिएहिं  
एयं खु दंडेण फलएण हंता कंठमि धेत्तुण खलेज्ज जो णं ॥३७६॥ - 18
- (३७८) अज्जावयाणं वयणं सुणेत्ता उद्धाइया तत्थ बहू कुमारा  
दंडेहि वित्तेहि कसेहि धेव सामागया तं इसि तालयंति ॥३७७॥ - 19
- (३७९) रत्तो तहिं कोसलियस्स धूया मद्द ति नामेण अणिदिघंती  
तं पासिया संजय हम्ममाणे कुद्धे कुमारे परिनिव्ववेइ ॥३७८॥ - 20
- (३८०) देवामिओगेण निओइएणं दित्रामु रत्ता मणसा न झ़ाया  
नरिंददेविंदभिंदिएणं जेणामि वंता इसिणा स एसो ॥३७९॥ - 21
- (३८१) एसो हु सो उग्गतवो महप्पा जितिइंदिओ संजओ बंधयारी  
जो मे तया नेच्छइ दिज्जमाणि पिउणा सयं कोसलिएण रत्ता ॥३८०॥ - 22
- (३८२) महाजसो एस महाणुभागो धोरव्वओ धोरपरक्कमो य  
मा एयं हीलेह अहीलणिज्जं मा सव्वे तेषुण भे निद्वहेज्जा ॥३८१॥ - 23
- (३८३) एयाइं तीसे वयणाइं सोच्चा पतीइ भद्दाइ सुभासियाइं  
इसिस्स वेयावडियइयाए जक्खा कुमारे विणियारयंति ॥३८२॥ - 24
- (३८४) ते धोररुवा ठिय अंतलिकखेऽसुरा तहिं तं जण तालयंति  
ते भिन्नदेहे रुहिरं वधंते पासित्तु महा इणमाहु भुज्जो ॥३८३॥ - 25
- (३८५) गिरिं नहेहिं खणह अयं दंतेहिं खायह  
जायतेयं पाएहिं हणह जे भिक्खुं अवमन्नह ॥३८४॥ - 26
- (३८६) आसीविसो उग्गतवो महेसी धोरव्वओ धोरपरक्कमो य  
अगणिं व पक्खंदं पयंगसेणा जे भिक्खुयं भत्तकाले थहेह ॥३८५॥ - 27
- (३८७) सीसेण एयं सरणं उवेह समागया सव्वजणेण तुब्भे  
जइ इच्छह जीवियं वा यणं वा लोगांपि एसो कुविओ डहेज्जा ॥३८६॥ - 28
- (३८८) अवहेडियापिड्डिसत्तमंगे पसारिया बाहु अकम्मविट्ठे  
निब्भेरियच्छे रुहिरं वधंते उद्धंमुहे निग्गयजीहनेते ॥३८७॥ - 29
- (३८९) ते पासिया खंडिय कट्टभूए विमणो विसण्णो अह माहणोसो  
इसिं पसाएइ सभारियाओ हीलं च निंदं च खमाह भंते ! ॥३८८॥ - 30
- (३९०) बालेहि मूदेहि अयाणएहिं जं हीलिया तस्स खमाह भंते  
महप्पसाया इसिणो हव्वंति न हु मुणी कोवपरा हव्वंति ॥३८९॥ - 31
- (३९१) पुब्बिं च इण्हिं च अणागयं च मणप्पदोसो न मे अत्थिं कोइ  
जक्खा हु वेयावडियं करेति तन्हा हु एए निहया कुमारा ॥३९०॥ - 32
- (३९२) अत्थं च धम्मं च वियाणमाणा तुब्भं न वि कुप्पह भूइपप्पा  
तुब्भे तु पाए सरणं उवेमो समागया सव्वजणेण अन्हे ॥३९१॥ - 33
- (३९३) अच्चेमु ते महामाग न ते किंचि न अच्चिमो  
भुंजाहिं सालिमं कूरं नाणावंजणसंजुयं ॥३९२॥ - 34
- (३९४) इमं च मे अत्थिं पभूयमन्नं तं भुंजसु अन्ह अणुग्गहड्डा  
वाढं ति पडिच्छइ भत्तपाणे मासस्स ऊ पारणए महप्पा ॥३९३॥ - 35

- (३९५) तद्वियं गंधोदयपुष्पवासं दिव्वा तद्वि वसुहारा य द्बुद्धा  
पहयाओ दुंदुहीओ सुरेहिं. आगासे अहो दाणं च घुहं ॥३९५॥ - ३६
- (३९६) सखं खु दीसइ तवोविसेसो न दीसई जाइविसेसु कोई  
सोवागपुत्तं हरिएससाहुं जस्सेरिसा इहि महाणुभागा ॥३९६॥ - ३७
- (३९७) किं माहणा जोईसमारभंता उदएण सोहिं बहिया विमग्गहा  
जं मग्गहा बाहिरियं विसोहिं न तं सुइइं कुसला वयंति ॥३९६॥ - ३८
- (३९८) कुसं च जूयं तणकड्ढमग्गिं सायं च पायं उदगं फुसन्ता  
आणाइ भूयाइ विहेडयन्ता मुओ वि मन्दा पकरेह पावं ॥३९७॥ - ३९
- (३९९) कहं चरे भिक्खु वयं जयामो पावाइ कम्माइ पुणोस्सयामो  
अक्खहि णे संजय उक्खपूडया कहं सुइइं कुसला वयंति ॥३९८॥ - ४०
- (४००) छज्जीवकाए असमारभंता मोसं अदत्तं च असेवमाण्णा  
परिग्गहं इत्थिओ माण मायं एयं परित्राय घरंति दंता ॥३९९॥ - ४१
- (४०१) सुसंबुडा पंचहिं संबरेहिं इह जीवियं अणवकंछमाण्णा  
वोसइक्कया सुइचत्तदेहा महाजयं जयइ जअसिइं ॥४००॥ - ४२
- (४०२) के ते जोई के व ते जोइठाणे का ते सुया किं व ते कारिसंगं  
एहा य ते कयरा संति भिक्खु कयरेण होमेण हुणासि जोई ॥४०१॥ - ४३
- (४०३) तवो जोई जीवो जोइठाणं जोगा सुया सरीरं कारिसंगं  
कम्मेहा संजमजोगसंती होमं हुमामि इसिणं पसत्वं ॥४०२॥ - ४४
- (४०३) के ते हरए के य ते संतितित्ये कहिं सिणाओ व रयं जहासि  
आइक्ख णे संजय जक्खपूडया इच्छामो नाउं भवओ सगासो ॥४०३॥ - ४५
- (४०४) धम्मे हरए बंभे संतितित्ये अणाविले अत्तपसन्नलेसे  
जहिं सिण्हाओ विमलो विसुद्धो सुसीइभूओ पजहामि दोसं ॥४०४॥ - ४६
- (४०५) एयं सिणाणं कुसलेहिं दिइं महासिणाणं इसिणं पसत्वं  
जहिं सिणाया विमला विसुद्धा महारिसी उत्तमं ठाण पत्त-त्ति वेमि ॥४०५॥ - ४७

● वात्सवं अज्जवणं तप्तं ●

तेरसमं अज्जवणं—चित्तसंभूइअं

- (४०७) जाईपराजिओ खलु कासि नियाणं तु हत्थिणपुरिम्मि  
चुलणीए बंभदत्तो उववन्नो पउमगुम्माओ ॥४०६॥ - १
- (४०८) कपिल्ले संमूओ चित्तो पुण जाणो पुरिमतालम्मि  
सेट्टिकुलम्मि विसाले धम्मं सोऊण पव्वइओ ॥४०७॥ - २
- (४०९) कपिल्लंमि य नगरे समागया दो वि चित्तसंमूया  
सुहदुक्खफलविवागं कहें ते एककमेक्कस्स ॥४०८॥ - ३
- (४१०) चक्कवट्ठी महिइढीओ बंभदत्तो महायसो  
भायरं बहुमाणेणं इमं वयणमब्बवी ॥४०९॥ - ४
- (४११) आसीमो भायरा दोविं अन्नमन्नवसाणुगा  
अन्नमन्नमणुरत्ता अन्नमन्नहिण्णसिणो ॥४१०॥ - ५

- (४१२) दासा दसण्णे आसी मिया कालिजरे नगे  
हंसा मयंगतीराए सोवागा कासिभूमिए ॥४११॥ - 6
- (४१३) देवा य देयलोगम्मि आसि अन्हे महिद्धिया  
इमा नो छट्ठि जाई अन्नमन्नेण जा विणा ॥४१२॥ - 7
- (४१४) कम्मा नियाणप्पगडा तुमे राय ! विचितिया  
तेसिफलविवागेण विप्पओगमुवागया ॥४१३॥ - 8
- (४१५) सच्चसोयप्पगडा कम्मा मए पुरा कडा  
ते अञ्ज परिभुंजाभो किं नु चित्तेवि से तहा ॥४१४॥ - 9
- (४१६) सव्वं सुचिण्णं सफलं नराणं कडाण कम्माणं न मोक्ख अत्थि  
अत्थेहिं कामेहिं य उत्तमेहिं आया ममं पुण्णफलोववेए ॥४१५॥ - 10
- (४१७) जाणासि संभूय महाणुभागं महिद्धियं पुण्णफलोववेयं  
चित्तं पि जाणाहि तहेव रायं इद्धी जुई तस्सवि य प्पभूया ॥४१६॥ - 11
- (४१८) महत्थरूवा वयणाप्पभाया गाहाणुगीया नरसंधमज्जे  
जं भिक्खुणो सीलगुणोववेया इह जयन्ते समणीमि जाओ ॥४१७॥ - 12
- (४१९) उच्चोअए महु कक्के य बम्भे पवेइया आवसहा य रम्मा  
इमं गिहं चित्तधणप्पभूयं पसाहि पंचालगुणोववेयं ॥४१८॥ - 13
- (४२०) नट्टेहि गीएहि वाइएहिं नारीजणाहिं परिवास्यन्ती  
भुंजाहि भोगाइ इमाइ भिक्खु मम रोयई पव्वआ हु दुक्खं ॥४१९॥ - 14
- (४२१) तं पुव्वनेहेण कयाणुरागं नराहिवं कामगुणेषु गिखं  
धम्मस्सिओ तस्स हियाणुपेही चित्तो इमं वयणमुदाहरित्या ॥४२०॥ - 15
- (४२२) सव्वं विलवियं गीयं सव्वं नट्टं विड्ढिखियं  
सव्वे आमरणा मारा सव्वे कामा दुहावहा ॥४२१॥ - 16
- (४२३) बालाभिरामेषु दुहावहेसु न तं सुहं कामगुणेषु रायं  
विरत्कामाणं ततोवधणाणं जं भिक्खुणं सीलगुणे रयाणं ॥४२२॥ - 17
- (४२४) नरिंद जाई अहमा नराणं सोवागजाई दुहओ गयाणं  
जहिं वयं सव्वजणस्स वेस्सा वसीअ सोवागनिवेसणेसु ॥४२३॥ - 18
- (४२५) तीसे य जाईइ उ पावियाए वुच्छामु सोवागनिवेसणेसु  
सव्वस्स लोगस्स दुगंछणिआ इहं तु कम्माइ पुरे कडाइ ॥४२४॥ - 19
- (४२६) सो दाणिसि राय महाणुभागो महिद्धिओ पुण्णफलोववेओ  
चइत्तु भोगाइ असासयाइं आदाणहेउं अभिणिक्खमाहि ॥४२५॥ - 20
- (४२७) इह जीविए राय असासयम्मि धणियं तु पुण्णाइं अकुव्वमाणो  
से सोयई मच्चुमहीवणीए धम्मं अकाऊण परंमि लोए ॥४२६॥ - 21
- (४२८) जहेह सीहो व मियं गहाय मच्चू नरं नेइ हु अन्तकाले  
न तस्स माया व पिया व भाया कालम्मि तम्मंसहरा भवन्ति ॥४२७॥ - 22
- (४२९) न तस्स दुक्खं विभायन्ति नाइओ न भित्तवग्गा न सुया न बंधवा  
पक्को सयं पच्चणुहोइ दुक्खं कत्तारमेव अणुजाइ कम्मं ॥४२८॥ - 23

- (४३०) चिन्हा दुपयं च चउप्ययं च खेतं गिहं धणधन्नं च सर्वं  
सकम्मबीओ अवसो पयाइ परं भयं सुंदर पावणं वा ॥४२९॥ - 24
- (४३१) तं एकक्कं तुघसररीरं से चिईगयं दहिय उ पावगेणं  
भज्जा य पुत्तोवि य नायओ वा दायारमन्नं अणुसंकमन्ति ॥४३०॥ - 25
- (४३२) उवणिज्जई जीवियमप्यमायं वण्णं जरा हरइ नरस्स राय  
पंचालराया वयणं सुणाहि मा कासि कम्माइ महालयाइं ॥४३१॥ - 26
- (४३३) अहं पि जाणामि जहेह साहू जं मे तुमं साहसि वक्कमेयं  
भोगा इमे संगकरा हवति जे दुअया अओ अन्कारिसेहिं ॥४३२॥ - 27
- (४३४) हत्थिणपुरम्मि चित्ता दइणं नरवइं महिहीएये  
कामभोगेसु गिद्धेणं नियाणमसुहं कडं ॥४३३॥ - 28
- (४३५) तस्स मे अपडिकंतस्स इमं एयारिसं फलं  
जाणमाणो वि जं धम्मं कामभोगेसु मुच्छिओ ॥४३४॥ - 29
- (४३६) नागो जहा पंकजलावसन्नो दइं थलं नाभिसमेइ तीरं  
एवं वयं कामगुणेसु गिद्धा न भिक्खुणी मग्गमणुज्वयामो ॥४३५॥ - 30
- (४३७) अच्चेइ काली तरति राइओ न यावि भोगा पुरिसाण निच्चा  
उविच्च भोगा पुरिसं चयति दुमं जहा खीणफलं व पक्खी ॥४३६॥ - 31
- (४३८) जयं तं सि भागे चइउं असतो अज्जाइं कम्माइं करेहिं रायं  
धम्मे ठिओ सच्चपयाणुकंपी तो होहिसि देवो इओ विउव्वी ॥४३७॥ - 32
- (४३९) न तुज्ज भोगे चइऊण बुद्धी गिद्धोसि आरम्मपरिग्गहेसु  
मीहं कओ एत्तिउ विप्पलावो गच्छामि रायं आमंतिओ सि ॥४३८॥ - 33
- (४४०) पंचालरायावि य बंभदतो साहुस्स तस्स वयणं अकाउं  
अनुत्तरे भुजिय कामभोगे अनुत्तरे सो नरए पविट्ठो ॥४३९॥ - 34
- (४४१) चित्तो वि कामेहि विरत्तकामो उदग्गचारित्तवतो महेसी  
अनुत्तरं संजम पालइत्ता अनुत्तरं सिद्धिगइं गओ -त्ति बेमि ॥४४०॥ - 35

● तैरसमं अज्जयणं सप्तं ●

### चउदसमं अज्जयणं—उसुयारिज्जं

- (४४२) देवा भवित्ताण पुरे भवम्भी केई चुया एगविमाणवासी  
पुरे पुराणे उसुयारनामे खाए समिद्धे सुरलोगरम्मे ॥४४१॥ - 1
- (४४३) सकम्मसेसेण पुराकएणं कुलेसु दग्गेसु य ते पसूया  
निव्विण्णसंसारभया जहाय जिणिंदमगं सरणं पवन्ना ॥४४२॥ - 2
- (४४४) पुमत्तमागम्म कुमार दोवी पुरोहिओ तस्स जसा य पत्ती  
विसालकित्ती य तहोसुयारी रायत्य देवी कमलावई य ॥४४३॥ - 3
- (४४५) जाईजरामच्चुभयाभिभूया बहिंविहाराभिनिविट्ठचित्ता  
संसारचक्कस्स विमोक्खणद्धा दइण ते कामगुणे विरत्ता ॥४४४॥ - 4
- (४४६) पियपुत्तगा दोत्रि वि माहणस्स सकम्मसीलस्स पुरोहिइयस्स  
सरित्तु पोरणिणिय तत्य जाई तहा सुचिण्णं तवसंजमं च ॥४४५॥ - 5

- (४४७) ते कामधोगेसु असञ्जमाणा माणुस्सएसु जे यावि दिव्वा  
मोक्खामिकंखी अभिजायसह्हा तायंउवागम्म इमं उदाहु ॥४४६॥ - 6
- (४४८) असासं दहु इमं विहारं बहुअंतरायं न य दीहमाउं  
तम्हा गिहंसि न रइं लमाओ आमंतयामो घरिस्सामु मोणं ॥४४७॥ - 7
- (४४९) अह तायगो तत्थ मुणीण तेसिं तवस्स वाघायकरं वयासी  
इमं वयं वेयविओ वयंति जहा न होई असुयाण लोगो ॥४४८॥ - 8
- (४५०) अहिञ्ज वेए परिविस्स विप्ये पुत्ते परिदुप्प गिहंसि जाया  
भोद्धाण भोए सह इत्थियाहिं अरण्णागा होह मुनी पसत्था ॥४४९॥ - 9
- (४५१) सोयग्गिणा आयगुण्णिघणेणं मोहाणिला पञ्जलणाहिणं  
संतत्तभायं परितप्पमाणं लालप्पमाणं बहुहा बहुं च ॥४५०॥ - 10
- (४५२) पुरोहियं तं कमसोऽणुणंतं निमंतयंतं च सुए धणेणं  
जहक्कमं कामगुणेहिं चेव कुमारगा ते पसमिक्खं वक्कं ॥४५१॥ - 11
- (४५३) देया अहीया न भवंति ताणं भुत्ता दिया निति तमं तमेणं  
जाया य पुत्ता न हवंति ताणं को णाम ते अणुमत्तेअ एयं ॥४५२॥ - 12
- (४५४) खणमेत्तसोक्खा बहुकालदुक्खा पगामदुक्खा अणिगामसोक्खा  
संसारमोक्खस्सविपक्खभूयाखाणीअणत्याणउकामभोगा ॥४५३॥ - 13
- (४५५) परिव्वयंते अणियत्तकामे अहो य राओ परितप्पमाणे  
अन्नप्पभते धणमेसमाणे पप्येति मद्युं पुरिसे जरं घ ॥४५४॥ - 14
- (४५६) इमं च मे अत्थि इमं च नत्थि इमं च मे किञ्चमिमं अकिञ्चं  
तमेव मेवं लालप्पमाणं हरा हरंति ति क्हं पमाओ ॥४५५॥ - 15
- (४५७) धणं पभूयं सह इत्थियाहिं सयणा तथा कामगुणा पगामा  
तवं कए तप्पइ जस्स लोगो तं सव्व साहीणमिहेव तुब्भं ॥४५६॥ - 16
- (४५८) धणेण किं धम्मधुराहिगारे सयणेण वा कामगुणेहिं चेव  
समणा भविस्सामु गुणोहधारी बहिंविहारा अभिगम्म मिक्खं ॥४५७॥ - 17
- (४५९) जहा य अग्गी अरणी उसंतो खीरे घयं तेत्थमहा तिलेसु  
एमेव जाया सरीरंसि सत्ता संमुच्छई नासइ नावचिट्ठे ॥४५८॥ - 18
- (४६०) नोइंदियग्गेअ अमुत्तभावा अमुत्तभावा वि य होइ निच्चो  
अज्जत्थेहेउं निययस्स बन्धो संसारहेउं च वयन्ति बन्धं ॥४५९॥ - 19
- (४६१) जहा वयं धम्मं अजाणमाणा पावं पुरा कम्ममकासि मोहा  
ओरुबज्जमाणा परिरक्खियंता तं नेव भुओ वि समायरामो ॥४६०॥ - 20
- (४६२) अब्भाहयमि लोगमि सव्वओ परिवारिए  
अमोहाहिं पडंतीहिं गिहंसि न रइं लभे ॥४६१॥ - 21
- (४६३) केण अब्भाहओ लोगो केण वा परिवारिओ  
का वा अमोहा वुत्ता जाया वितावरो हुमि ॥४६२॥ - 22
- (४६४) मद्युणाऽब्भाहओ लोगो जराए परिवारिओ  
अमोहा रयणी वुत्ता एवं ताय विजाणए ॥४६३॥ - 23

- (४६५) जा जा वच्चइ रयणी न सा पडिनियत्तई  
अहम्मं कुणमाणस्स अफला जंति राइओ ॥४६५॥ -24
- (४६६) जा जा वच्चइ रयणी न सा पडिनियत्तई  
धम्मं च कुणमाणस्स सफला जंति राइओ ॥४६५॥ -25
- (४६७) एगओ संवसित्ताणं दुहओ सम्पत्तसंजुया  
पच्छा जाया गमिस्सामो भिक्खमाणा कुले कुले ॥४६६॥ -26
- (४६८) जस्सत्थि मच्चुणा सक्खं जस्स वऽत्थि पलायणं  
जो जाणे न मरिस्सामि सो हु कंखे सुए सिया ॥४६७॥ -27
- (४६९) अज्जेव धम्मं पडिवज्जयामो जहिं पवत्रा न पुणब्बवामो -28  
अनागयं नेव य अत्थि किंचि सद्धाखमं न विणइत्तु रागं ॥४६८॥ -28
- (४७०) पहीणपुत्तस्स हु नत्थि वासो वासिद्धिं भिक्खायरियाइ कालो  
साहाहि रुक्खो लहई समाहि छिन्नाहि साहाहि तमेव खाणुं ॥४६९॥ -29
- (४७१) पंखाविहूणो व्व जहेह पक्खी मिच्चाविहूणो व्व रणे नरिंदो  
विवत्रसारो वणिओ व्व पोए पहीणपुत्तो मि तथा अहंपि ॥४७०॥ -30
- (४७२) सुसंभिया कामगुणा इमे ते संपिंडिआ अग्गरसम्भूया  
भुंजामु ता कामगुणे पगामं पच्छा गमिस्सामु पहाणमग्गं ॥४७१॥ -31
- (४७३) भुत्ता रसा भोइ जहाइ णे वओ न जीवियद्वा पजहामि भोए  
त्ताभं अलाभं च सुहं च दुक्खं संचिक्खमाणो चरिस्सामि मोणं ॥४७२॥ -32
- (४७४) मा हु तुमं सोयरियाण संम जुण्णो व हंसो पडिसोत्तगामी  
भुंजाहि भोगाइ मए समाणं दुक्खं खु भिक्खायरियाविहारो ॥४७३॥ -33
- (४७५) जहा य भोई तणुयं भुयंगो निम्मोयणि हिच्च पलेइ मुत्तो  
एमेए जाया पयहंति मोह ते हं कहं नाणुगमिस्समेक्को ॥४७४॥ -34
- (४७६) छिंदित्तु जालं अबलं व रोहिया मच्छा जहा कामगुणे पहाय  
धोरेयसीला तवसा उदारा धीरा हु भिक्खारियं घरंति ॥४७५॥ -35
- (४७७) नहेव कुंचा समइक्कमंता तयाभि जालाणि दलित्तु हंसा  
पलेति पुत्ता य पई य मज्झं ते हं कहं नाणुगमिस्समेक्का ॥४७६॥ -36
- (४७८) पुरोहियं तं ससुयं सदारं सोद्धाऽमिनिक्खम्म पहाय मोह  
कुडुच्चसारं विउत्तुत्तमं च रायं अभिक्खं समुवाय देवी ॥४७७॥ -37
- (४७९) वंतासी पुरिसो रायं न सो होइ पसंसिओ  
माहणेणं परिच्चत्तं धणं आदाउमिच्छसि ॥४७८॥ -38
- (४८०) सव्वं जगं जइ तुहं सव्वं वावि धणं भवे  
सव्वं पि ते अपज्जत्तं नेव ताणाय तं तव ॥४७९॥ -39
- (४८१) मरिहिसि रायं जया तथा वा मणोरमे कामगुणे पहाय  
एक्को हु धम्मो नरदेव ताणं न विउई अन्नमिहेह किंचि ॥४८०॥ -40
- (४८२) नाहं रमे पक्खिणि पंजरे वा संताणछिन्ना चरिस्सामि मोणं  
अकिंचणा उज्जुकडा निराम्भिसा परिग्गहारम्मनियत्तदोसा ॥४८१॥ -41

- (४८३) दवग्गिणा जहा रण्णो इज्झमाणेसु जंतुसु  
अत्र सत्ता पमोयंति रागदोसवसं गया ॥४८३॥ -42
- (४८४) एवमेव बयं मूढा कामभोगेसु मुच्छिया  
इज्झमाणं न बुज्झामो रागदोसग्गिणा जगं ॥४८३॥ -44
- (४८५) भोगे मोद्धा वमिता य लहुभूयविहारिणो  
आभोयमाणा गच्छंति दिया कामकमा इव ॥४८४॥ -44
- (४८६) इमे य बद्धा फंदंति मम हत्थज्जमागया  
बयं सत्ता कामेसु भविस्सामो जहा इमे ॥४८५॥ -45
- (४८७) सामिसं कुललं दिस्स बज्झमाणं निरामिसं  
आमिसं सब्बतुज्झिता विहरिस्सामि निरामिसा ॥४८६॥ -46
- (४८८) गिद्धोवमे उ नद्धाणं कामे संसारवइद्धणे  
उरगो सुवण्णपासे व्व संकभणो तणुं चरे ॥४८७॥ -47
- (४८९) नागो व्व बंधणं छिता अप्पणो वसहि वए  
एयं पत्थं महारायं उस्सुयारि ति मे सुय ॥४८८॥ -48
- (४९०) चइत्ता विउलं रउं कामभोगे य दुद्दए  
निव्विसया निरामिसा निग्गहा निप्परिग्गहा ॥४८९॥ -49
- (४९१) सम्मं धम्मं वियाणित्ता चिच्चा कामगुणे वरे  
तवं पगिज्झहक्खायं घोरं घोरपरक्कमा ॥४९०॥ -50
- (४९२) एवं ते कमसो बुद्धा सब्बे धम्मपरायणा  
जम्भमद्दुभउव्विग्गा दुक्खस्ससंतगवेसिणो ॥४९१॥ -51
- (४९३) सासणे विगयमोहार्णं पुव्विं भावणभाविया  
अचिरेणेव कालेण दुक्खस्संतमुवागया ॥४९२॥ -52
- (४९४) राया सह देवीए माहणो य पुरोहिओ  
माहणी दारगा चेव सब्बे ते परिनिव्वुड -त्ति वेमि ॥ ॥४९३॥ -53

● चउदसमं अङ्कपर्यणं समत्तं ●

**पत्ररसमं अङ्कपर्यणं—सभिक्षुयं**

- (४९५) मोणं घरिस्सामि सभिच्च धम्मं सहिए उज्जुकडे नियणछिन्ने  
संयवं जहिञ्ज अकामकामे अत्रायएसी परिव्वए स भिक्षू ॥४९४॥ -1
- (४९६) राओवरयं घरेञ्ज लाढे विरए वेयवियायरक्खिए  
पत्रे अभिमूय सब्बदंसी जे कन्दिदि न मुच्छिए स भिक्षू ॥४९५॥ -2
- (४९७) अक्कोसवहं विइत्तुं धीरे मुणी चरे लाढे निच्चमायगुत्ते  
अव्वग्गमणे असंपहिद्धे जे कसिणं अहियासए स भिक्षू ॥४९६॥ -3
- (४९८) पंतं सपणासणं भइत्ता सीउण्हं विविहं च दंसमसणं  
अव्वग्गमणे असंपहिद्धे जे कसिणं अहियासए स भिक्षू ॥४९७॥ -4
- (४९९) नो सक्कियमिच्छईं न पूयं नो वि य वंदणगं कुओ पसंसं  
से संजए सुव्वए तवस्सी सहिए आयगवेसए स भिक्षू ॥४९८॥ -5



- (५००) जेण पुण जहाइ जीवियं मोहे वा कसिणं नियच्छई  
नरनारिं पजहे सया तवस्सी न य कोऊहलं उवेइ स भिक्खू ॥५९९॥-६
- (५०१) छिन्नं सरं भोमंअंतलिक्खं सुमिणं लक्खणदंइवत्युविजं  
अंगवियारं सरस्स विजयं जो विज्जाहिं न जीवइ स भिक्खू ॥५००॥-७
- (५०२) मंतं मूलं विविहं वेज्जचितं वमणविरेयणधुमणेत्तसिणाणं  
आउरे सरणं तिगिच्छियं च तं परित्राय परिव्वए स भिक्खू ॥५०१॥-८
- (५०३) खत्तियगणउग्गारायपुत्ता माहणभोइय विविहा य सिप्पिणो  
नो तेसिं वयइ सिलोणपूयं तं परित्राय परिव्वए स भिक्खू ॥५०२॥-९
- (५०४) गिह्णिणो जे पव्वइएण दिट्ठा अप्पवइएण व संथुया इविजा  
तेसिं इहलोइयफलट्ठा जो संयवं न करेइ स भिक्खू ॥५०३॥-१०
- (५०५) सयणासणपाणभोयणं विविहं खाइमसाइमं परेसिं  
अदए पडिसेहिए नियंठे जे तत्थ न पउस्सई स भिक्खू ॥५०४॥-११
- (५०६) जं किंचि आहारपाणणं विविहं खाइमसाइमं परेसिं लध्धुं  
जो तं तिधिहेणं नाणुकंपे मणवयकायसुसंबुडे स भिक्खू ॥५०५॥-१२
- (५०७) आयामगं चय जयोदणं च सीयं सोधीरजवोदणं ध  
न हीलए पिंडं नीरसं तु पंतकुलाई परिव्वए स भिक्खू ॥५०६॥-१३
- (५०८) सद्दा विविहा भवन्ति लोए दिव्वा माणुस्सगा तिरिच्छा  
भीमा भयभेरवा उराला जो सोद्धा न विहिज्जई स भिक्खू ॥५०७॥-१४
- (५०९) वादं विविहं समिञ्च लोह सहिए खेयाणुणए य कोवियप्पा  
पप्पे अमिभूय सव्वदंसी उवसंते अविहेडए स भिक्खू ॥५०८॥-१५
- (५१०) असिप्पजीवी अगिहे अमिते जिइंदिए सव्वजो विप्पमुज्जे  
अणुकूकसाई लहुअप्पमक्खी चिच्चा गिहं एगघरे स भिक्खू ॥५०९॥  
-ति बेमि ॥

● पत्रसमं अज्झयणं तपत्तं ●

**सोलसमं अज्झयणं—बंधेरसमाहिठणं**

(५११) सुयं मे आउसं-तेणं भगवया एवमक्खायं इह खलु धेरेहिं भगवंतेहिं दस बंधेरस  
माहिठणा पत्रता जे भिक्खू सोद्धा निसम्भ संजमबहुले संवरबहुले समाहिबहुले गुत्ते गुत्तिदिए  
गुत्तबंधयारी सया अप्पमत्ते विहरेजा ।२।-१

कयरे खलु ते धेरेहिं भगवंतेहिं दस बंधेरसमाहिठणा पत्रता जे भिक्खू सोद्धा निसम्भ  
संजमबहुले संवरबहुले समाहिबहुले गुत्ते गुत्तिदिए गुत्तबंधयारी सया अप्पमत्ते विहरेजा इमे खलु  
ते धेरेहिं भगवंतेहिं दस बंधेरसमाहिठणा पत्रता जे भिक्खू सोद्धा निसम्भ संजमबहुले  
संवरबहुले समाहिबहुले गुत्ते गुत्तिदिए गुत्तबंधयारी सया अप्पमत्ते विहरेजा तं जहा विदित्ताइं  
सयणासणाइं सेविज्जा हवइ से निगंथे नो इत्थीपसु-पंडग संसत्ताइ सयणासयाइं सेविता हवइ से  
निगंथे तं क्हमिति चे आयरियाह निगंथस्स खलु इत्थीपसुपंडगसंसत्ताइं सयणासणाइं  
सेवमाणस्स बंधयारिस्स बंधेरे संका वा कंखा वा विइगिच्छा वा समुप्पज्जिजा भेदं वा लभेजा

उम्मायं वा पाउणिजा दीहकालियं वा रोगायकं हवेजा केवलपन्नताओ धम्माओ भंसेजा तम्हा नो इत्थिपसुपंडगसंसत्ताई सयणासणाई सेवित्ता हवइ से निग्गंथे ।३।-२

(५११) नो इत्थीणं कहे कहित्ता हइ से निग्गंथं तं कहमिति चे आयरियाह निग्गंथस्स खलु इत्थीणं कहं कहेमाणस्स बंभयारिस्स बंभचेरे संका वा कंखा वा विइगिच्छा वा समुप्पञ्जिजा भेदं वा लभेजा उम्मायं वा पाउणिजा दीहकालियं वा रोगायकं हवेजा केवलपन्नताओ धम्माओ भंसेजा तम्हा नो इत्थीणं कहं कहेजा ।४।-३

(५१२) नो इत्थीणं सद्धिं सत्तिसेज्जागए विहरित्ता हवइ से निग्गंथे तं कहमिति चे आयरियाह निग्गंथस्स खलु इत्थीहिं सद्धिं सत्तिसेज्जागयस्स बंभचेरे संका वा कंखा वा विइगिच्छा वा समुप्पञ्जिजा भेदं वा लभेजा उम्मायं वा पाउणिजा दीहकालियं वा रोगायकं हवेजा केवलपन्नताओ धम्माओ भंसेजा तम्हा खलु नो निग्गंथे इत्थीहिं सद्धिं सत्तिसेज्जागए विहरइ ।५।-६

(५१५) नो इत्थीणं इंदियाई मणोहराई मणोरमाई आलोइत्ता निज्झाइत्ता हवइ से निग्गंथे तं कहमिति चे आयरियाह निग्गंथस्स खलु इत्थीणं इंदियाई मणोहराई मणोरमाई आलोए माणस्स निज्झायमाणस्स बंभयारिस्स बंभचेरे संका वा कंखा वा विइगिच्छा वा समुप्पञ्जिजा भेदं वा लभेजा उम्मायं वा पाउणिजा दीहकालियं वा रोगायकं हवेजा केवलपन्नताओ धम्माओ भंसेजा । तम्हा खलु नो निग्गंथे इत्थीणं इंदियाई मणोहराई मणोरमाई आलोएजा निज्झाएजा ।६।-७

(५१६) नो निग्गंथे इत्थीणं कुइंतरंसि या दूसंतरंसि वा भित्तंतरंसि वा कूइयसहं वा रुइयसहं वा गीयसहं वा हसियसहं वा थणियसहं वा कंदियसहं वा विलवियसहं वा सुणेत्ता हवइ से निग्गंथे । तं कहमिति चे आयरियाए निग्गंथस्स खलु इत्थीणं कुइंतरंसि वा दूसंतरंसि वा भित्तंतरंसि वा कूइयसहं वा रुइयसहं वा विलवियसहं वा सुणेमाणस्स बंभयारिस्स बंभचेरे संका वा कंखा वा विइगिच्छा वा समुप्पञ्जिजा भेदं वा लभेजा उम्मायं वा पाउणिजा दीहकालियं वा रोगायकं हवेजा केवलपन्नताओ धम्माओ भंसेजा तम्हा खलु नो निग्गंथे इत्थीणं कुइंतरंसि वा दूसंतरंसि वा भित्तंतरंसि वा कूइयसहं वा रुइयसहं वा गीयसहं वा हसियसहं वा थमियसहं कंदियसहं वा विलवियसहं वा सुणेमाणे विहरेजा ।७।-७

(५१७) नो निग्गंथे पुव्वरयं पुव्वकीलियं अणुसरित्ता हवइ से निग्गंथे तं कहमिति चे आयरियाह निग्गंथस्स खलु पुव्वरयं पुव्वकीलियं अणुसरमाणस्स बंभयारिस्स बंभयारिस्स बंभचेरे संका वा कंखा वा विइगिच्छा वा समुप्पञ्जिजा भेदं वा लभेजा उम्मायं वा पाउणिजा दीहकालियं वा रोगायकं हवेजा केवलपन्नताओ धम्माओ भंसेजा तम्हा खलु नो निग्गंथे पुव्वरयं पुव्वकीलियं अणुसरेजा ।८।-७

(५१८) नो निग्गंथे पणीयं आहारं आहरित्ता हवइ से निग्गंथे तं कहमिति चे आयरियाह निग्गंथस्स खलु पणीयं आहारं आहारेमाणस्स बंभयारिस्स बंभचेरे संका वा कंखा वा विइगिच्छा वा समुप्पञ्जिजा भेदं वा लभेजा उम्मायं वा पाउणिजा दीहकालियं वा रोगायकं हवेजा केवलपन्नताओ धम्माओ भंसेजा तम्हा खलु नो निग्गंथे पणीयं आहारे आहारेजा ।९।-७

(५१९) नो अइमायाए पाणाभोयणं आहारेत्ता हवइ से निग्गंथे तं कहमिति चे आयरियाए निग्गंथस्स खलु अइमायाए पाणभोयणं आहारेमाणस्स बंभयारिस्स बंभचेरे संका वा कंखा वा विइगिच्छा वा समुप्पञ्जिजा भेदं वा लभेजा उम्मायं वा पाउणिजा दीहकालियं वा रोगायकं हवेजा केवलपन्नताओ धम्माओ भंसेजा तम्हा खलु नो निग्गंथे अइमायाए पाणभोयणं भुंजिज्जा ।१०।

(५२०) नो विभूसाणुवादी हवइ से निगंगे तं कहमिति चे । आयरियाह । विभूसालवत्तिए विभूसियसरीरे इत्थिजणस्स अभिलसणिजे हवइ तओ णं तस्स इत्थिजणेणं अभिलसिज्ज- माणस्स बंधवेरे संका वा कंखा वा विङ्गिच्छा वा समुप्पज्जिजा भेदं वा लभेज्जा उम्मायं पाउणिज्जा दीहकालियं वा रोगायकं हवेज्जा केवलपत्रत्ताओ धम्माओ भंसेज्जा तम्हा खलु नो निगंगे विभूसाणुवादी सिया।११।-११

(५२१) नो सह्रुवरसगंधफासाणुवादी हवइ से निगंगे तं कहमिति चे आयरियाह निगंगथस्स खलु सह्रुवरसगंधफासाणुवादिसस बंधयारिस्स बंधवेरे संका वा कंखा वा विङ्गिच्छा वा समुप्पज्जिजा भेदं वा लभेज्जा उम्मायं वा पाउणिज्जा दीहकालियं वा रोगायकं हवेज्जा केवलपत्रत्ताओ धम्माओ भंसेज्जा तम्हा खलु नो सह्रुवरसगंधफासाणुवादी भवेज्जा से निगंगे दसमे बंधवेरसमाहिठणे हवइ ।१२।

[भवंति इत्थ सिलोगा तं जहा]

- |   |          |
|---|----------|
| (५२२) जं विवित्तमणाहण्णं रत्थियं इंधीजणेण य<br>बन्धवेरस्स रक्खद्वा आलयं तु निसेवए | ॥५१०॥-१  |
| (५२३) मणपल्हायजणणिं कामरागविवह्मणिं<br>बंधवेरओ भिक्खू धीकहं तु विवज्जए            | ॥५११॥-२  |
| (५२४) समं च संघवं धीहिं संकहं च अभिक्खणं<br>बंधवेरओ भिक्खू निद्वसो परिवज्जए       | ॥५१२॥-३  |
| (५२५) अंगपद्यंगसंठाणं चारुल्लवियपेहियं<br>बंधवेरओ धीणं चक्खुगिज्जं विवज्जए        | ॥५१३॥-४  |
| (५२६) कूइयं रुइयं गीयं हसियं थणियकंदियं<br>बंधवेरओ धीणं सोयगिज्जं विवज्जए         | ॥५१४॥-५  |
| (५२७) हासं किडुं रइं दप्पं सहसावित्तासियाणि य<br>बंधवेरओ धीणं नाणुचितं कयाइवि     | ॥५१५॥-६  |
| (५२८) पणीयं भत्तपाणं तु खिप्पं भयवियइद्वणं<br>बंधवेरओ भिक्खू निद्वसो परिवज्जए     | ॥५१६॥-७  |
| (५२९) धम्मलद्धं भियं काले जत्तत्थं पणिहाणवं<br>नाइमत्तं तु भुंजेज्जा बंधवेरओ सया  | ॥५१७॥-८  |
| (५३०) विभूसं परिवज्जेज्जा सरीरपरिमंडणं<br>बंधवेरओ भिक्खू सिंगारत्थं न धारए        | ॥५१८॥-९  |
| (५३१) सहे रुवे य गंधे य रसे फासे तहेव य<br>पंचविहे कामगुणे निद्वसो परिवज्जए       | ॥५१९॥-१० |
| (५३२) आलओ धीजणाइण्णो धीकहा य मणोरमा<br>संघवो चेव नारीणं तासिं ईदियदरिसणं          | ॥५२०॥-११ |
| (५३३) कूइयं रुइयं गीयं हसियं भुत्तासियाणि य<br>पणीयं भत्तपाणं च अइभायं पाणभोयणं   | ॥५२१॥-१२ |
| (५३४) गत्तभूसणमिद्वं च कामभोगा य दुज्जया<br>नरस्सत्तगवेसिस्स विसं तालउडं जहा      | ॥५२२॥-१३ |

(५३५)	दुञ्जए कामभोगे य निद्यसो परिवञ्जए संकड्डाणाणि सव्याणि षड्जेञ्जा पणिहाणवं	॥५२३॥ -14
(५३६)	धम्मारामे चरे भिक्खू धिइमं धम्मसारही धम्मारामरए दंते बंभचेरसमाहिए	॥५२४॥ -15
(५३७)	देवदानवगंधव्या जक्खरक्खसकिन्नरा बंभयारिं नमंसंति दुक्करं जे करंति तं	॥५२५॥ -16
(५३८)	एस धम्मे धुवे निद्ये सासए जिणदेसिए सिद्धा सिज्झंति चाणेण सिज्झिस्संति तहायरे -तिबेमि ॥	॥५२६॥ -17

● सोलसमं अञ्जयणं समत्तं ●

### सतरसमं अञ्जयणं—पावसमणिज्जं

(५३९)	जे केइ उ पव्वइए नियंटे धम्मं सुणिता विणओववत्ते सुदुल्लहं लहियं बोहिलापं विहरेज्ज पच्छ य जहासुहं तु	॥५२७॥ -1
(५४०)	सेञ्जा दढा पाउरणमि अत्थि उप्पज्जई पोतुं तहेव पाउं जाणामि जं वट्टइ आउसु ति किं नाम काहामि सुएण भंते	॥५२८॥ -2
(५४१)	जे केइ पव्वइए निद्दासीले पगामसो भोद्या पेद्या सुहं सुवइ पावसमणि ति बुद्धई	॥५२९॥ -3
(५४२)	आयरियउवज्जाएहिं सुयं विनयं च गाहिए ते चेव खिसई बाले पावसमणि ति बुद्धई	॥५३०॥ -4
(५४३)	आयरियउवज्जायाणं सम्मं नो पडितप्पइ अप्पडिपूयए यद्धे पावसमणि ति बुद्धई	॥५३१॥ -5
(५४४)	सम्महमाणे पाणाणि बीयाणि हरियाणि य असंजए संजयमत्रमाणो पावसमणि ति बुद्धई	॥५३२॥ -6
(५४५)	संधारं फल्लगं पीढं निसेज्जं पायकंबलं अप्पमज्जियमारुहइ पावसमणि ति बुद्धई	॥५३३॥ -7
(५४६)	दवदयस्स चरई पमत्ते य अभिक्खणं उल्लंधणे य चंडे य पावसमणि ति बुद्धई	॥५३४॥ -8
(५४७)	पडिलेहेइ पमत्ते अवज्जइ पायकंबलं पडिलेहणाअणाउत्ते पावसमणि ति बुद्धई	॥५३५॥ -9
(५४८)	पडिलेहेइ पमत्ते से किंचि हु निसामिया गुरुपारिभावए निच्चं पावसमणि ति बुद्धई	॥५३६॥ -10
(५४९)	बहुमाई पमुहरे यद्धे लुद्धे अणिग्गहे असंविभागी अवियत्ते पायसमणि ति बुद्धई	॥५३७॥ -11
(५५०)	विवादं च उदीरेइ अहम्मे अत्तपन्नहा बुग्गहे कलहे रत्ते पावसमणि ति बुद्धई	॥५३८॥ -12
(५५१)	अधिरासणे क्कुईए जत्थ तत्थ निसीयई आसणमि अणाउत्ते पावसमणि ति बुद्धई	॥५३९॥ -13

(५५२)	सरक्खपाए सुवई सेजं न पडिलेहइ संघारए अणाउते पावसमणि ति बुझई	॥५४०॥ -14
(५५३)	दुद्धदहीविगईओ आहारेई अभिक्खणं अरए य तवोकम्मे पावसमाणि ति बुझई	॥५४१॥ -15
(५५४)	अत्यंतम्मि य सूरम्मि आहारेई अभिक्खणं चोइओ पडिचोएइ पावसमणि ति बुझई	॥५४२॥ -16
(५५५)	आयरियपरिझाई परपासंडसेवए गाणंगणिए दुब्भूए पावसमणि ति बुझई	॥५४३॥ -17
(५५६)	सयं गेहं परिझअ परगेहिंसि वावरे निमित्तेणं य ववहरइ पावसमणि ति बुझई	॥५४४॥ -18
(५५७)	सन्नाइपिण्डं जेमेइ नेच्छई सामुदाणियं गिहिनिसेजं च वाहेइ पावसमणि ति बुझई	॥५४५॥ -19
(५५८)	एयारिसे पंचकुसीलसंवुडे रूवंधरे मुणिपवराण हेड्डिमे अयंसि लोए विसमेव गरहिए न से इहं नेव परत्य लोए	॥५४६॥ -20
(५५९)	जे वज्रए एए सया उ दोसे से सुब्बए होइ मुणीण मज्जे अयंसि लोए अमयं व पूइए आराहए लोगमिणं तहा परं	॥ ॥५४७॥ -21 ति बेमि

● उत्तरसप्तं अज्ज्ञयणं अमत्तं ●

अट्टारसमं अज्ज्ञयणं—संजइजं

(५६०)	कम्पिल्ले नयरे राया ऊदिण्णबलवाहणे नामेणं संजए नाभ मिगळ्वं उवणिगए	॥५४८॥ -1
(५६१)	हयाणीए गयाणीए रहाणीए तहेव च पायत्ताणीए महया सब्बओ परिवारिए	॥५४९॥ -2
(५६२)	मिए छुभित्ता हयगओ कंपिल्लुज्जाण केसरे मीए संते मिए तत्य वहेइ रसमुच्छिए	॥५५०॥ -3
(५६३)	अह केसरम्मि उज्जाणे अणगारे तवोघणे सज्जायज्झाणसंजुते धम्मज्झाणं झियायई	॥५५१॥ -4
(५६४)	अप्फोवमंडवम्मि ज्ञायइ झ्झविद्यासवे तस्सागए मिगे पासं वहेइ से नराहिवे	॥५५२॥ -5
(५६५)	अह आसगओ राया खिप्पमागम्म सो तहिं इए मिए उ पसित्ता अणगारं तत्य पासई	॥५५३॥ -6
(५६६)	अह राया तत्य संभंतो अणगारो मणाहओ मए उ मंदपुण्णेजं रसगिद्धेण कित्तुणा	॥५५४॥ -7
(५६७)	आसं विसज्झइताणं अप्पगारस्स सो निवो विनएण वंदए पाए भगवं एत्थ मे खमे	॥५५५॥ -8

(५६८)	अह मोषेण सो भगवं अणगारे झाणमस्सिए रायाणं न पडिमंतेइ तओ राथा भयहुओ	॥५६६॥ -९
(५६९)	संजओ अहमस्सीति भगवं वाहराहि मे कुत्ते तेएण अणगारे डठेअ नरकोडिओ	॥५६७॥ -१०
(५७०)	अमओ पत्थिवा तुळ्मं अभयदाया मवाहि य अणिछे जीवलोगम्मि किं हिंसाए पसअसी	॥५६८॥ -११
(५७१)	जया सव्वं परिछअ गंतव्वमवसस्स ते अणिछे जीवलोगम्मि किं रअम्मि पसअसी	॥५६९॥ -१२
(५७२)	जीक्खियं घेव रुवं घ थिअसंपायधंचलं जत्थ तं मुअसी रायं पेअत्थं नावबुअसे	॥५७०॥ -१३
(५७३)	दाराणि य सुया चेव मित्ता य तह बंधवा जीवंतमनुजीवंति मयं नाणुव्वयंति य	॥५७१॥ -१४
(५७४)	नीहरंति मयं पुत्ता पितरं परमदुक्खिया पितरो वि तहा पुत्ते बंधू रायं तवं चरे	॥५७२॥ -१५
(५७५)	तओ तेणअए दव्वे दारे य परिरक्खिए कीलंतअरे नरा रायं हइतुअमलंकिया	॥५७३॥ -१६
(५७६)	तेणावि जं कयं कम्मं सुहं वा जइ वा दुहं कम्मणा तेण संजुतो गच्छई उ परं भवं	॥५७४॥ -१७
(५७७)	सोऊण तस्स सो धम्मं अणगारस्स अंतिए महया संवेगनिव्वेदं समावओ नराहिओ	॥५७५॥ -१८
(५७८)	संजओ चइउं अण निक्खंतो जिणसासणे गह्मालिस्स भगवओ अणगारस्स अंतिए	॥५७६॥ -१९
(५७९)	विद्या अणुं पव्वइए खत्तिए परिभासइ जहा ते दीसई रुवं पसअं ते तहा मणो	॥५७७॥ -२०
(५८०)	किंनामे किं गोत्ते कस्सडाए घ माहणे कहं पडियरसी बुद्धे कहं यिणीए ति बुद्धसि	॥५७८॥ -२१
(५८१)	संजओ नाम नामेणं तहा गोत्तेण गोयमो गह्माली ममायरिया विआचरणपारगा	॥५७९॥ -२२
(५८२)	किरियं अकिरियं विनयं अत्राणं च मझामुणी एएहिं चउहिं ठाणेहिं भेयत्ते किं पभासई	॥५८०॥ -२३
(५८३)	इइ पाउकरे बुद्धे नायए परिनिव्वुडे विआचरण संपत्ते सस्से सअपरक्कमे	॥५८१॥ -२४
(५८४)	पडंति नराए घोरे जे नरा पावकारिणो दिव्वं च गइं गच्छंति चरित्ता धम्ममारियं	॥५८२॥ -२५
(५८५)	मायवुपइमेयं तु मुत्तमासा निरत्थिया संजममाणोअवि अहं वसामि इरियामि य	॥५८३॥ -२६

(५८६)	सव्वेए विइया मज्झं मिच्छादिट्ठी अणारिया विज्जमाणे परे लोए सम्मं जाणामि अप्पगं	॥५७४॥ -27
(५८७)	अहमासि महापाणे जुइमं वरिससओवमे जा सा पालिमहापाली दिव्वा वरिससओवमा	॥५७५॥ -28
(५८८)	से चुए बंमलोगाओ माणुसं भवमागए अप्पणो य परेसिं च आरं जाणे जहा तथा	॥५७६॥ -29
(५८९)	नाणा रुइं च छंदं च परिवज्जेअ संजए अणद्धा जे य सव्वत्या इइ विज्जामणुसंचरे	॥५७७॥ -30
(५९०)	पडिक्कमामि पसिणाणं परमंतेहिं वा पुणो अहो उट्ठिए अहोरायं इइ विज्जा तवं चरे	॥५७८॥ -31
(५९१)	जं च मे पुच्छसी काले सम्मं सुद्धेण चयेसा ताइं पाउकरे बुद्धे तं नाणं जिनसासणे	॥५७९॥ -32
(५९२)	किरियं च रोयई धीरे अकिरियं परिवज्जए दिट्ठिए दिट्ठीसंप्रे धम्मं चर सुदुद्धरं	॥५८०॥ -33
(५९३)	एयं पुण्णपयं सोच्चा अत्यधम्मोवसोहियं भरहो वि भारहं वासं चिच्चा कामाइ पव्वए	॥५८१॥ -34
(५९४)	सगरो वि सागरंतं भरहवासं नराहिवो इस्सरियं केवलं हिच्चा दयाइ परिनिव्वुडे	॥५८२॥ -35
(५९५)	चइत्ता भारहं वासं चक्कवट्ठी महाडिडओ पव्वज्जमञ्जुवगओ मघवं नाम महाजसो	॥५८३॥ -36
(५९६)	सणंकुमारो मणुस्सिंदो चक्कवट्ठी महिडिडओ पुतं रउे ठवेऊणं सो वि राया तवं चरे	॥५८४॥ -37
(५९७)	चइत्ता भारहं वासं चक्कवट्ठी महिडिडओ संती संतिकरे लोए पत्तो गइमनुत्तरं	॥५८५॥ -38
(५९८)	इक्खागरायवसमो कुंयू नाम नरीसरो विकखायकित्ती मोक्खं गओ अनुत्तरं धिइमं	॥५८६॥ -39
(५९९)	सागरन्तं चइत्ताणं भारहं रंतं, वांसनरीसरो अहो य अरयं पत्तो पत्तो गइमनुत्तरं	॥५८७॥ -40
(६००)	चइत्ता भारहं वासं चक्कवट्ठी नराहिवो चइत्ता उत्तमे भोए महापउमे तवं चरे	॥५८८॥ -41
(६०१)	एगच्छतं पसाहिता महिं माणनिसुरणो हरिसेणो मणुस्सिंदो पत्तो गइमनुत्तरं	॥५८९॥ -42
(६०२)	अत्रिओ रायसहस्सेहिं सुपरिच्चाई दमं चरे जयनामो जिणक्खायं पत्तो गइमनुत्तरं	॥५९०॥ -43
(६०३)	दसण्णरज्जं मुदियं चइत्ताणं मुणी चरे दसण्णभट्ठो निकखंतो सक्खं सक्केण चोइओ	॥५९१॥ -44

(६०४)	नमी नमेइ अम्पाणं सक्खं सक्केणं चोइओ घइऊण गेहं बइदेही सामण्णे पज्जुवड्डिओ	[५०]
(६०५)	करकंडू कलिंणेषु पंचालेषु य दुम्भुहो नमी राया विदेहेसु गंधारेसु य नगई	॥५९२॥ - 45
(६०६)	एए त्तिरिदवसभा निकखंता जिनसासणे पुत्ते रज्जे ठवेऊणं सामण्णे पज्जुवड्डिया	॥५९३॥ - 46
(६०७)	सोवीररायवसभो घइत्ताण मुणी चरे उद्दायणो पव्वइओ पत्तो गइमनुत्तरं	॥५९४॥ - 47
(६०८)	तहेय कासीराया सेओ सच्चपरक्कमे कामभोगे परिच्चज्ज पहणे कम्ममहावणं	॥५९५॥ - 48
(६०९)	तहेव विजओ राया अण्णक्कित्ति पव्वए रज्जं तु गुणसमिद्धं पयहित्तु महाजसो	॥५९६॥ - 49
(६१०)	तहेवुगंतवं किच्चा अव्वक्खित्तेण घेयसा महब्बलो रायरिसी आदाय सिरसा सिरिं	॥५९७॥ - 50
(६११)	कहं धीरो अहेऊहिं उम्मतो व महिं घो एए विसेसमादाय सूरु दढपरक्कमा	॥५९८॥ - 51
(६१२)	अच्चंतनियाणखमा सच्चा मे भासिया वई अत्तरिं सु तरंगे तरिसंति अनागया	॥५९९॥ - 52
(६१३)	कहं धीरे अहेऊहिं अत्ताणं परियावसे सव्वसंगविनिम्मुक्के सिद्धे भवइ नीएए -त्ति वेमि ॥	॥६००॥ - 53

● अद्धारसवं अञ्जयणं समत्तं ●

**एगूणविसइयं अञ्जयणं—मियापुत्तिजं**

(६१४)	सुग्गीवे नयरे रम्मे काणणुज्जाणसोहिए राया बलभहो ति मिया तस्सगमाहिंसी	॥६०१॥ - 1
(६१५)	तेसिं पुत्ते बलसिरी मियापुत्ते ति विस्सुए अम्मापिऊण दइए जुवराया दमीसरे	॥६०२॥ - 2
(६१६)	नंदणे सो उ पासाए कीलए सह इत्थिहिं देवे दोगुंदगो चैव निच्चं मुइयमाणसो	॥६०३॥ - 3
(६१७)	मणिरयणकुट्टिमतले पासायालोयणड्डिओ आलोएइ नगरस्स चउक्कत्तियचच्चरे	॥६०४॥ - 4
(६१८)	अह तत्थ अइच्चंतं पासाई समणसंजयं तवनियमसंजमधरं सीलहं गुणआगरं	॥६०५॥ - 5
(६१९)	तं देहई मियापुत्ते दिट्ठीए अण्णिमिसाए उ कहिं मत्तरेरिंसं रुवं दिट्ठुपुव्वं मए पुरा	॥६०६॥ - 6
(६२०)	साहुस्स दरिसणे तस्स अञ्जवसाणम्मि सोहणे मोहं भयस्स संतस्स जाईसरणं समुप्पन्नं	॥६०७॥ - 7



(१२१)	देवलोग चुओ संतो माणुसं भवमागओ सण्णिनाणे समुप्पण्णे जाई सरइ पुराणयं	[प०]
(१२२)	जाईसरणे समुप्पत्रे मियापुत्ते महिठ्ठिए सरई पोरणियं जाई सामण्णं च पुरा कयं	॥६०८॥ - ८
(१२३)	विसएहि अरअंतो रअंतो संजमम्मि य अम्मापियरंतुवागम्म इमं वयणमब्बवी	॥६०९॥ - ९
(१२४)	सुयाणि मे पंच महव्वयाणि नरएसु दुक्खं च तिरिक्खजोगिसु निव्विण्णकामो महण्णवाओ अणुजाणह पव्वइस्सामि अम्मो ॥६१०॥ - १०	
(१२५)	अम्मताय मए भोगा भुता विसकलोदमा पच्छा कडुयविगा अणुबंधदुहावहा	॥६११॥ - ११
(१२६)	इमं सरिरं अणिच्चं असुई असुइसंभवं असासयावासमिणं दुक्खकेसाण भायणं	॥६१२॥ - १२
(१२७)	असासए सरिरम्मि रई नोवलमामहं पच्छा पुरा व चइयव्वे फेणबुब्बुयसत्तिमे	॥६१३॥ - १३
(१२८)	माणुसत्ते असारम्मि वाहीरोगाण अलए जरामरणघत्थम्मि खण्णपि न रमामहं	॥६१४॥ - १४
(१२९)	जम्मं दुक्खं जरा दुक्खं रोगाणि मरणाणि य अहो दुक्खा हु संसारो जत्थ कीसंति जंतथो	॥६१५॥ - १५
(१३०)	खेतं वत्थुं हिरण्णं च पुत्तदारं च बंधवा चइत्ताणं इमं देहं गंतव्वमवसस्स मे	॥६१६॥ - १६
(१३१)	जहा किपागफलाण परिणामो न सुंदरो एवं भुत्ताण भोगाणं परिणामो न सुंदरो	॥६१७॥ - १७
(१३२)	अद्धाणं जो महंतं तु अप्पाहेओ पवअई गच्छन्तो सो दुही होइ छुहातण्हाए पीडिओ	॥६१८॥ - १८
(१३३)	एवं धम्मं अकाऊणं जो गच्छइ परं भवं गच्छन्तो सो दुही होइ वाहीरोगेहिं पीडिओ	॥६१९॥ - १९
(१३४)	अद्धाणं जो महंतं तु सपाहेओ पवअई गच्छन्तो सो सुही होइ छुहातण्हाविवअिओ	॥६२०॥ - २०
(१३५)	एवं धम्मं पि काऊणं जो गच्छइ परं भवं गच्छन्तो सो सुही होइ अप्पकम्मे अवेयणे	॥६२१॥ - २१
(१३६)	जहा गेहे पलित्तम्मि तस्स गेहस्स जो पहू सारमंडाणि नीणेइ असारं अयउज्झइ	॥६२२॥ - २२
(१३७)	एवं लोए पलित्तम्मि जराए मरणेण य अप्पाणं तारइस्सामि तुब्भेहिं अणुमअिओ	॥६२३॥ - २३
(१३८)	तं वितम्मापियरो सामण्णं पुत्त दुद्धरं गुणाणं तु सहस्साइं धारेयव्वाइं भिक्खुणो	॥६२४॥ - २४

(६३९)	समया सव्वभूएसु सत्तुमित्तिसु वा जगे पाणाइवायविरई जावज्जीवाए दुक्करं	॥६२५॥ - 25
(६४०)	निच्चकालप्पमत्तेणं मुसावायविवज्जणं भासियव्वं हियं सच्चं निच्चाउत्तेण दुक्करं	॥६२६॥ - 26
(६४१)	दंतसोहणमाइस्सस अदत्तस्स वियज्जणं अणवज्जेसणिज्जस्स गेण्णणा अवि दुक्करं	॥६२७॥ - 27
(६४२)	विरई अब्भचेरस्स कामभोगरसप्पुणा उण्णं महव्वयं बंभं धारेयव्वं सुदुक्करं	॥६२८॥ - 28
(६४३)	धणधत्तपेसक्कगेसु परिग्गहविवज्जणं सव्वारंभपरिच्चाओ निम्ममत्त सुदुक्करं	॥६२९॥ - 29
(६४४)	चउव्विहे वि आहारे राईभोयणवज्जणा सत्तिहीसंघओ चेव वज्जोयव्वो सुदुक्करं	॥६३०॥ - 30
(६४५)	छुहा तण्हा य सीउण्हं दंसमसगवेयणा । अक्कओसा दुक्खसेज्जा य तणफासा जल्लमेव य	॥६३१॥ - 31
(६४७)	तालणा तज्जणा चेव वहवंधपरीसहा दुक्खं भिक्खायरिया जायणा य अलाभया	॥६३२॥ - 32
(६४७)	कावोया जा इमा यिती केसलोओ य दारुणो दुक्खं बंभव्वयं धोरं धारेउं य महप्पणो	॥६३३॥ - 33
(६४८)	सुहोइओ तुमं पुत्ता सुकुमालो सुमज्जिओ न हु सी पभू तुमं पुत्ता सामण्णमणुपालिया	॥६३४॥ - 34
(६४९)	जावज्जीवमविस्सामो गुणाणं तु महाभरो गुरुओ लोहमारो व्व जो पुत्ता होइ दुव्वहो	॥६३५॥ - 35
(६५०)	आगासे गंगासोओ व्व पडिसोओ गुणोदही याहाहिं सागरो चेव तरिव्वो गुणोयही	॥६३६॥ - 36
(६५१)	बालुयाकवल्लो चेव निरस्साए उ संजमे असिधारागमणं चेव दुक्करं चरिउं तवो	॥६३७॥ - 37
(६५२)	अही वेगंतदिट्ठीए चरित्ते पुत्त दुक्करे जवा लोहमया चेय चावेयव्व्या सुदुक्करं	॥६३८॥ - 38
(६५३)	जहा अग्गिसिहा दित्ता पाउं होइ सुदुक्करा तहा दुक्करं करेउं जे तारूण्णे समणत्तणं	॥६३९॥ - 39
(६५४)	जहा दुक्खं भरेउं जे होइ वायस्स कोत्थलो तहा दुक्खं करेउं जे कीवेणं समणत्तणं	॥६४०॥ - 40
(६५५)	जहा तुलाए तोलेउं दुक्करं मंदरो गिरी तहा निहुयं नीसकं दुक्करं समणत्तणं	॥६४१॥ - 41
(६५६)	जहा भुयाहिं तरिउं दुक्करं रयणागरो तहा अणुवसंतेणं दुक्करं दमसागरो	॥६४२॥ - 42

(६५७)	भुंज माणुस्सए भोगे पंचलक्खणए तुमं भुत्तभोगी तओ जाया पच्छा धम्मं चरिस्ससि	॥६४३॥-४३
(६५८)	सो बित्तऽम्मापियरो एवमेयं जहा कुडं इह लोए निम्बिवासस्स नत्थि किंचि वि दुक्ककरं	॥६४४॥-४४
(६५९)	सारीरमाणसा चेव वेयणाओ अनंतसो मए सोढाओ मीमाओ असइं दुक्खमयाणि य	॥६४५॥-४५
(६६०)	जराणकंतारे चाउरंते भयागरे मए सोढाणि भीमाणि जम्माणि मरणाणि य	॥६४६॥-४६
(६६१)	जहा इहं अगणी उण्हो एतोऽ नंतगुणो तर्हिं नरएसु वेयणा उण्हा अस्साया वेइया मए	॥६४७॥-४७
(६६२)	जहा इमं इहं सीयं एतोऽ नंतगुणं तर्हिं नरएसु वेयणा सीया अस्साया वेइया मए	॥६४८॥-४८
(६६३)	कदंतो कंदुकुभीसु उट्ठपाओ अहोसिरो हुयासणे जलंतमि पक्कपुव्वो अनंतसो	॥६४९॥-४९
(६६४)	महादवगिसंकासे मरुम्भि वइरवालुए कलंबवालुयाए य दह्पुव्वो अनंतसो	॥६५०॥-५०
(६६५)	रसंतो कंदुकुभीसु उइढ बद्धो अबंधवो करवत्तकरकयाईहिं छिन्नपुव्वो अनंतसो	॥६५१॥-५१
(६६६)	अइत्तिक्खकंटगाइण्णे तुंगे सिबलिपायवे खेविंयं पासवद्धेणं कइढोकइढाहिं दुक्ककरं	॥६५२॥-५२
(६६७)	महाजंतसु उच्चू वा आरसंतो सुमेरवं पीलिओ मि सकम्भेहिं पावकम्भो अनंतसो	॥६५३॥-५३
(६६८)	कूयंतो कोलसुणएहिं सामेहिं सबलेहि य पाडिओ फालिओ छिन्नो विप्पुरंतो अणेगसो	॥६५४॥-५४
(६६९)	असीहिं अयसिवण्णाहिं मल्लिहिं पडिसेहि य छिन्नो भिन्नो विभिन्नो य ओइण्णो पावकम्पुणा	॥६५५॥-५५
(६७०)	अवसो लोहरहे जुत्तो जलंते समिलाजुए घोइओ तोत्तजुत्तेहि रोञ्जो वा जइ पाडिओ	॥६५६॥-५६
(६७१)	हुयासणे जलंतमि चियासु महिसो विव दइढो पक्को य अवसो पावकम्भेहिं पाविओ	॥६५७॥-५७
(६७२)	बलासंडासतुंडेहिं लोहतुंडेहिं पक्खिहिं विलुत्तो विलवतो इं ढंक्कगिद्धेहिऽ नंतसो	॥६५८॥-५८
(६७३)	तण्हाकिलंतो धावंतो पत्तो वेयरिणि नदिं जलं पाहिंति चितंतो खुरधारहिं विवाइओ	॥६५९॥-५९
(६७४)	उण्हाभितत्तो संपत्तो असिपत्तं महावणं असिपत्तेहिं पडंतोहिं छिन्नपुव्वो अणेगसो	॥६६०॥-६०

(६७५)	मुग्गरेहिं मुसंढीहिं सुलेहिं मुसलेहि य गयासं भग्गतेहिं पत्तं दुक्खं अनंतसो	॥६६१॥ -61
(६७६)	खुरेहिं तिक्खघारेहिं घुरियाहिं कप्पणीहि य कप्पिओ फालिओ छिन्नो उक्किक्तो य अणेगसो	॥६६२॥ -62
(६७७)	पासेहिं कूडजालेहिं मिओ या अवसो अहं वाहिओ बद्धरुद्धो वा बहू चेव विवाइओ	॥६६३॥ -63
(६७८)	गलेहिं मगरजालेहिं मच्छो वा अवसो अहं उच्छिओ फालिओ गहिओ मारिओ य अनंतसो	॥६६४॥ -64
(६७९)	वीदंसएहिं जालेहिं लेप्पाहिं सउणो विव गहिओ लग्गो बद्धो य मारिओ य अनंतसो	॥६६५॥ -65
(६८०)	कुहाडफरसुमाईहिं वट्टईहिं दुमो विव कुट्टिओ फालिओ छिन्नो तच्छिओ य अनंतसो	॥६६६॥ -66
(६८१)	चवेडमुट्टिमाईहिं कुमारेहिं अयं पिव ताडिओ कुट्टिओ भिन्नो घुण्णिओ य अनंतसो	॥६६७॥ -67
(६८२)	तत्ताइं तंबलोहाइं तउयाइं सीसयाणि य पाइओ कलकलंताइं आरसंतो सुभेरवं	॥६६८॥ -68
(६८३)	तुहं पियाईं मंसाइं खण्डाईं सोल्लगाणि य खाविओ मि समंसाइं अग्गिवण्णाइं ऽपेगसो	॥६६९॥ -69
(६८४)	तुहं पिया सुरा सीहू मेरओ य महूणि य पाइओ मि जलंतीओ वसाओ रूहिराणि य	॥६७०॥ -70
(६८५)	निच्चं भीएण तत्थेण दुहिएण वहिएण य परमा दुहसंबद्धा वेयणा वेइया मए	॥६७१॥ -71
(६८६)	तिच्चचंडप्पगाढाओ घोरओ अइदुस्सहा महव्वयाओ भीमाओ नरएसु वेदिता मए	॥६७२॥ -72
(६८७)	जारिसा माणुसे लोए ताया दीसंति वेयणा एत्तो अणनंतगुणिया नरएसु दुक्खवेयणा	॥६७३॥ -73
(६८८)	सव्वभवेसु अस्साया वेयणा वेदिता मए निमेसंतरमित्तिपि जं साता नत्थि वेयणा	॥६७४॥ -74
(६८९)	तं ब्भित्तम्मापियरो छंदेणं पुत्त पव्वया नवरं पुण साम्णे दुक्खं निप्पडिकम्मया	॥६७५॥ -75
(६९०)	सो ब्भित्तम्मापियरो एवमेयं जहा फुडं पडिकम्मं को कुणई अरण्णे मियपक्खिणं	॥६७६॥ -76
(६९१)	एगभूओ अरण्णे वा दहा उ चरई मिगो एवं धम्मं चरिस्सामि संजमेणं तवेण य	॥६७७॥ -77
(६९२)	जहा मिगस्स आयंको महारण्णाम्मि जायई अच्छंतं रुक्खमलाम्मि को णं ताहे तिगिच्छिई	॥६७८॥ -78

(६९३)	को वा से ओसहं देइ को वा से पुच्छई सुहं को से भत्तं च पाणं या आहरित्तु पणामए	॥६७९॥-७७
(६९४)	जयसे सुहो हइ तया गच्छइ गौरं भत्तपाणस्स अट्टाप बल्लाणि सराणि य	॥६८०॥-८०
(६९५)	खाइत्ता पाणियं पाउं यल्लरेहिं सरेहि वा मिगचारियं चरित्ताणं गच्छई मिगचारियं	॥६८१॥-८१
(६९६)	एवं समुद्धिओ भिक्खू एवमेव अणेगए मिगचारियं चरित्ताणं उइढं पक्कमई दिसं	॥६८२॥-८२
(६९७)	जहा मिगे एग अणेगचारी अणेगवासे धुवगोषरे य एवं मुणी गोयारियं पविट्ठे नो हीलए नो वि य खिसएजा	॥६८३॥-८३
(६९८)	मियचारियं चरिस्सामि एवं पुत्ता जहासुहं अम्मापिऊहिंउणुत्राओ जहाइ उवहिं तहा	॥६८४॥-८४
(६९९)	मियचारियं चरिस्सामि सब्बदुक्खविमोक्खणि तुब्भेहिं अब्भणुत्राओ गच्छ पुत्त जहासुहं	॥६८५॥-८५
(७००)	एवं सो अम्माणियरो अणुमामित्ताणं बहुविहं ममत्तं छिदई ताहे महानागो व्व कंचुयं	॥६८६॥-८६
(७०१)	इही यित्तं च मित्ते य पुत्तादारं च नायओ रेणुयं व पडे लगं निद्धुणित्ताण निग्गओ	॥६८७॥-८७
(७०२)	पंचमहव्वयजुत्तो पंचहिं समिओ तिगुत्तिगुत्तो य सम्भितरबाहिरओ तवोकम्मंसि उज्जुओ	॥६८८॥-८८
(७०३)	निम्ममो निरहंकारो निस्संगो चत्तगारवो समो य सब्बभूएसु तसेसु धावरेसु य	॥६८९॥-८९
(७०४)	लाभालाभे सुहे दुक्खे जीविए मरणे तहा समो निंदापसंसासु तहा माणावमाणओ	॥६९०॥-९०
(७०५)	गारवेसु कसएसु दंडसल्लभएसु य नियत्तो हाससोमाओ अनियाणो अबंधवो	॥६९१॥-९१
(७०६)	अणित्तिओ इहं लोए परलोए अणित्तिओ वासचंदणकप्पो य असणे अनसणे तहा	॥६९२॥-९२
(७०७)	अप्पसत्थेहिं दारेहिं सब्बओ पिण्डियासवे अज्झप्पज्जाणजोगेहिं पसत्थदमसासणे	॥६९३॥-९३
(७०८)	एवं नाणेण चरणेण दंसणेण तवेण य भावणाहिं य सुद्धाहिं सम्मं भावेत्तुं अप्पयं	॥६९४॥-९४
(७०९)	बहुयाणि उ वासाणि सामण्णमणुपालिया मासिएण उ भत्तेण सिद्धि पत्तो अनुत्तरं	॥६९५॥-९५
(७१०)	एवं करंति संबुद्धा पंडिया पवियक्खणा विणिअट्ठति भोगेसु मियापुत्ते जहारिसी	॥६९६॥-९६

- (७११) महापभावस्स महाजसस्स मियाइ पुत्तस्स निसम्म भासियं  
तवप्पहाणं चरियं च उत्तमं गइप्पहाणं च तिलोगविस्सुयं ॥६९७॥-७७
- (७१२) वियाणिया दुक्खविवद्धणं धणं ममत्तबन्धं च महब्बयादहं  
सुहावहं धम्मधुरं अनुत्तरं धारेह निव्वाणगुणावहं-ति वेमि ॥६९८॥-७८
- एगुणविसइमं अञ्जयणं समत्तं ●

### विसइमं अञ्जयणं—महानियंठिजं

- (७१३) सिद्धाणं नमो किच्चा संजयाणं च भावओ  
अत्यधम्मगइं तच्चं अणुसट्ठिं सुणेह मे ॥६९९॥-१
- (७१४) पभूयरपणो राया सेणिओ मगहाहिवो  
विहारजत्तं निज्जाओ मंडिकुच्छिंसि चेइए ॥७००॥-२
- (७१५) नाणादुमलयाइण्णं नाणापक्खिनिसेवियं  
नाणाकुसुमसंछत्रं उज्जाणं नन्दणोवमं ॥७०१॥-३
- (७१६) तत्थ सो पासई साहं संजयं सुसमाहियं  
निसत्रं रुक्खमूलम्मि सुकुमालं सुहोइयं ॥७०२॥-४
- (७१७) तस्स रुवं तु पासित्ता राइणो तम्मि संजए  
अच्चंतपरमो आसी अउलो रुवविम्हओ ॥७०३॥-५
- (७१८) अहो वण्णो अहो रुवं अहो अज्जस्स सोमया  
अहो खंती अहो मुत्ती अहो भोगे असंगया ॥७०४॥-६
- (७१९) तस्स पाए उ वदिता काऊण य पयाहिणं  
नाइदूरमणासत्रे पंजली पडिपुच्छई ॥७०५॥-७
- (७२०) तरुणो सि अज्जो पव्वइओ भोगकालम्मि संजया  
उवद्धिओ सि सामण्ये एयमट्ठं सुणेमि ता ॥७०६॥-८
- (७२१) अणाहो मि महाराय नाहो मज्झ न विज्जई  
अणुकंपगं सुहिं वावि कंचि नाभिसमेमहं ॥७०७॥-९
- (७२२) तओ सो पव्वसिओ राया सेणिओ मगहाहिवो  
एवं ते इड्ढिमंतस्स कहं नाहो न विज्जई ॥७०८॥-१०
- (७२३) होमि नाहो भयंताणं भोगे भुंजाहि संजया ।  
मित्तनाईपरिवुडो माणुस्सं खु सुदुल्लहं ॥७०९॥-११
- (७२४) अप्पणा वि अणाहोऽसि सेणिया मगहाहिवो  
अप्पणा अणाहो संतो कस्स नाहो भविस्ससि ॥७१०॥-१२
- (७२५) एवं वुत्तो नरिंदो सो सुसंभंतो सुविम्हिओ  
वयणं अस्सुयपुव्वं साहुणा विम्हयत्तिओ ॥७११॥-१३
- (७२६) अस्सा हत्थी मणुस्सा मे पुरं अंतैउरं च मे  
भुंजायि माणुसे भोगे आणा इस्सरियं च मे ॥७१२॥-१४
- (७२७) एरिसे संपयग्गम्मि सव्वकामसमप्यिए  
कहं अणाहो भवइ मा हु भंते मुसं वए ॥७१३॥-१५

(७२८)	न तुभं जाणे अणाहस्स अत्थं पोत्थ च पत्थिवा जहा अणाहो भवई सणाहो वा नाराहिवा	॥७१४॥-१६
(७२९)	सुणेह मे महाराय अक्खिक्खत्तेण चेषसा दहा अणाहो भवई जहा मेयं पयत्तियं	॥७१५॥-१७
(७३०)	कोसंबी नाम नयरी पुराण पुरभेयणी तत्थ आसी पिया मज्झ पभूयघणसंचओ	॥७१६॥-१८
(७३१)	पढमे वए महाराय अउला मे अच्छिवेयणा अहोत्था विउलो दाहो सव्वगतोसु पत्थिवा	॥७१७॥-१९
(७३२)	सत्थं जहा परमतिक्खं सरीरविवरन्तरे आवीलिज्ज अरी कुळो एवं मे अच्छिवेयणा	॥७१८॥-२०
(७३३)	तियं मे अंतरिच्छं च उत्तमंगं च पीडई इंदासणिसमा घोरा वेयणा परमदारुणा	॥७१९॥-२१
(७३४)	उवद्धिया मे आयरिया विज्जाभंततिगिच्छणा अबीया सत्थकुसला मंतमूलविसारया	॥७२०॥-२२
(७३५)	ते मे तिगिच्छं कुव्वंति चाउप्पायं जहाहियं न य दुक्खा विमोयंति एसा मज्झ अणाहया	॥७२१॥-२३
(७३६)	पिया मे सव्वसारंपि दिज्जाहि मम कारणा न य दुक्खा विमोयंति एसा मज्झ अणाहया	॥७२२॥-२४
(७३७)	माया वि मे महाराय पुत्तसोगदुहट्टिया न य दुक्खा विमोयएइत एसा मज्झ अणाहया	॥७२३॥-२५
(७३८)	भायरो मे महाराय सगा जेडुकण्डिग्गा न य दुक्खा विमोयंति एसा मज्झ अणाहया	॥७२४॥-२६
(७३९)	भइणीओ मे महाराय सगा जेडुकण्डिग्गा न य दुक्खा विमोयंति एसा मज्झ अणाहया	॥७२५॥-२७
(७४०)	पारिया मे महाराय अणुरत्ता अणुव्वया अंसुएण्णेहि नयणेहि उरं मे परिसिचई	॥७२६॥-२८
(७४१)	अन्नं पाणं च ण्हाणं च गन्धमल्लविलेवणं मए नायमनायं वा सा बाला नोय भुंजई	॥७२७॥-२९
(७४२)	खणं पि मे महाराय पासाओ मे न फिइई न य दुक्खा विमोएइ एसा मज्झ अणाहया	॥७२८॥-३०
(७४३)	तओ हं एवमाहंसु दुक्खमा हु पुणो पुणो वेयणा अणुभवित्तं जेस संसारम्मि अनंतए	॥७२९॥-३१
(७४४)	सयं च जइ मुच्चेज्जा वेयणा विउला इओ खंतो दंतो निरारंभो पव्वए अणगारियं	॥७३०॥-३२
(७४५)	एवं च चित्तइत्तानं पसुतो मि नराहिवा परीयट्ठतोए राईए वेयणा मे खयं गया	॥७३१॥-३३

- (७४६) तओ कळे पभाय्मि आपुच्छित्ताणं बंधवे  
खंतो दंतो निरारंभो पव्वइओऽणगारियं ॥७३२॥ -34
- (७४७) ततो हं नाहो जाओ अप्यणो य परस्स य  
सव्वेसिं चेष भूयाणं तसाण था वराण ॥७३३॥ -35
- (७४८) अप्पा नई वेयरणी अप्पा मे कूडसामली  
अप्पा कामदुहा धेणू अप्पा मे नंदनं वनं ॥७३४॥ -36
- (७४९) अप्पा ता विकत्ता य दुहाण य सुहाण य  
अप्पा मित्तममित्तं च दुप्पट्टिय सुपट्टिओ ॥७३५॥ -37
- (७५०) इमा हु अन्ना वि अणाहया निवा तमेगचित्तो निहुओ सुणेहि  
नियंठम्मं लहीयाण वी जहा सीयति एगे बहुकायरा नरा ॥७३६॥ -38
- (७५१) जो पव्वइत्ताण महव्वयाइं सम्मं घ नो फासयई पमाया  
अनिग्गहप्पा य रसेसु गिद्धे न मूलओ छिन्नइ बंधणं से ॥७३७॥ -39
- (७५२) आउत्ताया जस्स न अत्थि काइ इरियाए मासाए तहेसणाए  
आयाणनिक्खेवदुगुछणाए न वीरजायं अणुजाइ मग्गं ॥७३८॥ -40
- (७५३) चिरं पि से मुंडरुई भवित्ता अधिरव्वए तवनियमेहि भट्टे  
चिरं पि अप्पाण किलेसइत्ता न पारए होइ हू संपराए ॥७३९॥ -41
- (७५४) पोळे व मुडी जह से असारे अयंतिए कूडकहायणे वा  
राढामणी वेरुलियप्पगासे अभहघए होइ हु जाणएसु ॥७४०॥ -42
- (७५५) कुसीललिंगं इह धारइत्ता इसिज्जयं जीविय वूहइत्ता  
असंजाए संजयलप्पमाणे विणिग्घायभागच्छइ से चिरंपि ॥७४१॥ -43
- (७५६) विसं तु पीयं जह कालकूडं हणाइ सत्यं जह कुग्गहीयं  
एसो वि धम्मो विसओववत्तो हणाइ वेयाल इवाविवज्जो ॥७४२॥ -44
- (७५७) जे लक्खणं सुविण पउंजभाणे निमित्तकोरुहलसंपगाडे  
कुहेडविज्जासवदारजीवी न गच्छई सरणं तम्मि काले ॥७४३॥ -45
- (७५८) तमंतमेणेव उ से असीले सया दुही विप्परियासुवेइ  
संघावई नरगतिरिक्खजोणि मोणं विराहेत्तु असाहरुत्ते ॥७४४॥ -46
- (७५९) उद्देसियं कीयगडं नियगं न मुंचई किंच अणेसणिज्जं  
अग्गी विवा सव्वभक्खी भवित्ता इतो चुए गच्छइ कट्टु पावं ॥७४५॥ -47
- (७६०) न तं अरी कंठेत्ता करेइ जं से करे अप्पणिया दुरप्पा  
से नाहिई मच्चुमुहं तु पते पच्छाणुतावेण दयाविहूणो ॥७४६॥ -48
- (७६१) निरट्टिया नग्गरुई उ तस्स जे उत्तमट्टं विवज्जासमेइ  
इमे वि से नत्थि परे वि लोए दुहओ वि से झिज्जइ तत्थ लोए ॥७४७॥ -49
- (७६२) एमेव हा छंदकुसीलरुवे मग्गं विराहित्तु जिणुत्तमाणं  
कुररी विवा मोगरसाणुगिद्धा निरडुत्तोया परियावमेइ ॥७४८॥ -50
- (७६३) सोद्घाण मेहावि सुभासियं इमं अणुसासणं नाणगुणोववेयं  
मग्गं कुसीलाण जहाय सव्वं महानियंठाणं वए पहेणं ॥७४९॥ -51



- (७६४) धरित्तमायारगुणश्रिए तओ अनुत्तरं संजम पालियाण  
निरासवे संखवियाण कम्मं उवेइ ठाणं विउलुत्तमं धुवं ॥७६०॥ -52
- (७६५) एवुग्गदंते वि महात्तवोधणे महामुणी महापइअे महायसे  
महानियंठिअमिणं महासुयं से काहए महया वित्थरेणं ॥७६१॥ -53
- (७६६) तुड्ढे य सेणिओ राया इणमुदाहु कयंजली  
अणाहत्तं जहाभूयं सुड्ढे मे उवदंसियं ॥७६२॥ -54
- (७६७) तुज्झं सुलद्धं खु मणुस्स जम्मं लाभा सुलद्धा य तुमे महेसी  
तुब्बे सणाहा य सबंधवा य जं मे ठिया भग्गे जिणुत्तमाणं ॥७६३॥ -55
- (७६८) तं सि नाहो अणाहाणं सव्वभूयाण संजया  
खामेमि ते महाभाग इच्छामि अणुसासिउं ॥७६४॥ -56
- (७६९) पुच्छिऊण मए तुब्बं ज्ञाणविण्योउ जो कओ  
निमंतिओ य भोगेहिं तं सव्वं मरिसेहि मे ॥७६५॥ -57
- (७७०) एवं थुणित्ताण स रायसीहो अणगारसीहं परमाइ मतीए  
सओरोहोसपरियणोसबंधवोधम्मणुरत्तोविमलेणचैयसा ॥७६६॥ -58
- (७७१) ऊससियरोमकूवो काऊण य पयाहिणं  
अभिवंदिऊण सिरसा अइयाओ नराहिओ ॥७६७॥ -59
- (७७२) इयरो वि गुणसमिद्धो तिगुत्तिगुत्तो तिदण्डविरओ य  
विहग इव विष्पमुक्को विहरइ वसुहं विगयमोहो -ति वेमि ॥७६८॥ -60

● विसइमं अज्जयणं समत्तं ●

### एगविसइमं अज्जयणं--समुदपालीयं

- (७७३) चंपाए पालिए नाम सावए आसि वाणिए  
महावीरस्स भगवओ सीसे सो उ महप्पणो ॥७६९॥ -1
- (७७४) निग्गंथे पावयणे सावए से वि कोविए  
पोएण ववहरन्ते पिहुंडं नगरमागए ॥७७०॥ -2
- (७७५) पिहुंडे ववहरंतस्स वाणिओ देइ धूयरं  
तं ससत्तं पइग्गिज्झ सदेसमह पत्थिओ ॥७७१॥ -3
- (७७६) अह पालियस्स धरणी समुद्धम्मि पसवई  
अह बालए तहिं जाए समुदपालि ति नामए ॥७७२॥ -4
- (७७७) खेमेण आगए चंपं सावए वाणिए घरं  
संवहई घरे तस्स दारए से सुहोइए ॥७७३॥ -5
- (७७८) बावत्तारिं कलाओ य सिक्खई नीइकोविए  
जोव्वणेण य संपअे सुरुवे पियदंसणे ॥७७४॥ -6
- (७७९) तस्स रूववई अअं पिया आणेइ ह्वियिणि  
पासाए कीलए रम्मे देवो दोगुंदओ जहा ॥७७५॥ -7
- (७८०) अह अत्रया कयाई पासायालोपणे ठिओ  
वज्झमंडणसोभागं वज्झं पासइ वज्झगं ॥७७६॥ -8

- (७८१) तं पासिऊण संवेगं समुहपालो इणमञ्जवी  
अहोऽसुमाण कम्माणं निज्जाणं पावगं इमं ॥७६७॥-७
- (७८२) संबुद्धो सो तर्हि भगवं परमसंवेगमागओ  
आपुच्छम्मापियरो पव्वए अणगारियं ॥७६८॥-१०
- (७८३) जहित्तु सगंगयमहाकिलेसं महंतमोहं कसिणं भयावहं  
परियायधम्मं चभिरोयएज्जा वयाणि सीलाणि परीसहे य ॥७६९॥-११
- (७८४) अहिंस सखं च अतेणगं च ततो य बंधं अपरिगहं च  
पहिवज्जिया पंच महव्वयाणि चरिअ धम्मं जिणदेसियं विऊ ॥७७०॥-१२
- (७८५) सव्वेहिं पूएहिं दयाणुकंपी खंतीक्खमे संजयबंधमपारी  
सावअजोगं परिवअयंतो चरिअ भिक्खू सुसमाहिइंदिए ॥७७१॥-१३
- (७८६) कालेण कालं विहरेअ रठ्ठे बलाबलं जाणिय अप्पणो य  
सीहो व सहेण न संतसेज्जा थयजोग सुद्धा न असम्भमाहु ॥७७२॥-१४
- (७८७) उवेहमाणो उ परिव्वएज्जा पियमप्पियं सव्व तितिकव्वएज्जा  
न सव्व सव्वत्थऽभिरोयएज्जा न यावि पूयं गरहं च संजए ॥७७३॥-१५
- (७८८) अणेगच्छंदामिए माणवेहिं जे भावओ संपरेइ भिक्खू  
भयभेरेवा तत्थ उइति भीमा दिव्वा मणुस्सा अदुवा तिरिच्छा ॥७७४॥-१६
- (७८९) परीसहा दुव्विसहा अणेगे सीयंति जत्था बहुकायरा नरा  
से तत्थ पते न बहिअ भिक्खू संगामसीसे इव नागराय ॥७७५॥-१७
- (७९०) सीओसिणा दंसमसा य फासा आयंका विविहा फुसंति देहं  
अकुक्कुओ तत्थऽहियासएज्जा रपाई खेवेअ पुरे कयाई ॥७७६॥-१८
- (७९१) पहाय रागं च तहेव दोसं मोहं च भिक्खू सततं वियक्खणो  
मेठ व्व बाएण अकम्पमाणो परीसहे आयगुत्ते सहेअ ॥७७७॥-१९
- (७९२) अणुअए नावणए महेसी न यावि पूयं गरहं च संजए  
स उज्जुमावं पडिवअ संजए निव्वाणमगं विरए उवेह ॥७७८॥-२०
- (७९३) अरइरइसहे पहीणसंयवे विरए आधहिए पहाणवे  
परमदुपएहिं चिइई छिअसोए अममे अकिंचणे ॥७७९॥-२१
- (७९४) विवित्तलयणाइ भएअ ताई निरोवलेवाइ असंथडाइं  
इसीहि चिण्णाइं महायसेहिं काएण फासेअ परीसहाइं ॥७८०॥-२२
- (७९५) सअणानाणोवगए महेसी अनुत्तरं चरिउं धम्मसंधयं  
अनुत्तरे नामधरे जसंसी ओभासईं सूरिए वंतलिकखे ॥७८१॥-२३
- (७९६) दुविहं खवेऊण य पुण्णपावं निरंगणे सव्वोओ विप्पमुक्कं  
तरितासमुइं य महाभवोधंसमुहपालेअपुणागमं गए-तिबेमि ॥७८२॥-२४

● एण वित्तइयं अञ्जयणं सत्तं ●

बाइसइयं अञ्जयणं—रहनेमिअं

- (७९७) सोरियपुरंमि नयरे आसि राया महिठिए  
वसुदेवु ति नामेणं रायलक्खणसंजुए ॥७८३॥-१

(७१८)	तस्स भज्जा दुवे आसी रोहिणी देवई तद्वा तासि दोण्हं दुवे पुता इद्वा रामकेसया	॥७८४॥ -२
(७१९)	सोरियपुंरमि नयरे आसि राया महिद्धिए समुद्विजए नामं रायलकखणसंजुए	॥७८५॥ -३
(८००)	तस्स भज्जा सिवा नाम तीसे पुत्तो महायसो भगवं अरिद्धिनेमि त्ति लोगनाठे दमीसरे	॥७८६॥ -४
(८०१)	सोऽरिद्धिनेमिनापो उ लकखणस्सरसंजुओ अद्दसहस्सलकखणघरो गोयमो कालगच्छवी	॥७८७॥ -५
(८०२)	बज्जिरसहसंधयणो समचउरंसो झसोयरो तस्स रायमईकत्रं भअं जायइ केसवो	॥७८८॥ -६
(८०३)	अह सा रायवरकत्रा सुसीला चारुपेहाणी सव्वलकखणसंपत्रा विजुसोयामणिप्पमा	॥७८९॥ -७
(८०४)	अहाह जणओ तीसे वासुदेवं महिद्धियं इहागच्छऊकुमारो जा से कत्रं दलाम हं	॥७९०॥ -८
(८०५)	सव्वोसहीहि ण्हविओ कयकोउयमंगलो दिव्वजुयलपरिहिओ आमरणेहिं विमूसिओ	॥७९१॥ -९
(८०६)	मत्तं च गंधहत्थि वासुदेवस्स जेड्डगं आठढो सोहए अहियं सिरे चूडामणी जहा	॥७९२॥ -१०
(८०७)	अह ऊसिएण छत्तेण चामराहि य सोहिए दसारचक्केण य सो सव्वओ परिवारिओ	॥७९३॥ -११
(८०८)	चउरंगिणीए सेणाए रइयाए जहक्कमं तुरियाण सत्रिनाएण दिव्वेण गगणं फुसे	॥७९४॥ -१२
(८०९)	एयारिसाए इट्ठीए जुत्तीए उतमाए य नियगाओ भवणाओ निज्जाओ वणिहंपुंगवो	॥७९५॥ -१३
(८१०)	अह सो ततत्थ निअंतो दिस्स पाणे भघहुए वाडेहिं पंजरेहिं च सत्रिख्खे सुदुक्खिए	॥७९६॥ -१४
(८११)	जीवियंत तु संपत्ते मंसद्धा भक्खियव्वए पासिता से महापत्रे सारहिं इणमच्चवी	॥७९७॥ -१५
(८१२)	कस्स अद्वा इमे पाणा एए सव्वे सुहेसिणो वाडेहिं पंजरंदि च सत्रिख्खे य अच्छहिं	॥७९८॥ -१६
(८१३)	अह सारही त्तओ मणई एए महा उ पाणिणो तुज्झ विवाहकज्झम्भि भोयावेउं बहुं जणं	॥७९९॥ -१७
(८१४)	सोऊण तस्स वयणं बहुपाणिविणासणं चित्तेहं से महापत्रो साणुककोसे जिएहिं ऊ	॥८००॥ -१८
(८१५)	जइ मज्झ कारणा एए हम्महिंति बहुं जिया न ये एयं तु निस्सेसं परलोगे भविस्सई	॥८०१॥ -१९

- (८१६) सो कुंडलाण जुयलं सुत्तगं घ महायसो  
आभरणाणि य सव्वाणि सारहिस्स पणामए ॥८०२॥-२०
- (८१७) मणपरिणामे य कए देवा य जहोइयं समोइण्णा  
सव्वइटीए सपरिसा निकखमणं तस्स काउं जे ॥८०३॥-२१
- (८१८) देवमणुस्सपरिवुडो सियारयणं तओ समारुढो  
निकखमिय बारगाओ रेवययंमि द्विओ भगवं ॥८०४॥-२२
- (८१९) उज्जाणं संपत्तो जोइण्णो उत्तमाउ सीयाओ ।  
साहस्सीइ परिवुडो अह निकखमई उ चित्ताहिं ॥८०५॥-२३
- (८२०) अह से सुगंधगंधीए तुरियं मिउयकुंचिए  
सयमेव लुंचई केसे पंचमुद्धीहिं समाहिओ ॥८०६॥-२४
- (८२१) वासुदेवो य णं मणइ लुत्तकेसं जिइन्दियं  
इच्छियमणोरहे तुरियं पावेसू तं दमीसरा ॥८०७॥-२५
- (८२२) नाणेणं दंसणेणं च चरित्तेण तहेव य  
खंतीए मुत्तीए वड्ढमाणो भवाहि य ॥८०८॥-२६
- (८२३) एयं ते रामकेसवा दसारा य बहू जणा  
अरिद्धनेमिं वंदित्ता अभिगया बारगापुरिं ॥८०९॥-२७
- (८२४) सोऊण रायकत्रा पव्वञ्जं सा जिणस्स उ  
नीहासा य निरानंदा सोगेण उ समुत्थिया ॥८१०॥-२८
- (८२५) राईमई विचिंतेइ धिरत्थु मम जीवियं  
जा हं तेण परिच्छत्ता सेयं पव्वइउं मम ॥८११॥-२९
- (८२६) अह सा भमरसत्रिभे कुच्चफणगपसाहिए  
सयमेव लुंचई केसे थिइमंता धवस्सिया ॥८१२॥-३०
- (८२७) वासुदेवो य णं मणइ लुत्तकेसं जिइन्दियं  
संसारसागरं धोरं तर कत्रे लहुं लहुं ॥८१३॥-३१
- (८२८) सा पव्वइया संती पव्वावेसी तहिं बहुं  
सयणं परियणं चेव सीलवंता बहुस्सुया ॥८१४॥-३२
- (८२९) गिरिं रेवतयं जंती वासेणुल्ला उ अंतरा  
वासंते अंधयारंमि अंतो लयणस्स साठिया ॥८१५॥-३३
- (८३०) चीवराइ विसारंती जहा जाय ति पासिया  
रहनेमी भग्गचित्तो पच्छा दिट्ठो य तीइ वि ॥८१६॥-३४
- (८३१) भीया य सा तहिं दद्धं एगंते संजयं तयं  
बाहाहिं काउ संगोफं देवमाणी निसीयई ॥८१७॥-३५
- (८३२) अग सो वि रायपुत्तो समुद्विजयंगओ  
भीयं पवेवियं दद्धं इमं वक्कं उदाहरे ॥८१८॥-३६
- (८३३) रहनेमी अहं भदे सुरुबे चारुभासिणी  
ममं भयाहिं सुतणु न ते पीला पविस्सई ॥८१९॥-३७

(८३४)	एहि ता मुजिमो मोह माणुस्सं खु सुदुल्लहं भुतभोगी तओ पच्छा जिणमग्गं घरिस्समो	॥८२०॥-३९
(८३५)	दड्डुण रहनेमि तं भग्गुओयपराइयं राईमई असंभंता अप्पाणं संवरे तहिं	॥८२१॥-३९
(८३६)	अह सा रायवरकत्रा सुद्धिया नियमव्वए जाई कुलं च सीलं च रक्खमाणी तयं वए	॥८२२॥-४०
(८३७)	जइ सि रुवेण वेसमणो ललिएण नलकुब्बरो तरु वि ते न इच्छामि जइ सि सब्बं पुरंदरो	॥८२३॥-४१
(८३८)	धित्तु तेऽजसोकामी जो तं जीवियकारणा वंतं इच्छसि आवेउं सेयं ते मरणं भवे	॥८२४॥-४२
(८३९)	अहं च भोगरायस्स तं च सि अंधगवण्हिणो मा कुले गंधणा होमो संजमं निहुओ चर	॥८२५॥-४३
(८४०)	जइ तं काहिसि भावं जा जा दिच्छसि नारिओ वायाविद्धो व्व हडो अट्ठिअप्पा भविस्ससि	॥८२६॥-४४
(८४१)	गोवालो भंडवालो वा जहा तद्दव्वणिससरो एवं अणिससरो तं पि सामण्यस्स भविस्ससि	॥८२७॥-४५
(८४२)	कोहं माणं निगिण्हिता मायं लोभयं सव्वसो इंदियाइं वसेकाउं अप्पाणं उल्लंहरे	॥९०॥
(८४३)	तीसे सो वयणं सोच्चा संजयाए सुभासियं अंकुसेण जहा नागो धम्मं संपडिवाइओ	॥८२८॥-४६
(८४४)	मणगुत्तो वयगुत्तो कायगुत्तो जिइंदिओ सामण्यं निच्चलं फासे जावओवं दढव्वओ	॥८२९॥-४७
(८४५)	उग्गं तवं घरित्ताणं जाया दोण्णि वि केवली सव्वं कम्मं खवित्ताणं सिद्धिं पत्ता अनुत्तरं	॥८३०॥-४६
(८४६)	एवं करींति संबुत्ता पंडिया पवियक्खणा विणियद्धंति भोगेसु जहा सो पुरिसोत्तमो -ति बेमि ॥	॥८३१॥-४९

● बाइसइमं अज्जयणं सत्तं ●

### तेविंसइमं अज्जयणं—केसिगोयमिअं

(८४७)	जिणे पासि ति नामेण अरहा लोगपुइओ संबुत्तप्पा य सव्वञ्च धम्मतित्थयरे जिणे	॥८३२॥-१
(८४८)	तस्स लौगपदीवस्स आसि सीसे महायसे केसी कुमारसमणे विआचरणपारगे	॥८३३॥-२
(८४९)	ओहिनाप्पसुए बुद्धे सीससंघसमाउले गामाणुगामं रीयंते सावत्थि पुरमाणए	॥८३४॥-३
(८५०)	तिन्दुयं नाम उअ्राणं नंमि नगरमंडले फासुए सिअसंधारे तत्थ वासमुवागए	॥८३५॥-४

(८५१)	अह तेणेव कालेणं धम्मतित्यदरे जिणे भगवं वद्धमाणि ति सव्वलोगम्भि विस्सुए	॥८३६॥ -5
(८५२)	तस्स लोपदीवस्स आसि सीसे महायसे भगवं गोयमे नामं विजाअरुणपारए	॥८३७॥ -6
(८५३)	बारसंगविऊ बुद्धे सीससंघसमाउले गामाणुगामं रीयंते से वि सावत्थिमागए	॥८३८॥ -7
(८५४)	कीडुगं नाम उज्जाणं तम्भि नयरमंडले फासुए सिअसंयारे तत्थ वासमुयागए	॥८३९॥ -8
(८५५)	केसी कुमारसमणे गोयमे य महायसे उभओ वि तत्थ विहरिंसु अल्लीणा सुसमाहिया	॥८४०॥ -9
(८५६)	उपणो सीससंघाणं संजयाणं तवस्सिणं तत्थ चिंता समुप्पत्रा गुणवंताण ताइणं	॥८४१॥ -10
(८५७)	केरिसो वा इमो धम्मो इमो धम्मो व केरिसो आयारधम्मपणिही इमा वा सा व केरिसी	॥८४२॥ -11
(८५८)	घाउज्जाओ य जो धम्मो जो इमो पंचसिक्खिओ देसिओ वद्धमाणेण पासेण य महामुणी	॥८४३॥ -12
(८५९)	अचेलओ य जो धम्मो जो इमो संतरुत्तरो एगकअपवत्राणं विसेसे किं नु कारणं	॥८४४॥ -13
(८६०)	अह ते तत्थ सीसाणं विज्राय पवितक्किकयं समागमे कयमई उभओ केसिगोयमा	॥८४५॥ -14
(८६१)	गोयमे पडिरूवन्नू सीससंघसमाउले जेडुं कुलमवेकुखंतो तिंदुयं वणमागओ	॥८४६॥ -15
(८६२)	केसी कुमारसमणे गोयमं दिस्समागयं पडिरूवं पडिवत्ति सम्मं संपडिवज्जई	॥८४७॥ -16
(८६३)	पलालं फासुयं तत्थ पंचमं कुसतणाणि य गोयमस्स निसेज्जाए खिप्पं संपणाभए	॥८४८॥ -17
(८६४)	केसी कुमारसमणे गोयमे य महायसे उभओ निसण्णा सोहंति थन्दसूरसमप्पभा	॥८४९॥ -18
(८६५)	सभागया बहू तत्थ पासंडा कोउगा मिगा गिहत्थायं अणेगाओ साहस्सीओ समागया	॥८५०॥ -19
(८६६)	देवदानवगंधवा जकखरक्खसकिन्नरा अदिस्साणं घ भूयाणं आसी तत्थ समागमो	॥८५१॥ -20
(८६७)	पुच्छामि ते महाभाग केसी गोयममब्बवी तो केसि बुवंतं तु गोयमो इणमब्बवी	॥८५२॥ -21
(८६८)	पुच्छ मंते जह्खिच्छ ते केसि गोयममब्बवी तओ केसी अणुआए गोयमं इणमब्बवी	॥८५३॥ -22

- (८६९) घाउज्जामो य जो धम्मो जो इमो पंचसिक्खिओ  
देसिओ वद्धमाणेण पासेण य महामुणी ॥८५४॥ -23
- (८७०) एगकअपवत्राणं विसेसे किं नु कारणं  
धम्मे दुविहे मेहावी क्हं विप्पच्चओ न ते ॥८५५॥ -24
- (८७१) तओ केसिं बुवंतं तुं गोयमो इणमब्बवी  
पत्रा समिक्खए धम्म ततं तत्तविणिच्छियं ॥८५६॥ -25
- (८७२) पुरिमा उज्जुजडा उ वंकजडा य पच्छिमा  
मज्झिमा उज्जुपत्रा उ तेण धम्मे दुहा कए ॥८५७॥ -26
- (८७३) पुरिमाणं दुव्विसोज्झो उ चरिमाणं दुरनुपालओ  
कप्पो मज्झिमगाणं तु सुविसोज्झो सुपालओ ॥८५८॥ -27
- (८७४) साहु गोयम ! पत्रा ते छिन्नो मे संसओ इमो  
अत्रो वि संसओ मज्झं तं मे कहसु गोयमा ॥८५९॥ -28
- (८७५) अवेलगो य जो धम्मो जो इमो संतरुत्तरो  
देसिओ वद्धमाणेण पासेण य मशजसा ॥८६०॥ -29
- (८७६) एगकअपवत्राणं विसेसे किं नु कारणं  
लिंगे दुविहे मेहावी क्हं विप्पच्चओ न ते ॥८६१॥ -30
- (८७७) केसिमेवं बुवाणं तु गोयमो इणमब्बवी  
वित्राणेण समागम्य धम्मसाहणमिच्छियं ॥८६२॥ -31
- (८७८) पच्चयत्थं च लोगस्स नाणाविहविगप्पणं  
जत्तत्थं गहणत्थं च लोगे लिंगपओयणं ॥८६३॥ -32
- (८७९) अहं धवे पइत्रा उ मोकक्खसम्भूयसाहणा  
नाणं च दंसणं चेव चरित्तं चेव निच्चए ॥८६४॥ -33
- (८८०) साहु गोयम पत्रा ते छिन्नो मे संसओ इमो  
अत्रो वि संसओ मज्झं तं मे कहसु गोयमा ॥८६५॥ -34
- (८८१) अपेगाणं सहस्साणं मज्झे विट्ठसि गोयमा  
ते य ते अहिगच्छंति क्हं ते निञ्जिया तुमे ॥८६६॥ -35
- (८८२) एगे जिए जिया पंच पंचजिए जिया दस  
दसहा उ जिणित्तापं सत्त्वसत्तु जिणामहं ॥८६७॥ -36
- (८८३) सत्तु य इइ के बुत्ते केसी गोयमम्बवी  
तओ केसिं बुवंतं तु गोयमो इणमब्बवी ॥८६८॥ -37
- (८८४) एगप्पा अजिए सत्तु कसाया इंदियाणि य  
ते जिणित्तु जहलायं विहरामि अहं मुणी ॥८६९॥ -38
- (८८५) साहु गोयम पत्रा ते छिन्नी मे संसओ इमो  
अत्रो वि संसओ मज्झं तं मे कहसु गोयमा ॥८७०॥ -39
- (८८६) दीसंति बहवे लोए पासबद्धा सरीरिणो  
मुक्कपासो लहुम्भूओ क्हं तं विहरसो मुणी ॥८७१॥ -40

- (८८७) ते पासे सब्बसो छित्ता निहंतूण उवायओ  
मुक्कपासो लहुब्भूओ विहरामि अहं मुणी ॥८७२॥ -४१
- (८८८) पासा य इइ के वुत्ता केसी गोयममब्बवी  
केसिमेवं बुवंतं तु गोयमो इणमब्बवी ॥८७३॥ -४२
- (८८९) रागहोसादओ तिब्बा नेहपासा मयंकरा  
ते छिदिंतु जहानायं विहरामि जहक्कमं ॥८७४॥ -४३
- (८९०) साहु गोयम पत्रा ते छिन्नो मे संसओ इमो  
अत्रो वि संसओ मज्झं तं मे कहसु गोयमा ॥८७५॥ -४४
- (८९१) अंतोहिअयसंभूया लया चिद्धइ गोयमा  
फलेइ विसभकवीणि सा उ उद्धरिया कहं ॥८७६॥ -४५
- (८९२) तं लयं सब्बसो छित्ता उद्धरित्ता समूलियं  
विहरामि जहानायं मुक्को मि विसभकखणं ॥८७७॥ -४६
- (८९३) लया य इइ का वुत्ता केसी गोयममब्बवी  
केसिमेवं बुवंतं तु गोयमो इणमब्बवी ॥८७८॥ -४७
- (८९४) भवतण्हा लया वुत्ता भीमा भीमफलोदया  
तमुक्किंतु जहानायं विहरामि महामुनी ॥८७९॥ -४८
- (८९५) साहु गोयम पत्रा ते छिन्नो मे संसओ इमो  
अत्रो वि संसओ मज्झं तं मे कहसु गोयमा ॥८८०॥ -४९
- (८९६) संपअलिया घोरा अग्गी चिद्धइ गोयमा  
जे डहंति सरीरत्ये कहं चिञ्जाविद्या तुमे ॥८८१॥ -५०
- (८९७) महामेहंथसूधाओ गिञ्ज धारि जलुत्तमं  
सिचामि सययं देहं सित्ता नो डहंति मे ॥८८२॥ -५१
- (८९८) अग्गी य इइ के वुत्ता केसी गोयममब्बवी  
केसीमेवं बुवंतं तु गोयमो इणमब्बवी ॥८८३॥ -५२
- (८९९) कसाया अग्गिणो वुत्ता सुयसीलतवो जलं  
सुयधारामिहया संता भिन्ना हु न डहंति मे ॥८८४॥ -५३
- (९००) साहु गोयम पत्रा ते छिन्नो मे संसओ इमो  
अत्रो वि संसओ मज्झं तं मे कहसु गोयमा ॥८८५॥ -५४
- (९०१) अयं साहसिओ भीमो दुद्धस्सो परिधावई  
जंसि गोयमआरुद्धो कहं तेण न हीरसि ॥८८६॥ -५५
- (९०२) पधावंतं निगिण्हामि सुयरस्सीसमाहियं  
न मे गच्छइ उम्पणं मणं च पडिवज्जई ॥८८७॥ -५६
- (९०३) अस्से य इइ के वुत्ते केसी गोयममब्बवी  
केसीमेवं बुवंतं तु गोयमो इणमब्बवी ॥८८८॥ -५७
- (९०४) मणो साहसीओ भीमो दुद्धरसो परिधावई  
तं सम्भं तु निगिण्हामि धम्मसिक्खाइ कंयणं ॥८८९॥ -५८



(१०५)	साहु गोयम पत्रा ते छिन्नो मे संसओ इमो अत्रो वि संसओ मज्झं तं मे कहसु गोयमा	॥८९०॥ -59
(१०६)	कुपहा बहवो लोए जेहिं नासति जंतुणो अद्धाणे कहं वट्टते तं न नस्ससि गोयमा	॥८९१॥ -60
(१०७)	जे य मग्गेणं गच्छंति जे य उम्मगपद्धिया ते सव्वे वेइया मज्झं तो न नस्सामहं मुणी	॥८९२॥ -61
(१०८)	मग्गे य इइ के वुत्ते केसी गोयममब्बवी केसिमेवं बुवंतं तु गोयमो इणमब्बवी	॥८९३॥ -62
(१०९)	कुपवयणपासंडी सव्वे उम्मगद्धिया सम्मगं तु जिणकखायं एस मग्गे ङि उत्तमे	॥८९४॥ -63
(११०)	साहु गोयम पत्रा ते छिन्नो मे संसओ इमो अत्रो वि संसओ मज्झं तं मे कहसु गोयमा	॥८९५॥ -64
(१११)	महाउदगवेगेणं बुज्झमाणाण पाणिणं सरणं गई पइहा य दीवं कं मज्झसी मुणी	॥८९६॥ -65
(११२)	अत्थि एगो महादीवो वारिमज्झ महालओ महाउदगवेगस्स गई तत्थ न विज्झई	॥८९७॥ -66
(११३)	दीवे य इइ के वुत्ते केसी गोयममब्बवी केसिमेवं बुवंतं तु गोयमो इणमब्बवी	॥८९८॥ -67
(११४)	जराभरणवेगेणं बुज्झमाणाण पाणिणं धम्मो दीवो पइहा य गई सरणमुत्तमं	॥८९९॥ -68
(११५)	साहु गोयम पत्रा ते छिन्नो मे संसओ इमो अत्रो वि संसओ मज्झं तं मे कहसु गोयमा	॥९००॥ -68-R
(११६)	अण्णवंसि महोहंसि नावा विपरिधावई जंसि गोयममारूढो कहं पारं गमिस्ससि	॥९०१॥ -69
(११७)	जा उ अस्साविणी नावा न सा पारस्स गामिणी जा निस्साविणी नावा सा उ पारस्स गामिणी	॥९०२॥ -70
(११८)	नावा य इइ का वुत्ता केसी गोयममब्बवी केसीमेवं बुवंतं तु गोयमो इणमब्बवी	॥९०३॥ -71
(११९)	सरीरमाहु नाव ति जीवो बुद्धइ नाविओ संसारो अण्णवो वुत्तो जं तरंति महेसिणो	॥९०४॥ -72
(१२०)	साहु गोयम पत्रा ते छिन्नो मे संसओ इमो अत्रो वि संसओ मज्झं तं मे कहसु गोयमा	॥९०५॥ -73
(१२१)	अंधयारे तमे घोरे चिड्ढति पाणिणो बहू को करिस्सइ उज्जोयं सव्वलोयम्भि पाणिणं	॥९०६॥ -74
(१२२)	उग्गओ विमलो भाणू सव्वलोयपभं करो सो करिस्सइ उज्जोयं सव्वलोयंभि पाणिणं	॥९०७॥ -75

(१२३)	भानु य इइ के वुत्ते केसी गोयममब्बवी केसिमेव बुवंतं तु गोयमो इणमब्बवी	॥१०८॥ -76
(१२४)	उग्गओ खीणसंसारो सच्चञ्चू जिणमक्खरो सो करिस्सइ उज्जायं सच्चलोयम्मि पाणिणं	॥१०९॥ -77
(१२५)	साहु गोयम पत्ता ते छिओ मे संसओ इमो अओ वि संसओ मज्झं तं मे कहसु गोयमा	॥११०॥ -78
(१२६)	सारीरमाणसे दुक्खे बज्झमाणाय पाणिणं खेमं सिवमणाबाहं ठाणं किं मज्झसी मुणी	॥१११॥ -79
(१२७)	अत्थि एगं धुवं ठाणं लोगगंमि दुरारुहं जत्थ नत्थि जरामच्च वाहिणो येपणा तहा	॥११२॥ -80
(१२८)	ठाणे य इइ के वुत्ते केसी गोयममब्बवी केसिमेवं बुवंतं तु गोयमो इणमब्बवी	॥११३॥ -81
(१२९)	निच्चाणं ति अबाहं ति सिद्धी लोगगमेव य खेमं सिवं अणाबाहं जं धरंति महेसिणो	॥११४॥ -82
(१३०)	तं ठाणं सासयं वासं लोयगंमि दुरारुहं जं संपत्ता न सोयन्ति भवोहंतकरा मुणी	॥११५॥ -83
(१३१)	साहु गोयम पत्ता ते छिओ मे संसओ इमो नमो ते संसयाईय सच्चसुत्तमहोयही	॥११६॥ -84
(१३२)	एवं तु संसए छिओ केसी घोरपरक्कमे अभियंदिता सिरसा गोयमं तु महापसं	॥११७॥ -85
(१३३)	पंचमहच्चयधम्मं पडिवज्झइ भावओ पुरिमस्स पच्छिमम्मि मग्गे तत्थ सुहावहे	॥११८॥ -86
(१३४)	केसीगोयमओ निच्चं तम्मि आसि समागमे सुयसीलसमुक्कसो महत्थत्थविणिच्छओ	॥११९॥ -87
(१३५)	तोसिया परिसा सच्चा सम्भगं समुवट्ठिया संघुया ते पसीयंतु भयवं केसिगोयमे -त्ति वेमि ॥	॥१२०॥ -88

● तेर्विसुद्धं अज्झयणं सत्तं ●

### चउर्विसुद्धं अज्झयणं-पवयण माया

(१३६)	अट्ठ पवयणमायाओ समिई गुत्ती तहेव य पंचेव य समिईओ तओ गुत्तीउ आहिआ	॥१२१॥ -1
(१३७)	इरियाभासेसणादाणे उच्चारे समिई इय मगगुत्ती वयगुत्ती कायगुत्ती य अट्ठमा	॥१२२॥ -2
(१३८)	एयाओ अट्ठ समिईओ समासेण वियाहििया दुवालसंगं जिणक्खायं मायं जत्थ उ पवयणं	॥१२३॥ -3
(१३९)	आलंबणेण कालेण मग्गेण जयणाइ य घउकारणपरिसुद्धं संजए हरियं रिए	॥१२४॥ -4

(१४०)	तस्य आलंबणं नाणं दंसण घरणं तथा काले य दिवसे वृत्ते मग्गे उप्पहवञ्जिए	॥१२५॥ -६
(१४१)	दव्वओ खेतओ चैव कालओ भावओ तथा जयणा घउव्विहा वृत्ता तं भे कित्तयओ सुण	॥१२६॥ -६
(१४२)	दव्वओ चक्खुसा पेहे जुगमितं च खेतओ कालओ जाव रीएञ्जा उवउत्ते य भावओ	॥१२७॥ -७
(१४३)	इंदियत्थे विवञ्जिता सज्झायं चैव पंचहा तम्पुती तम्पुरक्कारे उवउत्ते रियं रिए	॥१२८॥ -६
(१४४)	कोहे माणे य मायाए लोभे य उवउत्तया हासे भए मोहरिए विकहासु तहेव च	॥१२९॥ -९
(१४५)	एयाइं अट्ठ ठाणाइं परिवञ्जितु संजए असावज्जं भियं काले भासं भासेज्ज पन्नवं	॥१३०॥ -१०
(१४६)	गवेसणाए गहणे य परिभोगेसणा य जा आहारोवहिसेञ्जाए एए तिन्नि विसोहए	॥१३१॥ -११
(१४७)	उग्गमुप्पायणं पढमे बीए सोहेज्ज एसणं परिभोयम्भि चउक्कं विसोहेज्ज जयं जई	॥१३२॥ -१२
(१४८)	ओहोवहोवग्गहियं भंडगं दुविहं मुणी गिण्हंतो निक्खिवंतो वा पउजेज्ज इमं विहिं	॥१३३॥ -१३
(१४९)	चक्खुसा पडिलेहिता पमजेज्ज जयं जई आइए निक्खिवेञ्जा वा दुहओ वि समिए सया	॥१३४॥ -१४
(१५०)	उच्चारं पासवणं खेलं सिंघाणजक्खियं आहारं उवहिं देहं अन्नं वावि तह्हाविहं	॥१३५॥ -१६
(१५१)	अणावायमसंलोए अणावाए चैव होइ संलोए आवायमसंलोए आवाए चैव संलोए	॥१३६॥ -१६
(१५२)	अणावायमेसंलोए परस्सणुवचाइए समे अज्झुसिरे यावि अचिरकालकयम्भि य	॥१३७॥ -१७
(१५३)	विच्छिण्णे दूरमीगाढे नासन्ने बिलवञ्जिए तसपाणबीयरहिए उच्चारईणि धोसिरे	॥१३८॥ -१८
(१५४)	एयाओ पंच समिईओ समासेण वियाहिया एत्तो य तओ गुत्तीओ बोच्छामि अणुपुव्वसो	॥१३९॥ -१९
(१५५)	सच्चा तहेव मोसा य सच्चामोसा तहेव य घउत्थी असच्चमोसा य मणुगुत्तिओ घउव्विहा	॥१४०॥ -२०
(१५६)	संरंमसमारंमे आरंभे य तहेव य मणं पवत्तमाणं तु नियत्तेज्ज जयं जई	॥१४१॥ -२१
(१५७)	सच्चा तहेव मोसा य सच्चामोसा तहेव य घउत्थी असच्चमोसा य यइगुत्ती घउव्विहा	॥१४२॥ -२२

- (१५८) संभसमारंभे आरंभे य तहेव य  
वयं पवत्तमाणं तु नियतेज्ज जयं जई ॥१५३॥ -23
- (१५९) ठाणे निसीयणे चेव तहेव य तुयट्टणे  
उल्लंघणपल्लंघणे इंदियाण य जुजणे ॥१५४॥ -24
- (१६०) संभसमारंभे आरंभमि तहेव य  
कायं पवत्तमाणं तु नियतेज्ज जयं जई ॥१५५॥ -25
- (१६१) एयाओ पंच सभिईओ चरणस्स य पयत्तणे  
गुत्ती नियत्तणे वुत्ता असुमत्थेसु सव्वसो ॥१५६॥ -26
- (१६२) एया पवयणमाया जे समं आयरे मुणी  
सो खिणं सव्वसंसारा विप्पमुह्णइ पण्हिए -त्ति वेमि ॥ ॥१५७॥ -27

● चत्तिसइमं अज्जयणं समत्तं ●

**पंचविसइमं अज्जयणं—जण्णइज्जं**

- (१६३) माहणकुलसंमूओ आसि विप्पो महायसो  
जायाई जमजन्मि जयघोसे ति नामओ ॥१५८॥-1
- (१६४) इंदियेग्गामनिग्गाही मग्गामी महामुणी  
गामाणुग्गामं रीयंते पत्तो वानरसिं पुरिं ॥१५९॥-2
- (१६५) वाणारसीए बहिया उज्जाणमि मणोरमे  
फासुए सेज्जसंयारे तत्थ वासमुवागए ॥१६०॥-3
- (१६६) अह तेणेव कालेणं पुरीए तत्थ माहणे  
विजयघोसे ति नामेण जण्णं जयइ वेयवी ॥१६१॥-4
- (१६७) अह से तत्थ अणगारे मासक्खमणपारणे  
विजयघोसस्स जण्णमि भिक्खमट्ठा उवट्ठिए ॥१६२॥-5
- (१६८) समुवट्ठियं तहिं संतं जायगो पडिसेहए  
न हु दाहामि ते भिक्खं भिक्खू जायाहि अन्नओ ॥१६३॥ -6
- (१६९) जे य वेयविज्ज विप्पा जन्नट्ठा य जे दिया  
जोइसंगविऊ जे य जे य धम्माण पारगग ॥१६४॥-7
- (१७०) जे समत्था समुद्धत्तुं परंअप्पाणमेव य  
तेसिं अन्नमिणं देयं भो भिक्खू सव्वकामियं ॥१६५॥-8
- (१७१) सो तत्थ एवं पडिसिद्धो जायणेण महामुणी  
न वि रुद्धो न वि तुद्धो उत्तमट्ठगवेसओ ॥१६६॥-9
- (१७२) नन्नट्ठं पाणहेउं वा नवि निच्चाहणाय वा  
तेसिं विनोक्खणट्ठाए इमं वयणमखवी ॥१६७॥-10
- (१७३) नवि जाणसि वेयमुहं नवि उत्राण जं मुहं  
नक्खत्ताण मुहं जं च जं च धम्माण वा मुहं ॥१६८॥-11
- (१७४) जे समत्था समुद्धत्तुं परंअप्पाणमेव य  
न ते तुमं वियाणासि अह जाणासि तो भण ॥१६९॥-12

(१७५)	तस्सखेवपमोक्खं तु अचयंतो तर्हि दिओ सपरिसो पंजली होउं पुच्छई तं महामुणिं	॥१६०॥-१३
(१७६)	वेयाणं च मुहं बूहिं बूहिं जअण्णं जं मुहं नक्खत्ताणं मुहं बूहिं बूहिं धम्माणं वा मुहं	॥१६१॥-१४
(१७७)	जे समत्था समुद्धत्तु परंअप्याणमेव य पयं मे संसयं सव्वं साहू कहसु पुच्छिओ	॥१६२॥-१५
(१७८)	अग्गिहुत्तामुहा वेया जअट्ठी वेयसां मुहं नक्खत्ताणं मुहं चन्दो धम्माणं कासवो मुहं	॥१६३॥-१६
(१७९)	जहा चंदं गहाईया चिद्धंती पंजलीउडा वंदमाणा नमंसंता उत्तमं मणहारिणो	॥१६४॥-१७
(१८०)	अजाणगा जअवाई विआमाहणसंपया मूढा सज्झायतवसा भासच्छा इवग्गिणो	॥१६५॥-१८
(१८१)	जो लोए बंभणो वुत्तो अग्गीव महिओ जहा सया कुसलसंदिद्धं ते वयं बूम माहणं	॥१६६॥-१९
(१८२)	जो न सअइ आगंतु पव्वयंतो न सोयइ रमइ अअवयणम्मि तं वयं बूम माहणं	॥१६७॥-२०
(१८३)	जायसुवं जहामइं निद्धंतमलपावगं रागदोसभयाईयं तं वयं बूम माहणं	॥१६८॥-२१
(१८४)	तथस्सियं किसं दंतं अबच्चियमंससोणियं सुव्वयं पत्तनिच्चाणं तं वयं बूम माहणं	॥१६९॥-२२
(१८५)	तसपाणे धियाणेत्ता संगहेण य दायेरे जो न हिंसइ तिविहेण तं वयं बूम माहणं	॥१७०॥-२३
(१८६)	कोहावा जइ वा हासा लोहा वा जइ वा भया मुसं न वयई जो उ तं वयं बूम माहणं	॥१७१॥-२४
(१८७)	चित्तमंतंअधितं वा अप्पं वा जइ वा बहुं न गिणहाइ अदतं जे तं वयं बूम माहणं	॥१७२॥-२५
(१८८)	दिव्वमाणुसत्तेरिच्छं जो न सेवइ मेहुणं मणसा कायवक्कणं तं वयं बूम माहणं	॥१७३॥-२६
(१८९)	जहा पोमं जले जायं नोवलिप्पइ दारिणा एवं अलित्तं कामोहिं तं वयं बूम माहणं	॥१७४॥-२७
(१९०)	अलोलुयं मुहाजीविं अप्पगारं अकिच्चणं असंसत्तं गिहत्वेसु तं वयं बूम माहणं	॥१७५॥-२८
(१९१)	पसुबंधा सव्ववेया जहं च पावकम्मणा न तं तायंति दुस्सीलं कम्माणि बलवंति हि	॥१७६॥-२९
(१९२)	न वि मुंडिएण समणो न ओंकारेण बंभणो न मुणी रण्णवासेणं कुसचीरेण न तावसो	॥१७७॥-३०

- (९९४) समघाए समणौ होइ बंमवेरेण बंमणौ  
नाणेण य मुणी होइ तवेण होइ तावसो ॥९७८॥-३१
- (९९५) कम्पुणा बंमणौ होइ कम्पुणा होइ खतिओ  
वईसो कम्पुणा होइ सुदो हवइ कम्पुणा ॥९७९॥-३२
- (९९६) एए पाउकरे बुद्धे जेहि होइ सिणायओ  
सव्वकम्मविनिमुक्कं तं वयं बूम माहणं ॥९८०॥-३३
- (९९७) एवं गुणसमाउत्ता जे भवति दिउत्तमा  
ते समत्या समुद्धतुं परंअप्पाणमेव य ॥९८१॥-३४
- (९९८) एवं तु संसए छिन्ने विजयघोसे य माहणे ।  
समुदाय तयं तं तु जयघोसं महामुणिं ॥९८२॥-३५
- (९९९) तुद्धे य विजयघोसे इणमुदाहु कयंजली  
माहणतं जहाभूयं सुद्ध मे उवदंसियं ॥९८३॥-३६
- (१०००) तुब्भे जइया जप्पाणं तुब्भे वेयविऊ विऊ  
जोइसंगविऊ तुब्भे तुब्भे धम्माण पारगा ॥९८४॥-३७
- (१०००) तुब्भे समत्या समुद्धतुं परंअप्पाणमेव य  
तमणुगहं करेहम्भं भिक्खेणं भिक्खु उत्तमा ॥९८५॥-३८
- (१००१) न कजं मज्झ भिक्खेण खियं निक्खमसू दिया  
मा पमिहिसि भयावट्टे घोरे संसारसागरे ॥९८६॥-३९
- (१००२) उवलेवो होइ भोगेसु अभोगी नोवलिप्पई  
भोगी भमइअ संसारे अभोगी विप्पमुच्चई ॥९८७॥-४०
- (१००३) उल्लो सुक्को य दो छुट्टा गोलया मट्टियामया  
दो वि आवडिया कुड्डे जो उल्लो सोऽत्थ लगई ॥९८८॥-४१
- (१००४) एवं लगंति दुम्भेहा जे नरा कामलालसा  
विरत्ता उ न लगंति जहा सुक्के उ गोलए ॥९८९॥-४२
- (१००५) एवं से विजयघोसे जयघोसस्स अंतिए  
अणगरस्स निक्खंतो धम्मं सोद्धा अनुत्तरं ॥९९०॥-४३
- (१००६) छवित्ता पुव्वकम्माइं संजमेण तवेण य  
जयघोसविजयघोसा सिद्धि पत्ता अनुत्तरं-ति बेपि ॥९९१॥-४४

● पंचविंशद्वयं अञ्जयणं समप्तं ●

### छवीसइमं अञ्जयणं—सामायारी

- (१००७) सामायारि पवक्खापि सव्वदुक्खविमोक्खणि  
जं धरित्ताण निग्गंथा तिण्णा संसारसागरं ॥९९२॥-१
- (१००८) पदमा आवस्सिया नाम बिइया य निसीहिया  
आपुच्छणा य तइया चउत्ती पडिपुच्छणा ॥९९३॥-२
- (१००९) पंचमी छंदणा नाम इच्छकारो य छट्टओ  
सत्तमो मिच्छकारो उ तहक्कारो य अट्टमो ॥९९४॥-३

(१०१०) अब्मुद्धानं घ नवमं दसमी उवसंपदा एसा दसंगा साहूणं सामायारी पवेइया	॥१९५॥-४
(१०११) गमणे आबस्सियं कुञ्जा ठाणे कुञ्जा निसीहियं आपुच्छणं सयंकरणे परकरणे पडिपुच्छणं	॥१९६॥-५
(१०१२) छंदणा दव्वजाएणं इच्छाकारो य सारणे मिच्छाकारो य निंदाए तहक्कारो पडिस्सुए	॥१९७॥-६
(१०१३) अब्मुद्धानं गुरुप्या अच्छणे उवसंपदा एवं दुपंचसंजुत्ता सामायारी पवेइया	॥१९८॥-७
(१०१४) पुव्विल्लमिं चउब्भाए आइइमिं समुद्धिए मंडयं पडिलेहिता वंदित्ता य तओ गुरं	॥१९९॥-८
(१०१५) पुच्छिअ पंजलिउडो किं कायव्वं मए इह इच्छं निओइउं भंते वेयावस्से व सज्जाए	॥१०००॥-९
(१०१६) येयावस्से निउत्तेण कयव्वं अगिलायओ सज्जाए वा निउत्तेणं सव्वदुक्खविमोक्खणे	॥१००१॥-१०
(१०१७) दिवसस्स घउरो भागे भिक्खू कुञ्जा वियक्खणाणे तओ उत्तरगुणे कुञ्जा दिणभागेसु चउसु वि	॥१००२॥-११
(१०१८) पढमं पोरिसि सज्जायं बीयं ज्ञाणं शिंयायई तइयाए भिक्खायरियं पुणो चउत्थीइ सज्जायं	॥१००३॥-१२
(१०१९) आसाढे मासे दुपया पोसे मासे चउप्पया चित्तासोएसु मासेसु तिप्पया हवइ पोरिसी	॥१००४॥-१३
(१०२०) अंगुलं सत्तरत्तेणं पक्खेणं घ दुरंगुलं वहए हायए वावि मासेणं घउरंगुलं	॥१००५॥-१४
(१०२१) आसाढवहुले पक्खे भइवए कतिए य पोसे य फग्गुणवइसाहेसु य बोद्धव्वा ओमरत्ताओ	॥१००६॥-१५
(१०२२) जेइमाले आसाढसावणे छहिं अंगुलेहिं पडिलेहा अइहिं बीयतिरियंमि तइए दस अइहिं चउत्थे	॥१००७॥-१६
(१०२३) रतिं पि घउरो भागे भिक्खू कुञ्जा वियक्खणाणे तओ उत्तरगुणे कुञ्जा राइभाएसु चउसु वि	॥१००८॥-१७
(१०२४) पढमं पोरिसि सज्जायं बीयं ज्ञाणं शिंयायई तइयाए निहमोक्खं तु चउत्थी भुज्जो वि सज्जायं	॥१००९॥-१८
(१०२५) जं नेइ जया रतिं नक्खत्तं तंमि नहचउब्भाए संपत्ते विरमेज्जा सज्जायं पओसकालमि	॥१०१०॥-१९
(१०२६) तप्पेव य नक्खत्ते गयणचउब्भागसावसेसम्मि वेरत्तियं पि कालं पडिलेहिता मुणी कुञ्जा	॥१०११॥-२०
(१०२७) पुव्विल्लमिं चउब्भाए पडिलेहिताणं मंडयं गुरुं वंदित्तु सज्जायं कुञ्जा दुक्खविमोक्खणं	॥१०१२॥-२१

(१०२८) पोरिसीए चउब्भाए वदित्ताण तओ गुरुं अपडिक्कमिता कालस्स भायणं पडिलेहए	1190931-22
(१०२९) मुरुपोत्तिं पडिलेहिता पडिलेहिअ गोच्छगं गोच्छगलइयंगुलिओ वत्थाइं पडिलेहए	1190941-23
(१०३०) उइइं थिरं अतुरियं पुव्वं ता वत्थमेव पडिलेहे तो विइयं पफ्फोडे तइयं च पुणो पमअेअ	1190951-24
(१०३१) अणञ्जाविचं अवलियं अणाणुबंधिअमोसलिं चेष छप्पुरिमा नव छोडा पाणीपाणविसोहणं	1190961-25
(१०३२) आरमडा सम्मद्दा यअेयन्वा य मोसली तइया पफ्फोहणा चउत्थी विक्खिता वेइया छट्ठी	1190971-26
(१०३३) पसिदिलपलंबलोला एगामोसा अणेगरुवधुणा कुणइ पमाणि पमायं संकियगणणोवगं कुआ	1190981-27
(१०३४) अणूणाइरित्तपडिलेहा अविवच्चासा तहेव य पदमं पयं पसत्थं सेसाणि उ अप्पसत्थाइं	1190991-28
(१०३५) पडिलेहणं कुणंतो मिहो कहं कुणइ जणवपकहं वा देइ व पक्कखाणं याएइ सयं पडिच्छइ वा	1190201-29
(१०३६) पुदवी-आउक्काए तेऊ-याऊ-यणस्सइ-तसाणं पडिलेहणअपमत्तो छण्हं पि विराहओ होइ	1190211-30
(१०३७) तइयाए पोरिसीए भत्तं पाणं गवेसए छण्हं अन्नयरागमि कारणंसिमुद्धिए	1190221-31
(१०३८) वेयण वेयावच्चे हरियद्दाए य संजमद्दाए तह पाणवत्तियाए छट्ठं पुण धम्मचित्ताए	1190231-32
(१०३९) निर्गंयो धिइमंतो निर्गंयी वि न करेअ छहिं चेष ठायेहिं उ इमेहिं अणइक्कमणाइ से होइ	1190241-33
(१०४०) आयंके उवसग्गे तित्तिक्खया बंमचेरगुत्तीसु पाणिदया तवहेउं सरीरवोच्चेयणद्दाए	1190251-34
(१०४१) अवसेसं पंडगं गिज्झ चक्खुसा पडिलेहए पुरभद्धजोयणाओ विहारं विहरए मुणी	1190261-35
(१०४२) चउत्थीए पोरिसीए निक्खित्ताण भायणं सज्जायं तओ कुआ सव्वभावविभावणं	1190271-36
(१०४३) पोरिसीए उब्भाए वदित्ताणं तओ गुरुं पडिक्कमिता कालस्स सेअं तु पडिलेहए	1190281-37
(१०४४) पासवणुद्धारभूमि च पडिलेहिअ जयं जई काउस्सगं तओ कुआ सव्वदुक्खविमोक्खणं	1190291-38
(१०४५) देसियं च अईयारं चित्तिअ अणुपुव्वसो नाणे य दंसणे चेष चरित्तमिं तहेम य	1190301-39



- (१०४६) पारियकउस्सग्गो वंदित्ताण तओ गुहं  
देसियं तु अईयारं आलोएअ जहक्कम्भं ॥१०३१॥-४०
- (१०४७) पडिक्कमित्तु निस्सल्लो वंदित्ताण तओ गुहं  
काउस्सगं तओ कुआ सव्वदुक्खविमोक्खणं ॥१०३२॥-४१
- (१०४८) पारियकाउस्सग्गो वंदित्ताण तओ गुहं  
युहमंगलं थ काऊण कालं संपडिलेहए ॥१०३३॥-४२
- (१०४९) पढमं पोरिसि सज्जायं बियं झारणं श्रियायई  
तइयाए निहमोक्खं तु सज्जायं तु चउत्थिए ॥१०३४॥-४३
- (१०५०) पोरिसीए घउत्थीए कालं तु पडिलेहिया  
सज्जायं तु तओ कुआ अबोहेतो असंजए ॥१०३५॥-४४
- (१०५१) पोरिसीए घउब्भाए वंदिऊण तओ गुहं  
पडिक्कमित्तु कालस्स कालं तु पडिलेहए ॥१०३६॥-४५
- (१०५२) आगए कायवोस्सग्गे सव्वदुक्खविमोक्खणे  
काउस्सगं तओ कुआ सव्वदुक्खविमोक्खणं ॥१०३७॥-४६
- (१०५३) राइयं च अईयारं चित्तिए अणुपुव्वसो  
नारणमि हंसणोमि य चरित्तंमि तवंमि य ॥१०३८॥-४७
- (१०५४) पारियकाउस्सग्गो वंदित्ताण तओ गुहं  
राइयं तु अईयारं आलोएअ जहक्कम्भं ॥१०३९॥-४८
- (१०५५) पडिक्कमित्तु निस्सल्लो वंदित्ताण तओ गुहं  
काउस्सगं तओ कुआ सव्वदुक्खविमोक्खणं ॥१०४०॥-४९
- (१०५६) किं तवं पडिवज्जाणि एवं तत्थ विचित्तए ।  
काउस्सगं तु पारित्ता वन्दई य तओ गुहं ॥१०४१॥-५०
- (१०५७) पारियकाउस्सग्गो वंदित्ताण तओ गुहं  
तवं संपडिवज्जेत्ता कुआ सिद्धाण संघवं ॥१०४२॥-५१
- (१०५८) एसा सामायारी समासेण वियाहिया  
जं चरित्ता बहु जीवा तिष्णा संसारसागरं-त्ति बेमि ॥ ॥१०४३॥-५२

● धर्म्मसङ्घं अज्जयणं तनरं ●

**सत्तावीसइमं अज्जयणं-खलुंकिअं**

- (१०५९) थेरे गणहरे गग्गे मुणी आसि विसारए  
आइण्णे गणिमावम्मि समाहिं पडिसंघए ॥१०४४॥-१
- (१०६०) बहणे वहमाणस्स कंतार अइवत्तई  
जोए वहमाणस्स संसारो अइवत्तई ॥१०४५॥-२
- (१०६१) खलुंके जो उ जोएइ विहम्माणो किलिस्सई  
असमाहिं थ वेएइ तोत्तओ यसे मज्जई ॥१०४६॥-३
- (१०६२) एणं डसइ पुच्छमि एणं विंघइऽ भिक्खणं  
एगो भंजइ समिलं एगो उप्पहपट्ठिओ ॥१०४७॥-४

- (१०६३) एगो पडइ पासेणं निवेसइ निवअई  
उककुइइ उण्डिइ सदे बालवी चए ॥१०४८॥-६
- (१०६४) माई मुद्धेण पडइ कुद्धे गच्छइ पडिप्यहं  
मयलक्खेण चिद्धई वेणेण य पहावई ॥१०४९॥-६
- (१०६५) छिन्नले छिंदई सेल्लिं दुइंतो भंजए जुगं  
सेवि य सुसुयाइत्ता उअहिता पलायए ॥१०५०॥-७
- (१०६६) खलुंका जारिसा जोआ दुसीसा वि हु तारिसा  
जोइया धम्मजाणंमिं भजंती धिइदुब्बला ॥१०५१॥-८
- (१०६७) इहीगारविए एगे एगेऽत्य रसगारवे  
सायागारविए एगे एगे सुचिरकोरणे ॥१०५२॥-९
- (१०६८) भिक्खालसिए एगे एहे ओमाणभीरुए  
एगं च अणुसासम्मी हेऊहिं कारणेहि य ॥१०५३॥-१०
- (१०६९) सो वि अंतरभासिल्लो दोसमेव पकुज्वई यद्धे  
आयरियाणं तु वयणं पडिकूलेइऽभिक्खणं ॥१०५४॥-११
- (१०७०) नसा ममं वियाणाइ न वि सो मज्झ दाहिई  
निग्गया होहिई मन्ने साहू अन्नोत्थ वज्जउ ॥१०५५॥-१२
- (१०७१) पेसिया पलिउंचंति ते परियंति समंतओ  
रायवेद्धिं च मन्तां करोति मिउडि मुहे ॥१०५६॥-१३
- (१०७२) वाइया संगहिया चेव भत्तपाणेण पोसिया  
जायपक्खा जहा हंसा पक्कमंति दिसो दिसिं ॥१०५७॥-१४
- (१०७३) अह सारही विधिंतेइ खलुंकेहिं समागओ  
किं मज्झ दुइसीसेहिं अप्पा मे अवसीयई ॥१०५८॥-१५
- (१०७४) जारिसा मम सीसा उ तारिसा गलिगइहा  
गलिगइहे जाहिताणं दढं पगिणहई तवं ॥१०५९॥-१६
- (१०७५) मिउमइवसंपन्नो गंभीरो सुसमाहिओ  
विहरइ महिं महप्पा सीलभूणा अप्पणा -त्ति वेमि ॥ ११०६०॥-१७

● सत्तावीसइयं अज्ञायकं सप्तं ●

### अट्टावीसइयं अज्ञायकं—मोक्खमग्गइ

- (१०७६) मोक्खमग्गइ तच्चं सुणेह जिणभासियं  
चउकारणसंजुत्तं नाणदंसणलक्खणं ॥१०६१॥-१
- (१०७७) नाणं च दंसणं चेव चरितं च तवो तहा  
एस मग्गोत्ति पन्नत्तो जिणेहिं वरदंसिहिं ॥१०६२॥-२
- (१०७८) नाणं च दंसणं चेव चरितं च तवो तहा  
एयंमग्गमणुप्पत्ता जीवा गच्छंति सोग्गइं ॥१०६३॥-३
- (१०७९) तत्थ पंचविहं नाणं सुयं आभिनिबोहियं  
ओहिनाणं तु तइयं मणनाणं च केवलं ॥१०६४॥-४

(१०८०) एयं पंचविहं नाणं दव्वाण य गुणाण य पञ्जवाणं च सव्वेसिं नाणं नाणीहि देसियं	॥१०६५॥-५
(१०८१) गुणाणमासओ दव्वं एणदव्वस्सिया गुणा लक्खणं पञ्जवाणं तु उमओ अस्सिया भवे	॥१०६६॥-६
(१०८२) धम्मो अहम्मो आगासं कालो पुग्गल-जंतवो एस लो गो ति पन्नतो जिणेहिं वरदंसिहि	॥१०६७॥-७
(१०८३) धम्मो अहम्मो आगासं दव्वं इक्किक्कमाहियं अनंताणि य दव्वाणि कालो पुग्गलजंतवो	॥१०६८॥-८
(१०८४) गइलक्खणो उ धम्मो अहम्मो ठाणलक्खणो भायणं सव्वदव्वाणं नहं ओगाहलक्खणं	॥१०६९॥-९
(१०८५) वत्तणालक्खणो कालो जीवो उवओगलक्खणो नाणेणं दंसणेणं च सुहेण य दुहेण य	॥१०७०॥-१०
(१०८६) नाणं च दंसणं चैव चरितं च तवो तद्वा धीरियं उयओगो य एयं जीवस्स लक्खणं	॥१०७१॥-११
(१०८७) सद्दघयार-उज्जोओ पमा छाया तवो इ वा । यण्णरसगंधफासा पुग्गलाणं तु लक्खणं	॥१०७२॥-१२
(१०८८) एगत्तं च पुहत्तं च संखा संठाणमेव य संजोगा य विभागा य पञ्जवाणं तु लक्खणं	॥१०७३॥-१३
(१०८९) जीवाजीवा य बंधो य पुण्णं पावाऽसवो त्हा संवरो निज्जरा मोक्खो संतेए हिया नव	॥१०७४॥-१४
(१०९०) तहियाणं तु भावाणं सम्भावे उवएसणं भावेणं सहहंतस्स सम्भत्तं तं वियाहियं	॥१०७५॥-१५
(१०९१) निसग्गुवएसरुई आणारुई सुत्त-बीयरुईमेव अभिगम-वित्थाररुई किरिया-संखेव धम्मरुई	॥१०७६॥-१६
(१०९२) धूयत्थेणाहिगया जीवाजीवा य पुण्णपायं च सह सम्भइयासवसंवरो य रोएइ उ निसग्गो	॥१०७७॥-१७
(१०९३) जो जिणदिट्ठे भावे चउव्विहे सहहाइ सयमेव एमेव नन्नह ति य स निसग्गरुइ ति नायव्वो	॥१०७८॥-१८
(१०९४) एए चैव उ भावे उवइट्ठे जो परेण सहहई छउमत्थेण जिणेण व उवएसरुइ ति नायव्वो	॥१०७९॥-१९
(१०९५) रागो दोसो मोहो अन्नणं जस्स अवगयं होइ आणाए रोयंतो सो खलु आणारुई नामं	॥१०८०॥-२०
(१०९६) जो सुत्तमहिजंतो सुएण ओगाहई उ सम्भत्तं अंगेण बहियेण व सो सुत्तरुइ ति नायव्वो	॥१०८१॥-२१
(१०९७) एणेण अणेगाइं पयाइं जो पसरई उ सम्भत्तं उदए व्व तेल्लबिंदू सो बीयरुइ ति नायव्वो	॥१०८२॥-२२

- (१०९८) सो होइ अभिगमरूई सुयनाणं जेण अत्यओ दिइं  
एक्कारस अंगाइं पइण्णगं दिइिवाओ य ॥१०८३॥-२३
- (१०९९) दव्वाण सव्वाभावा सव्वपमाणेहिं जस्स उवल्लखा  
सव्वाहिं नयविहीहिं यित्थाररूइ ति नायव्वो ॥१०८४॥-२४
- (११००) दंसणनाणचरिते तवविणए सच्चसमिइगुत्तीसु  
जो किरियाभवरूई सो खलु किरियारूई नाम ॥१०८५॥-२५
- (११०१) अणभिग्गहियकुदिट्ठी संखेवरुइ ति होइ नायव्वो  
अविस्सारओ पवयणे अणभिग्गहिओ य सेसेसु ॥१०८६॥-२६
- (११०२) जो अत्थिकायधम्मं सुयधम्मं खलु चरित्तधम्मं च  
सद्दहिइ जिणापिहिंयं सो धम्मरूइ ति नायव्वो ॥१०८७॥-२७
- (११०३) परमत्थसंघवो वा सुदिट्ठपरमत्थसेवणं वा वि  
वावन्नकुंदुसणवज्जणा य सम्मत्तसद्दहणा ॥१०८८॥-२८
- (११०४) नत्थि चरित्तं समत्तविहूणं दंसणे उ भइयव्वं  
समत्तचरित्ताइं जुगवं पुव्वं व समत्तं ॥१०८९॥-२९
- (११०५) नादंसणिस्स नाणं नाणेण विणा न हुंति चरणगुणा  
अगुणिस्स नत्थि भोक्खो नत्थि अमोक्खस्स निव्वाणं ॥१०९०॥-३०
- (११०६) निस्संकिंय-निक्कांखिय-निव्वित्तिगिच्छा अमूढदिट्ठी य  
उवबूह-यिरीकरणे यच्छल्लपभावणे अट्ट ॥१०९१॥-३१
- (११०७) सामाइयत्थ पढमं छेदोवद्वावणं भवे बीयं  
परिहारविसुद्धीय सुहमं तह संपरायं च ॥१०९२॥-३२
- (११०८) अकसायमहक्खायं छउमत्थस्स जिणास्स वा  
एयं चचरित्तकरं चारित्त होइ आहियं ॥१०९३॥-३३
- (११०९) तवो य दुयिहो वुत्तो बाहिरब्भंतरो तहा  
बाहिरो छव्विहो वुत्तो एवमब्भंतरो तवो ॥१०९४॥-३४
- (१११०) नाणेण जाणई भावे दंसणेण य सद्दहे  
चरित्तेणं निणिण्हाइ तवेण परिसुज्झई ॥१०९५॥-३५
- (११११) खवेत्ता पुव्वकम्माइं संजमेण तवेण य  
सव्वदुक्खपहीण्हा पक्कमन्ति महेसिणो न्ति बेमि ॥ ११०९६॥-३६

अद्दाबीसइमं अञ्जयणं समत्तं

### एगुणतीसइमं अञ्जयणं—सम्मत्तपरक्कमे

(१११२) सुयं मे आउसं तेणं भगवया एवयक्खायं-इह खलु सम्मत्तपरक्कमे नाम  
अञ्जयणे समणेणं भगवया महावीरेणं कासवेण पवेइए जं सम्मं सद्दहिता पत्तियाइत्ता रोयइत्ता  
फासित्ता पालइत्ता तीरइत्ता कित्तइत्ता सोहइत्ता आराहित्ता आणाए अणुपालइत्ता बहवे जीवा  
सिज्जन्ति बुज्जन्ति मुच्चन्ति परिनिव्वायन्ति सव्वदुक्खाणमंतं करेति ॥१३॥-१

(१११३) तस्स णं अयमट्ठे एवम्माहिअइ तं जहा संवेगे निव्वेए धम्मसद्धा गुरुसाहम्मि-  
यसुस्सूसणया आलोयणया निदणया गरिहणया सामाइए चउव्वीसत्थए वंदणे पडिक्कमणे

काउस्सगे पद्मकखाणे धययुईमंगले कालपडिलेहणया पायच्छित्करणे खभावयणया सज्जाए यायणया पडिपुच्छणया परियट्टणया अणुप्येहा धम्मकहा सुयस्सआराहणया एगग्गमणसंनि-  
वेसणया संजमे तवे वोदाणे सुहसाए अण्डिबद्धया विवित्तसयणासणसेवणया विणियट्टणया  
संभोगपद्मकखाणे उवहिपद्मकखाणे आहारपद्मकखाणे कसायपद्मकखाणे जोगपद्मकखाणे सरीर-  
पद्मकखाणे सहायपद्मकखाणे भत्तपद्मकखाणे सत्भावपद्मकखाणे पडिरूवणया देयावच्चे सच्चगुण-  
संपण्णया बीयरारागा खंती मुत्ती मइवे अज्जवे भावसच्चे करणसच्चे जोगसच्चे मणगुत्तया वयगुत्तया  
कायगुत्तया मणसमाधारणया वयसमाधारणया कायसमाधारणया नाणसंपन्नया दंसणसंपन्नया  
घरित्तसंपन्नया सोईदियनिग्गहे चयिक्खंदियनिग्गहे धाणिंदियनिग्गहे जिम्भिंदियनिग्गहे फासिं-  
दियनिग्गहे कोहविजए मानाविजए मायाविजए लोहविजए पेज्जदोसमिच्छादंसणविजए सेलेसी  
अकम्मया १९४१-२

(१११४) संवेगेणं भंते जीवे किं जणयइ संवेगेणं अनुत्तरं धम्मसद्धं जणयइ अनुत्तराए  
धम्मसद्धाए संवेगं हव्यमागच्छइ अनंतानुबंधिकोहमाणमायालोमे खवेइ नवं च कम्मं न बंधइ  
तप्पच्चइयं व णं मिच्छत्तविसोहिं काऊण दंसणाराहए भवइ दंसणविसोहीए य णं विसुद्धाए अत्थे-  
गइए तेणेव भवग्गहणेणं सिज्झई विसोहीए य णं विसुद्धाए तच्चं पुणो भवग्गहणं नाइक्कमइ

१९४१-१ R

(१११५) निव्वेएणं भंते जीवे किं जणयइ निव्वेएणं दिव्वमाणुसतेरिच्छिएसु कामभोगेसु  
निव्वेयं हव्यमागच्छइ सब्बविसएसु विरज्जइ सब्बविसएसु विरज्जमाणे आरम्मपरिद्यायं करेइ  
आरम्मपरिद्यायं करमाणे संसारमग्गं वोच्छिइइ सिद्धिमग्गं पडिवत्ते य इवइ १९६१-२ R

(१११६) धम्मसद्धाए णं भंते जीवे किं जणयइ धम्मसद्धाए णं सायासोक्खेसु रज्जमाणे  
विरज्जइ आगारधम्मं व णं चयइ अणगारे णं जीवे सारीरमाणसाणं दुक्खाणं छेयणभेयण संजोगा-  
ईणं वोच्छीयं करेइ अव्यादाहं च सुहं निव्वत्तेइ १९७१-३

(१११७) गुरुसाहम्मियसुस्सुसणाए णं भंते जीवे किं जणयइ गुरुसाहम्मियसुस्सुसणाए णं  
विणयपडिवित्तिं जणयइ विणयपडिवत्ते य णं जीवे अणघासायणसीले नेरइयतिरिक्खजोणिय  
मणुस्सदेवदुगईओ निहंमइ वण्णसंजलणभत्तिबहुमाणयाए मणुस्सदेवदुगईओ निबंधई सिद्धिं  
सोगई च विसोहेइ पसत्थाइ च णं विणयमूलाइं सब्बक्खाइं साहेइ अत्रे य बहवे जीवे विणिइत्ता  
भवइ १९८१-४

(१११८) आलोयणाए णं भंते जीवे किं जणयइ आलोयणाएणं मायानियाणमिच्छा-  
दंसणसल्लाणं मोक्खमग्गविग्घाणं अनंतसंसारबन्धणाणं उद्धरणं करेइ उज्जुभावं च जणयइ  
उज्जुभावपडिवत्ते य णं जीवे अमाई इत्थीवेयनपुंसगदेयं च न बंधइ पुव्वबद्धं च णं निज्जेइ १९९१-५

(१११९) निंदणयाए णं भंते जीवे किं जणयइ निंदणयाए णं पच्छाणुतावं जणयइ  
पच्छाणुतावेणं विरज्जमाणे करणगुणसेट्ठिं पडिवत्तइ करणगुणसेट्ठीपडिवत्ते य णं अणगारे  
मोहणिज्जं कम्मं उग्घाएइ २०१-६

(११२०) गरहणयाए णं भंते जीवे किं जणयइ गरहणयाए अपुरक्कारं जणयइ  
अपुरक्काराए णं जीवे अणसत्थेहिंतो जोगेहिंतो नियत्तेइ पसत्थे य पडिवत्तइ पसत्थजोगपडिवत्ते  
य णं अणगारे अनंतघाइपज्जवे खवेइ २११-७

(११२१) सामाइएणं भंते किं जणयइ सामाइएणं सावज्जजोगविरइं जणयइ २२१-८

(११२२) घउब्बीसत्यएणं भंते जीवे किं जणयइ घउवीसत्यएणं दंसणविसोहिं जणयइ  
१२३-९

(११२३) वंदणएणं भंते जीवे किं जणयइ वंदणएणं नीयागोयं कम्मं खवेइ उच्चागोयं कम्मं  
निबंधइ सोहगं च णं अपडिहयं आणाफलं निव्वत्तेइ दाहिणमावं च णं जणयइ १२४-१०

(११२४) पडिक्कणेणं भंते जीवे किं जणयइ पडिक्कणेणं वयछिद्दाणि पिहेइ  
पिहियवयछिद्दे पुण जीवे निरुद्धासवे असबलचरित्ते अद्दसु पवयणमायासु उवउत्ते अपुहत्ते  
सुप्पणिहिए विहरइ १२५-११

(११२५) काउसग्गेणं भंते जीवे किं जणयइ काउसग्गेणं तीयपडुप्पन्नं पायच्छित्तं विसोहेइ  
विसुद्धपायच्छित्ते य जीवे निव्वयुहियए ओहरियभरुव्वं भारवहे पसत्यज्जाणोवगए सुहं सुहेणं  
विहरइ १२६-१२

(११२६) पच्चक्खाणेणं भंते जीवे किं जणयइ पच्चक्खाणेणं आसवदाराइं निरुम्भइ  
पच्चक्खाणेणं इच्छानिरोहं जणयइ इच्छानिरोहं गए य णं जीवे सव्वदव्वेसु विणीयतण्हे सीइमूए  
विहरइ १२७-१३

(११२७) थययुइमंगलेणं भंते जीवे किं जणयइ थव युइमंगलेणं नाणदंसणचरित्तबोहिलाभं  
जणयइ नाणदंसणचरित्तबोहिलाभसंपन्ने य णं जीवे अंतकिरियं कप्पविमाणोववत्तिणं आराहणं  
आ-रोहेइ १२८-१४

(११२८) कालपडिलेहणयाए णं भंते जीवे किं जणयइ काल पडिलेहणयाए णं  
नाणावरणिज्जं कम्मं खवेइ १२९-१६

(११२९) पायच्छित्तकरणेणं भंते जीवे किं जणयइ पायच्छित्तकरणेणं पावकम्मविसोहिं  
जणयइ निरइयारे यावि भवइ सम्मं च णं पायच्छित्तं पडिवज्जमाणे मग्गं च मग्गफलं च विसोहेइ  
आयारं च आयारफलं च आराहेइ १३०-१७

(११३०) खभावणयाए णं भंते जीवे किं जणयइ खभावणयाए पत्थायणभावं जणयइ  
पत्थायणभावमुवगए य सव्वपाणभूयजीवसत्तेसु भित्तीभावमुप्पाएइ भित्तीभावमुवगए यावि जीवे  
भावविसोहिं काऊण निब्भए भवइ १३१-१७

(११३१) सज्जाएणं भंते जीवे किं जणयइ सज्जा० नाणावरणिज्जं कम्मं खवेइ १३२-१७

(११३२) वायणाए णं भंते जीवे किं जणयइ वायणाए निज्जरं जणयइ सुयस्स य  
अणुसज्जणाए अणासायणाए वट्टए सुयस्स अणुसज्जणाए अणासायणाए वट्टमाणे तित्त्वधम्मं  
अवलम्बइ तित्त्व धम्मं अवलम्बमाणे महानिज्जरे महापज्जवसाणे भवइ १३३-१७

(११३३) पडिपुच्छणयाए णं भंते जीवे किं जणयइ पडिपुच्छणयाए णं सुत्तत्थ तदुभयाइं  
विसोहेइ कंखामोहणिज्जं कम्मं वोच्छिदइ १३४-२०

(११३४) परियट्ठणाए णं भंते जीवे किं जणयइ परियट्ठणाए णं वंजणाइं जणयइ  
वंजणलद्धिं च उप्पाएइ १३५-२१

(११३५) अणुप्पेहाए णं भंते जीवे किं जणयइ अणु० आउयवज्जाओ सत्तकम्मप्पगडीओ  
घणियबंधणबद्धाओ सिदिलबंधणबद्धाओ पकरेइ दीहकालद्धिइयाओ हस्सकालद्धियाओ पकरेइ  
तिव्वाणुभावाओ मन्दाणुभावाओ पकरेइ (बहुपएसग्गाओ अप्पएसग्गाओ पकरेइ) आउयं च णं  
कम्मं सिया बन्धइ सिया नो बन्धइ असायावेयणिज्जं च णं कम्मं नो भुज्जो भुज्जो उवचिणाइ अणाइं

च णं अणवदग्गं दीहमद्धं चाउरंतं संसारकंतारं खिप्पामेव वीइवयइ ।३६।-२३

(११३६) धम्मकहाए णं भंते जीवे किं जणयइ धम्मं० निज्जरं जणयइ धम्मकहाए णं पवयणं पमावेइ पवयणं पमावेणं जीवे आगमेसस्स भइताए कम्मं निबन्धइ ।३७।-२३

(११३७) सुयस्स आराहणयाए णं भंते जीवे किं जणयइ सुयस्स आराहणयाए णं अग्नाणं खवेइ न य संकिलिस्सइ ।३८।-२४

(११३८) एगगमणसंनिवेसणयाएणं भंते जीवे किं जणयइ ए० वित्तनिरोहं करेइ ।३९।-२५

(११३९) संजमेणं भंते जीवे किं जणयइ संज० अणण्हयत्तं जणयइ ।४०।-२६

(११४०) तवेणं भंते जीवे किं जणयइ तवेणं वोदाणं जणयइ ।४१।-२७

(११४१) वोदाणेणं भंते जीवे किं जणयइ वोदाणेणं अकिरियं जणयइ अकिरियाए पवित्ता तओ पच्छा सिज्झइ बुज्झइ मुच्चइ परिनिव्वायइ सव्वदुक्खाणमंतं करेइ ।४२।-२८

(११४२) सुहसाएणं भंते जीवे किं जणयइ सुहसाएणं अणुस्सुयत्तं जणयइ अणुस्सुयाए णं जीवे अणुकंपए अणुब्भडे विगयसोगे चरित्तमोहगिज्जं कम्मं खवेइ ।४३।-२९

(११४३) अप्पडिबद्धयाए णं भंते जीवे किं जणयइ अप्प० निस्सगतं जणयइ निस्संगतेणं जीवे एगे एगगचित्ते दिया ध राओ य असज्जमाणे अप्पडिबद्धे यावि विहरइ ।४४।-३०

(११४४) विवित्तसयणासणायाए णं भंते जीवे किं जणयइ विवित्त सयणासणायाए चरित्तगुत्ति जणयइ चरित्तगुत्ते य णं जीवे विविताहारे ददचरित्ते एगंतरए मोक्खभावपडिवन्ने अड्ढविहकम्मगंढि निज्जरेइ ।४५।-३१

(११४५) विणियइणयाए णं भंते जीवे किं जणयइ विणि० पावकम्माणं अकरणयाए अब्भुद्धेइ पुव्वबद्धाणं य निज्जरणयाए तं नियतेइ तओ पच्छा चाउरंतं संसारकंतारं वीइवयइ ।४६।-३२

(११४६) संभोगपद्मक्खाणेणं भंते जीवे किं जणयइ सं० आलंबणाइं खवेइ निरालंबणस्स य आयट्ठिया योगा भवंति सएणं लाभेणं संतुस्सइ परलामं नो आसादेइ परलामं नो तक्केइ नो पीहेइ नो पत्थेइ नो अभिलसइ परलामं अणस्तायमाणे अतक्केमाणे अपीठमाणे अपत्थेमाणे अणभिलसमणे दुच्चं सुहसेज्जं उवसंपज्जिता णं विहरइ ।४७।-३३

(११४७) उवहिपद्मक्खाणेणं भंते जीवे किं जणयइ उवहि पद्मक्खाणे णं अपलिनंयं जणयइ निठवहिए णं जीवे निककंखी उवहिमंतरेण य न संकिलिस्सइ ।४८।-३४

(११४८) आहारपद्मक्खाणेणं भंते जीवे किं जणयइ आ० जीवियासंसम्पओगं वोच्छिदइ जीवियासंसम्पओगं वोच्छिदिता जीवे आहारमंतरेणं न संकिलिस्सइ ।४९।-३५

(११४९) कसायपद्मक्खाणेणं भंते जीवे किं जणयइ क० वीयरामावावं जणयइ वीयरामावापडिवन्ने वि य णं जीवे समसुहदुक्खे भवइ ।५०।-३६

(११५०) जोगपद्मक्खाणेणं भंते जीवे किं जणयइ जोग पद्मक्खाणेणं अजोगत्तं जणयइ अजोगी णं जीवे नवं कम्मं न बन्धइ पुव्वबद्धं निज्जरेइ ।५१।-३७

(११५१) सरीरपद्मक्खाणेणं भंते जीवे किं जणयइ स० सिद्धाइसयगुणकित्तणं निव्वतेइ सिद्धाइसयगुणसंपन्ने य णं जीवे लोग्गमुवगए परमसुही भवइ ।५२।-३८

(११५२) सहायपद्मक्खाणेणं भंते जीवे किं जणयइ स० एगीभावं जणयइ एगीभावमूए वि य णं जीवे एगलं भावेमाणे अप्पसइ अप्पझंसे अप्पकलहे अप्पकसाए अप्पतुमंतुमे संजमबहुले संवरबहुले समाहिए यावि भवइ ।५३।-३९

(११५३) भक्तपद्यकखाणेणं भंते जीवे किं जणयइ म० अणेगाइं भवसयाइं निठंभइ ।५४।-४०

(११५४) सध्मावपद्यकखाणेणं भंते जीवे किं जणयइ स० अनियट्टिं जणयइ अनियट्टिपडिवन्ने य अणगारे चत्तारि केवलिकम्मस्से खवेइ तं जहा-वेयणिअं आउयं नामं गोयं तओ पच्छा सिज्झइ बुज्झइ मुच्चइ परिनिव्वायइ सव्वदुक्खाणमंतं करेइ ।५५।-४१

(११५५) पडिरूवयाए णं भंते जीवे किं जणयइ प० लाघवियं जणयइ लहुमूए णं जीवे अप्पमत्ते पागडलिंगे पसत्यलिंगे विसुद्धसम्मत्ते सत्तसमिइयसमत्ते सव्वपाणभूयजीवसत्तेसु वीससणिअरूव अप्पडिल्लेहे जिइदिए विउलततवसमिइसमन्नए यावि भवइ ।५६।-४२

(११५६) देयावच्छेणं भंते जीवे किं जणयइ वे० तित्थयरनामगोतं कम्मं निबंघइ ।५७।-४३

(११५७) सव्वगुणसंपन्नयाए णं भंते जीवे किं जणयइ स० अपुणरावत्तिं जणयइ अपुणरावत्तिं पत्तए य णं जीवे सारीरमाणसाणं दुक्खाणं नो भागी भवइ ।५८।-४४

(११५८) वीयरगयाए णं भंते जीवे किं जणयइ वी० नेहाणुबंधणाणि तणहाणुबंधणाणि य वोच्छिदइ मणुत्रामणुत्रेसु सहफरिसरूवसागंधेसु घेव विरज्जइ ।५९।-४५

(११५९) खंतीए णं भंते जीवे किं जणयइ खं० परीसहे जिणइ ।६०।-४६

(११६०) मुत्तीए णं भंते जीवे किं जणयइ मुत्तीए णं अकिंचण जणयइ अकिंचणे य जीवे अत्थलोलानं पुरिसाणं अपत्त्यणिज्जे भवइ ।६१।-४७

(११६१) अज्जवयाए णं भंते जीवे किं जणयइ अ० काउज्जुययं भावुज्जुययं भासुज्जुययं अविंसवायणं जणयइ अविंसवायण संपन्नयाए णं जीवे घम्मस्स आराहए भवइ ।६२।-४८

(११६२) मद्दवयाए णं भंते जीवे किं जणयइ म० अणुस्सियत्तं जणयइ अणुस्सियतेणं जीवे मिउमद्दवसंपन्ने अद्द मयद्धानां निद्दावेइ ।६३।-४९

(११६३) भावसच्छेणं भंते जीवे किं जणयइ भाव० भावविसोहिं जणयइ भावविसोहिए वट्टमाणे जीवे अरहंतपन्नत्तस्स घम्मस्स आराहणयाए अब्भुट्ठेइ अरहंतपन्नत्तस्स घम्मस्स आराहणयाए अब्भुट्ठिता पालोगघम्मस्स आराहए भवइ ।।६४।-५०

(११६४) काणसच्छेणं भंते जीवे किं जणयइ क० काणसत्तिं जणयइ काणसच्चे वट्टमाणे जीवे जहावाई तहाकारी यावि भवइ ।६५।-५१

(११६५) जोग सच्छेणं भंते जीवे किं जणयइ जो० जोगं विसोहेइ ।६६।-५२

(११६६) मणगुत्तयाए णं भंते जीवे किं जणयइ मणगुत्तयाए जीवे एगगं जणयइ एगगचित्ते णं जीवे मणगुत्ते संजमाराहे भवइ ।६७।-५३

(११६७) वयगुत्तयाए णं भंते जीवे किं जणयइ वयगुत्तयाए निव्वियारं जणयइ निव्वियारे णं जीवे वइगुत्ते अज्झप्पजोगसाहणजुत्ते धादि विहरइ ।६८।-५४

(११६८) कायगुत्तयाए णं भंते जीवे किं जणयइ कायगुत्तयाए संवरं जणयइ संवरेणं कायगुत्ते पुणो पावासवनिरोहं करेइ ।६९।-५५

(११६९) मणसमाहारणयाए णं भंते जीवे किं जणयइ म० एगगं जणयइ एगगं जणइत्ता नाणपज्जवे जणयइ नाणपज्जवे जणइत्ता सम्मतं विसोहेइ मिच्छं च निज्जेइ ।७०।-५६

(११७०) वइसमाहारणयाए णं भंते जीवे किं जणयइ व० वयसाहारणदंसणपज्जवे विसो-हेइ वयसाहारणदंसणपज्जवे विसोहिता सुलहबोहियत्तं निव्वत्तेइ दुल्लहबोहियत्तं निज्जेइ ।७१।-५७

(११७१) कायसमाहारणयाए णं भंते जीवे किं जणयइ का० चरित्तपज्जवे विसोहेइ



चरितपञ्चये विसोहेता अहक्खायचरितं विसोहेइ अहक्खायचरितं विसोहेता घत्तारि कैयलि-  
कम्मसे खवेइ तओ पच्छा सिञ्जइ बुञ्जइ पुञ्जइ परिनिव्वायइ सब्ब दुक्खाणमंतं करेइ ।७२।-६४

(११७२) नाणसंपन्नयाए णं भंते जीवे किं जणयइ ना० जीवे सव्वभावाहिगमं जणयइ  
नाणसंपन्ने णं जीवे चाउरंते संसारकंतारे न विणस्सइ नाणविणयतवचरित्तजोगे संपाउणइ  
ससमयपरसमयविसारए य असंधायणिञ्जे भवइ ।७३।-६७

(११७३) जह्म सुई ससुत्ता पडिया वि न विणस्सइ

तह्म जीवे ससुत्ते संसारे न विणस्सइ

।।१०९७।।-१

(११७४) दंसणसंपन्नयाए णं भंते जीवे किं जणयइ दंसणसंपन्नयाए णं भवमिच्छत्तछेयणं  
करेइ परं न विञ्जायइ परं अविञ्जाएमाणे अनुत्तरेणं नाणदंसणेणं अप्पाणं संजोएमाणे सप्पं  
भावोमाणे विहरइ ।७४।-६७

(११७५) चरितसंपन्नयाए णं भंते जीवे किं जणयइ चरित्त० सेलेसीभावं जणयइ सेलेसिं  
पडियन्ने य अणगारे चत्तारि केवलिकम्मसे खवेइ तओ पच्छा सिञ्जइ बुञ्जइ मुच्चइ परिनिव्वायइ  
सव्वदुक्खाणमंतं करेइ ।७५।-६१

(११७६) सोईदियनिग्गहेणं भंते जीवे किं जणयइ सो० मणुत्रा मणुत्रेसु सहेसु  
रागदोसनिग्गहं जणयइ तप्पद्यइयं कम्मं न बंधइ पुव्वबद्धं च निञ्जरेइ ।७६।-६२

(११७७) चक्खिंदियनिग्गहेणं भंते जीवे किं जणयइ च० मणुत्रामणुत्रेसु रूवेसु  
रागदोसनिग्गहं जणयइ तप्पद्यइयं कम्मं न बंधइ पुव्वबद्धं च निञ्जरेइ ।७७।-६३

(११७८) घाणिदिय निग्गहेणं भंते जीवे किं जणयइ घा० मणुत्रामणुत्रेसु गंधेसु  
रागदोसनिग्गहं जणयइ तप्पद्यइयं कम्मं न बंधइ पुव्वबद्धं च निञ्जरेइ ।७८।-६४

(११७९) जिक्खिंदियनिग्गहेणं भंते जीवे किं जणयइ जि० मणुत्रामणुत्रेसु रसेसु  
रागदोसनिग्गहं जणयइ तप्पद्यइयं कम्मं न बंधइ पुव्वबद्धं च निञ्जरेइ ।७९।-६५

(११८०) फासिंदियनिग्गहेणं भंते जीवे किं जणयइ फा० मणुत्रामणुत्रेसु फासेसु  
रागदोसनिग्गहं जणयइ तप्पद्यइयं कम्मं न बंधइ पुव्वबद्धं च निञ्जरेइ ।८०।-६६

(११८१) कोह विजएणं भंते जीवे किं जणयइ को० खंति जणयइ कोहवेयणिञ्जं कम्मं न  
बंधइ पुव्वबद्धं च निञ्जरेइ ।८१।-६७

(११८२) माणविजएणं भंते जीवे किं जणयइ माणविजएणं महवं जणयइ माणवेयणिञ्जं  
कम्मं न बंधइ पुव्वबद्धं च निञ्जरेइ ।८२।-६८

(११८३) मायाविजएणं भंते जीवे किं जणयइ मायाविजएणं अज्जवं जणयइ  
मायावेयणिञ्जं कम्मं न बंधइ पुव्वबद्धं च निञ्जरेइ ।८३।-६७

(११८४) लोभविजएणं भंते जीवे किं जणयइ लोभविजएणं संतोसं जणयइ लोभवेयणिञ्जं  
कम्मं न बंधइ पुव्वबद्धं च निञ्जरेइ ।८४।-७०

(११८५) पिञ्जदोसमिच्छदंसणविजएणं भंते जीवे किं जणयइ पि० नाणदंसण-  
चरित्ताराहणयाए अब्बुद्धेइ अद्दुविहस्स कम्मस्स कम्मगण्ठिविमोयणयाए तप्पढमयाए जहाणु-  
पुव्वीए अद्दुवीसविहं मोहणिञ्जं कम्मं उग्घाएइ पंचविहं नाणावरणिञ्जं नदविहं दंसणावरणिञ्जं  
पंचविहं अंतराइयं एए तिन्नि वि कम्मसे जुगवं खवेइ तओ पच्छा अणुत्तरं अनंतं कसिणपडिपुणं  
निरावरणं वितिभिरं विसुद्धं तौगालोग्गभावं केयलरानाणं दंसणं समुप्पाडेइ जाव सजोगी भवइ

ताव ईरियायहियं कम्पं निबंधइ सुहफरिसं दुसमयठिइयं । तं पढमसमए बद्धं विइयसमए वेइचं  
तइयसमए निझिण्णं तं बद्धं पुहुं उदीरियं वेइयं निझिण्णं सेयाले य अकम्पं चावि भवइ । ८५१-७३

(११८६) अहाउयं पालइता अंतोमुहुत्तद्भावसेसाए जोगनिरोंहं करेमाणे सुहुमकिरियं  
अप्यडिवाइं सुक्कज्झाणं झायमाणे तप्यढमयाए मणजोगं निरुंमइ बइजोगं निरुंमइ कायजोगं  
निरुंमइ आणपाणुनिरोंहं करेइ ईसिपंचरहस्सक्खरुद्धारणद्वाए य णं अणगारे समुच्छिन्नकिरियं  
अनियट्टिसुक्कज्झाणं झियायमाणे वेयणिञ्जं आउयं नामं गोत्तं च एए चत्तारि कम्मसे जुगवं खवेइ  
। ८६१-७२

(११८७) तओ ओरालियतेयकम्माइं सव्वाहिं विप्पजहणाहिं विप्पजहिता उज्जुसेट्ठिपत्ते  
अफुसमामगई उइढं एगसमएणं अविग्गहेणं तत्य गंता सागरोवउत्ते सिञ्झइ बुञ्झइ मुच्चइ  
परिनिव्वाएइ सव्वदुक्खाणं मंतं करेइ । ८७१-७३

(११८८) एस खलु सम्मतपरक्कमस्स अञ्जयणास्स अट्ठे समणेणं भगवया महावीरेणं  
आयधिए पन्नविए परुविए दंसिए उवदंसिए । ८८१-७४ त्ति वेमि

● एगुत्तीसइमं अञ्जयणं सपत्तं ●

### तीसइमं अञ्जयणं—तवमगगई

- |   |            |
|---|------------|
| (११८९) जहा उ पावगं कम्पं रागदोससमअियं<br>खवेइ तवसा भिक्खू तमेगगमण्णे सुण              | ॥१०९८१॥-१  |
| (११९०) पाणवहमुसावाया अदत्तमेहुणपरिग्गहा विरओ<br>राईभोयणविरओ जीवो भवइ अणासवो           | ॥१०९९१॥-२  |
| (११९१) पंचसमिओ तिगुत्तो अकसाओ जिइंदिओ<br>अणारवो य निस्सलो जीवो होइ अणासवो             | ॥११००१॥-३  |
| (११९२) एएसिं तु विवच्चासे रागदोससमअियं<br>खवेइ उ जहा भिक्खू तमेगगमण्णे सुण            | ॥११०११॥-४  |
| (११९३) जहा महातलायस्स सत्तिरुद्धे जलागमे<br>उस्सिचणाए तवणाए कमेणं सोसणा भवे           | ॥११०२१॥-५  |
| (११९४) एवं तु संजयस्तावि पावकम्पनिरासवे<br>भवकोडीसंचियं कम्पं तवसा निज्जरिज्जइ        | ॥११०३१॥-६  |
| (११९५) सो तवो दुयिहो बुत्तो बाहिरब्भंतरो तथा<br>बाहिरो छव्विहो बुत्तो एवमब्भंतरो तवो  | ॥११०४१॥-७  |
| (११९६) अणसणमूणोयरिया भिक्खायरिया य रसपरिद्याओ<br>कायकिलेसो संलीणया य बज्झो तवो होइ    | ॥११०५१॥-८  |
| (११९७) इत्तरिय मरणकाला य अणसमा दुविहा भये<br>इत्तरिय सायकंखा निरवकंखा उ विइज्जिया     | ॥११०६१॥-९  |
| (११९८) जो सो इत्तरियतवो सो समासेणं छव्विहो<br>सेदितवो पयरतवो घणो य तह होइ वग्गो य     | ॥११०७१॥-१० |
| (११९९) तत्तो य वग्गवग्गो पंचमो छुट्ठओ पइण्णतवो<br>मणइच्छियचित्तयो नायव्वो होइ इत्तरिओ | ॥११०८१॥-११ |

- (१२००) जा सा अणसणा मरणे दुविहा सा वियाहिया  
सवियारमवियारा कायचिट्ठं पई भवे ॥११०९॥-१२
- (१२०१) अहवा सपरिकम्मा अपरिकम्माय आहिया  
नीहारिमनीहारी आहारच्छेओ दोसु वि ॥१११०॥-१३
- (१२०२) ओमोयरणं पंचहा समासणे वियाहियं  
दव्यो खेतकालेणं भावेण पञ्जवेहिं य ॥११११॥-१४
- (१२०३) जो जस्स उ आहारो तत्तो ओमं तु जो करे  
जहन्नेणेगसित्थाई एवं दव्येण ऊ भवे ॥१११२॥-१५
- (१२०४) गामे नगरे तह रायहाणिनिगमे य आगरे पल्ली  
खेडे कब्बडदोणमुहपट्टणमडंबसंबाहे ॥१११३॥-१६
- (१२०५) आसमपए विहारे सन्निवेसे समायघोसे य  
यलिसोणाखंधारे सत्ये संयट्टकोट्टे य ॥१११४॥-१७
- (१२०६) वाडेसु व रत्थासु व घरेसु वा एवमित्तियं खेतं  
कप्पइ उ एवमाई एवं खेतोण ऊ भवे ॥१११५॥-१८
- (१२०७) पेडा य अद्धपेडा गोमुत्तियपगंगवीहिया चेय  
संबुक्कावट्टायगंतुपद्दागया छट्टा ॥१११६॥-१९
- (१२०८) दिवसस्स पोरुसीणं चउण्हंपि उ जात्तिओ भवे कालो  
एवं चरमाणो खलु कालोमाणं मुणोपव्व ॥१११७॥-२०
- (१२०९) अहवा तइयाए पोरिसीए ऊणाइ घासमेसंतो  
चऊभागूणाए वा एवं कालेण ऊ भवे ॥१११८॥-२१
- (१२१०) इत्थी वा पुरिसो वा अलंकिओ वा नलंकिओ वावि  
अन्नवरदयत्थी वा अन्नदरेणं व यत्थेणं ॥१११९॥-२२
- (१२११) अत्रेण विसेसेणं वण्णेणं भावमणुमुयंतो उ  
एवं चरमाणो खलु भावमाणं मुणोयव्वं ॥११२०॥-२३
- (१२१२) दव्ये खेतो काले भायम्मि य आहिया उ जे भावा  
एएहिं ओमचरओ पञ्जवचरओ भवे भिक्खु ॥११२१॥-२४
- (१२१३) अट्टविहगोयरणं तु तहा सत्तेव एसणा  
अभिग्गहा य जे अत्रे भिक्खायरियमाहिया ॥११२२॥-२५
- (१२१४) खीरदहिसप्पिमाई पणीयं पाजभोयणं  
परिवज्जणं रसाणं तु भणियं रसविज्जणं ॥११२३॥-२६
- (१२१५) ठाणा बीरासणाईया जीवस्स उ सुहावहा  
उग्गा जहा धरिज्जंति कायकिलेसं तमाहियं ॥११२४॥-२७
- (१२१६) एगंतमणावाए इत्थीपसुदिवज्जिए  
सयणासणसेवणया विवित्तसयणासणं ॥११२५॥-२८
- (१२१७) एसो बाहिरगंतवो समासेणं वियाहिओ  
अट्ठितरं तवं एत्तो वुच्छामि अणुपुव्वसो ॥११२६॥-२९

- (१२१८) पायच्छित्तं विणओ वेयावच्चं तहेव सज्जाओ  
झाणं च विउस्सग्गो एसो अक्खित्तरो तवो 11992711-30
- (१२१९) आलोयणाऱिहाईयं पायच्छित्तं तु दसविहं  
जं भिक्खू वहरई सम्मं पायच्छित्तं तमाहियं 11992811-31
- (१२२०) अब्भुद्धानं अंजलिकरणं तहेवासणदायणं  
गुरुभत्तिभावसुस्सुस्सा विणओ एस वियाहिओ 11992911-32
- (१२२१) आयरियमाईए वेयावच्चम्मि दसविहे  
आसेवणं जहायामं वेयावच्चं तमाहियं 11993011-33
- (१२२२) दायणा पुच्छणा चेव तहेव परियट्ठणा  
अणुप्येहा धम्मकहा सज्जाओ पंचहा मवे 11993111-34
- (१२२३) अट्ठरुद्धानि वज्जिता झाएज्जा सुसमाहिए  
धम्मसुक्काइं झाणाइं झाणं तं तु पुहा वए 11993211-35
- (१२२४) सयणासणठणे वा जे उ भिक्खू न वावरे  
कायस्स विउस्सग्गो छट्ठो सो परिकित्तिओ 11993311-36
- (१२२५) एवं तं तु दुविहं जे सम्मं आयरे मुणी  
से खिप्पं सब्बसंसारा विष्णमुच्चइ पंडिओ -त्ति बेमि 11993411-37

● तीसइमं अजयपत्रं सप्तं ●

### एगतीसइमं अजयपत्रं—चरणविही

- (१२२६) चरणविहिं पवक्खाभि जीवस्स उ सुहावहं  
जं चरित्ता बहू जीया तिष्णा संसारसागरं 11993511-1
- (१२२७) एगओ विरइं कुज्जा एगओ य पवत्तणं  
असंजमे नियतिं च संजमे य पवत्तणं 11993611-2
- (१२२८) रागहोसे य दो पावे पावकम्मपवत्तणे  
जे भिक्खू रुंमई निच्चं से न अच्छइ मंडले 11993711-3
- (१२२९) इंडाणं गारवाणं च सल्लाणं च तियं तियं  
जे भिक्खू चयई निच्चं से न अच्छइ मंडले 11993811-4
- (१२३०) दिब्बे य जे उवसग्गे तहा तेरिच्छमाणुसे  
जे भिक्खू सहइ निच्चं से न अच्छइ मंडले 11993911-5
- (१२३१) विगहाकसायसत्राणं झाणाणं च दुयं तहा  
जे भिक्खू बज्जई निच्चं से न अच्छइ मंडले 11994011-6
- (१२३२) वएसु इंदियत्येसु समिइसु किरियासु य  
जे भिक्खू जयई निच्चं से न अच्छइ मंडले 11994111-7
- (१२३३) लेसासु छसु काएसु छक्के आहारकारणे  
जे भिक्खू जयई निच्चं से न अच्छइ मंडले 11994211-8
- (१२३४) पिंडीग्गहपडिमासु भयट्ठानेसु सत्तसु  
जे भिक्खू जयई निच्चं से न अच्छइ मंडले 11994311-9

(१२३५) मएसु बंभगुतीसु भिक्खुधम्मम्पि दसविहि जे भिक्खू जयई निच्चं से न अच्छइ मंडले	॥११४४॥-१०
(१२३६) उवासगणं पडिमासु भिक्खूणं पडिमासु य जे भिक्खू जयई निच्चं से न अच्छइ मंडले	॥११४५॥-११
(१२३७) किरियासु भूयगामेसु परमाहम्मिएसु य जे भिक्खू जयई निच्चं से न अच्छइ मंडले	॥११४६॥-१२
(१२३८) गाहासोलसएहिं तथा असंजम्मि य जे भिक्खू जयई निच्चं से न अच्छइ मंडले	॥११४७॥-१३
(१२३९) बंभम्मि नायज्जयणेसु ठाणेसु य समाहिए जे भिक्खू जयई निच्चं से न अच्छइ मंडले	॥११४८॥-१४
(१२४०) एगवीसाए सबले बावीसाए परीसहे जे भिक्खू जयई निच्चं से न अच्छइ मंडले	॥११४९॥-१५
(१२४१) तेवीसइ सूयगडे रुवाहिएसु सुरेसु अ जे भिक्खू जयई निच्चं से न अच्छइ मंडले	॥११५०॥-१६
(१२४२) पणवीसभावणाहिं उदेसेसु दसाइणं जे भिक्खू जयई निच्चं से न अच्छइ मंडले	॥११५१॥-१७
(१२४३) अणगारगुणेहिं च पकप्पम्मि तहेव य जे भिक्खू जयई निच्चं से न अच्छइ मंडले	॥११५२॥-१८
(१२४४) पावसुयपसंगेसु मोहठण्णेसु वेव य जे भिक्खू जयई निच्चं से न अच्छइ मंडले	॥११५३॥-१९
(१२४५) सिद्धाइगुणजोगेसु तेती सासायणासु य जे भिक्खू जयई निच्चं से न अच्छइ मंडले	॥११५४॥-२०
(१२४६) एय एसु ठाणेसु जे भिक्खू जयई सया खिप्पं सो सब्वसंसारा विप्पमुद्धइ पंडिओ -ति बेमि ॥	॥११५५॥-२१

● एगतीसइमं अञ्जयणं सभत्तं ●

### बत्तीसइमं अञ्जयणं—पमायट्टाणं

(१२४७) अद्यंतकालस्स समूलगस्स सब्वस्स दुक्खस्स उ जो पमोक्खो तं भासओ मे पडुपुण्णचित्ता सूणेह एगंतहियं हियत्थं	॥११५६॥-१
(१२४८) नाणस्स सब्वस्स पगासणाए अत्राणमोहस्स विवज्जणाए रागस्स दोसस्स य संखएणं एगंतसोक्खं समुवेइ मोक्खं	॥११५७॥-२
(१२४९) तस्सेस मग्गो गुरुविद्धसेवा विवज्जणा बालजणस्स दूरा सज्जायएगंतनिसेवणा य सुत्तत्थसंचित्तणया धिई य	॥११५८॥-३
(१२५०) आहारमिच्छे मियमेसणिज्जं सहायमिच्छे निउणत्थबुद्धिं निकेयमिच्छेज्ज विवेगजोगं समाहिकामे समणे तवस्सी	॥११५९॥-४
(१२५१) न वा लमेज्जा निउणं सहायं गुणाहियं वा गुणओ समं वा एगो वि पायाइ विवज्जयंतो विहरेअ कामेसु असज्जमाणो	॥११६०॥-५

- (१२५२) जहा य अंडप्पभववा बलागा अंडं बलागप्पभववं जहा य  
एमेव मोहाययणं खु तण्हा मोहं च तण्हाययणं वयंति 1199६911-6
- (१२५३) रागो य दोसो वि य कम्मबीयं कम्मं च मोहप्पभववं वयंति  
कम्मं च जाइमरणस्स मूलं दुक्खं च जाइमरणं वयंति 1199६२11-7
- (१२५४) दुक्खं हयं जस्स न होइ मोहो मोहो हओ जस्स न होइ तण्हा  
तण्हा हया जस्स न होइ लोहो लोहो हओ जस्स न किचप्पाइ 1199६३11-8
- (१२५५) रागं च दोसं च तरेव मोहं उद्धत्तुकामेण समूलजालं  
जे जे उवाया पडिबज्जियव्वा ते कित्तइस्सामि अहाणुपुब्बि 1199६४11-9
- (१२५६) रसा पगामं न निसेवियव्वा पायं रसा दित्तिकारा नराणं  
दित्तं च कामा समभिद्ववंति दुमं जहा साउफलं व पक्खी 1199६५11-10
- (१२५७) जहा दवणी पउरिंथणे वणे समारुओ नीवसमं उवेइ  
एविंदिपणी वि पगामपोइणो न बंभयारिस्स हियाय कस्सई 1199६६11-11
- (१२५८) विवित्तसेज्जासणजंतियाणं ओमासणाणं दमिइंदियाणं  
न रागसत्तु धरिसेइ चित्तं पराइओ वाहिरि कोसहेहिं 1199६७11-12
- (१२५९) जहा बिरालावसहस्स मूसे न मूसगाणं वसही पसत्था  
एमेव इत्थीनितयस्स मज्जे न बंभयारिस्स खमो निवासो 1199६८11-13
- (१२६०) न रूवलावण्णविलासहासं न जंपियं इंगियपेहियं वा  
इत्थीण चित्तंसि निदेसइत्ता दडुं ववस्से समणे तवस्सी 1199६९11-14
- (१२६१) अदसणं चेव अपत्थणं च अचित्तणं चेव अकित्तणं च  
इत्थीजणस्सारियज्ञाणजुप्पं हियं सया बंभयवए रयाणं 1199७०11-15
- (१२६२) कामं तु देवीहिं विभूसियाहिं न चाइया रोभइउं तिगुत्ता  
तहा वि एगंतहियं ति नच्चा विवित्तवासो मुणिणं पसत्थो 1199७१11-16
- (१२६३) मोक्खाभिकंखिस्स उ माणवस्स संसारभीरुस्स ठियस्स धम्मे  
नेयारिसं दुत्तरमत्थि लोए जहिंत्थिओ बालमणोहराओ 1199७२11-17
- (१२६४) एए य संगे समइक्कमित्ता सुहत्तरा चेव भवंति सेसा  
जहा महासागरमुत्तरित्ता नई भवे अवि गंगासमाणा 1199७३11-18
- (१२६५) कामाणुगिद्धिप्पभववं खु दुक्खं सव्वस्स लोगस्स सदेवगस्स  
जे काइयं माणसियं च किंवि तस्सं तगं गच्छइ वीयरारो 1199७४11-19
- (१२६६) जहा य किंपगफला मणोरमा रसेण वण्णेण य भुज्जमाणा  
ते खुइए जीविय पस्समाणा एओवभा कामगुणा विवाये 1199७५11-20
- (१२६७) जे इंदियाणं विसया मणुत्रा न तेसु भावं निसिरे कयाइ  
न यामणुत्रेसु मणं पि कुआ समाहिकामे समणे तयस्सी 1199७६11-21
- (१२६८) चक्खुस्स परूवं गहणं वयंति तं रागहेउं तु मणुत्रमाहुं  
तं दोसहेउं अमणुत्रमाहुं समो य जो तेसु स वीयरारो 1199७७11-22
- (१२६९) रूवस्स चक्खुं गहणं वयंति चक्खुस्स रूवं गहणं वयंति  
रागस्स हेउं समणुत्रमाहुं दोसस्स हेउं अमणुत्रमाहुं 1199७८11-23

- (१२७०) रूवेसु जो गिद्धिमुवेइ तिव्वं अकालियं पावइ से विणासं  
रागाउरे जह वा पर्यंगे आलोयलोले समुवेइ मच्चुं 11997911-24
- (१२७१) जे यावि दोसं समुवेइ तिव्वं तंसि चिक्खणे से उ उवेइ दुक्खं  
दुइंतदोसेण सएण जंतू न किंचि रूवं अवरज्झई से 11998011-25
- (१२७२) एगंतरत्ते रुईरंसि रूवे अतालिसे से कुणई पओसं  
दुक्खस्स संपीलमुवेइ बाले न लिप्पई तेण मुणी विरागो 11998111-26
- (१२७३) रुवाणुगासाणुगए य जीवे चराचरे हिंसइ णेगरुवे  
चित्तेहिं ते परितावेइ बाले पीलेइ अत्तइगुरु किलिद्धे 11998211-27
- (१२७४) रुवाणुवाएण परिग्गहेण उपायणे रक्खणसन्निओगे  
वए विओगे य कहं सुहं से सम्भोगकाले य अतित्तलामे 11998311-28
- (१२७५) रूवे अतित्ते य परिग्गहम्मि सत्तोवसत्तो न उवेइ तुद्धिं  
अतुद्धिदोसेणं दुही परस्स लोभादिले आययई अदत्तं 11998411-29
- (१२७६) तण्हाभिभूयस्स अदत्तहारिणो रूवे अतित्तस्स परिग्गहे य  
मायामुसं वड्ढइ लोभदोसा तत्यावि दुक्खा न विमुच्चई से 11998511-30
- (१२७७) मोसस्स पच्छा य पुरत्यओ य पयोगकाले य दुही दुरंते  
एवं अदत्ताणि समाययंतो रूवे अतित्तो दुहिओ अणित्तो 11998611-31
- (१२७८) रुवाणुरत्तस्स नरस्स एवं कुत्तो सुहं होअ कयाइ किंचि  
तत्थोवभोगे वि किलेसदुक्खं निव्वत्ताई जस्स कएण दुक्खं 11998711-32
- (१२७९) एमेव रूवम्मि गओपओसं उवेइ दुक्खोहपरंपराओ  
पदुइचित्तो य चिणाइ कम्मं जं से पुणो होइ दुहं विवागे 11998811-33
- (१२८०) रूवे विरतो मणुओ विसोगो एएण दुक्खोहपरंपरेण  
न लिप्पए भवमज्जे वि संतो जलेण वा पीक्खरिणी पलासं 11998911-34
- (१२८१) सोयस्स सइं गहणं वयंति तं रागहेउं तु मणुज्जमाहु  
तं दोसहेउं अमणुज्जमाहु समो य जो तेसु स वीयरागो 11999011-35
- (१२८२) सइस्स सोयं गहणं वयंति सोयस्स सइं गहणं वयंति  
रागस्स हेउं समणुज्जमाहुं दोसस्स हेउं अमणुज्जमाहु 11999111-36
- (१२८३) सद्देसु जो गिद्धिमुवेइ तिव्वं अकालियं पावइ से विणासं  
रागाउरे हरिणमिगे व मुच्छे सद्दे अतित्ते समुवेइ मच्चु 11999211-37
- (१२८४) जे यावि दोसं समुवेइ तिव्वं तंसि क्खणे से उ उवेइ दुक्खं  
दुइंतदोसेण सएण जंतू न किंचि सइं अवरज्झई से 11999311-38
- (१२८५) एगंतरत्ते रुईरंसि सद्दे अतालिसे से कुणई पओसं  
दुक्खस्स संपीलमुवेइ बाले न लिप्पई तेण मुनी विरागो 11999411-39
- (१२८६) सद्दाणुगासाणुगए य जीवे चराचरे हिंसइ णेगरुवे  
चित्तेहिं ते परितावेइ बाले पीलेइ अत्तइगुरु किलिद्धे 11999511-40
- (१२८७) सद्दाणुगासाणुगए य जीवे चराचरे हिंसइ णेगरुवे  
वए विओगे य कहं सुहं से संभोगकाले य अतित्तलामे 11999611-41

- (१२८८) सहै अतित्तै य परिग्गहम्मि सत्तोवसत्तो न उवेइ तुट्ठि  
अतुट्ठिदोसेण दुही परस्स लोभाविले आययई अदत्तं 11999711-42
- (१२८९) तण्हामिभूयस्स अदत्तहारिणो सहै अतित्तस्स परिग्गहे य  
मायामुसं वहइ लोभदोसा तत्यावि दुक्खा न विमुच्चई से 11999811-49
- (१२९०) मोसस्स पच्छा य पुरत्यओ य पओगकाले य दुही दुरंते  
एवं अदत्तामि समाययंतो सहै अतित्तो दुहीओ अणिस्सो 11999911-44
- (१२९१) सद्धानुरत्तस्स नरस्स एवं कतो सुहं होअ कयाइ किंचि  
तत्थोवभोगे वि किलेसदुक्खं निव्वत्तई जस्स कएण दुक्खं 11920011-45
- (१२९२) एमेव सद्दम्मि गओ पओसं उवेइ दुक्खोहपरंपराओ  
पदुड्ढचित्तो य चिणाइ कम्मं जं से पुणीहो इ दुहं विवागे 11920911-46
- (१२९३) सहै विरत्तो मणुओ विसोगे एएण दुक्खोहपरंपरेण  
न लिप्पए भवमज्जे वि संतो जलेण वा पोक्खरिणीपलासं 11920211-47
- (१२९४) घाणस्स गंधं गहणं वयंति तं रागहेउं तु मणुअमाहु  
तं दोसहेउं अमणुअमाहुं समो य जो तेसु स वीयरानो 11920311-48
- (१२९५) गंधस्स घाणं गहणं वयंति घाणस्स गंधं गहणं वयंति  
रागस्स हेउं सभणुअमाहुं दोसस्स हेउं अमणुअमाहु 11920411-49
- (१२९६) गंधेसु जो गिद्धिमुवेइ तिव्वं अकालियं पावइ से विणासं  
रागाउरे ओसहगंधगिद्धे सप्पे बिलाओ धिव निक्खयंतो 11920511-50
- (१२९७) जे यावि दोसं समुवेइ तिव्वं तंति वखणे से उ उवेइ दुक्खं  
दुहंतदोसेण सएण जंतू न किंचि गंधं अवरुज्झई से 11920611-51
- (१२९८) एगंतरते रूडरंसि गंधे अतालिसे से कुणई पओसं  
दुक्खस्स संपीलमुवेइ बाले न लिप्पई तेण मुणी विरागो 11920711-52
- (१२९९) गंधाणुसाणुगए य जीवे चराचरे हिंसइ ऽणेरुवे  
चित्तेहिं ते परितावेइ बाले पीलेइ अत्तडुगुरु किलिद्धे 11920811-53
- (१३००) गंधाणुवाएण परिग्गहेण उप्पायणे रक्खणसत्त्रिओगे  
वेए विओगे य क्हं सुहं से संभोगकाले य अतित्तत्ताभे 11920911-54
- (१३०१) गंधे अतित्ते य परिग्गहम्मि सत्तोवसत्तो न उवेइ तुट्ठि  
अतुट्ठिदोसेण दुही परस्स लोभाविले आययई अदत्तं 11929011-55
- (१३०२) तण्हामिभूयस्स अदत्तहारिणी गंधे अतित्तस्स परिग्गहे य  
मायामुसं वहइ लोभदोसा तत्यावि दुक्खा न विमुच्चई से 11929111-58
- (१३०३) मोसस्स पच्छा य पुरत्यओ य पओगकाले य दुही दुरंते  
एवं अदत्ताणि समाययंतो गंधे अतित्तो दुहीओ अणिस्सो 11929211-57
- (१३०४) गंधाणु रत्तस्स नरस्स एवं कतो सुहं होअ कयाइ किंचि  
तत्थोवभोगे वि किलेसदुक्खं निव्वत्तई जस्स कएण दुक्खं 11929311-58
- (१३०५) एमेव गंधंमि गओ पओसं उवेइ दुक्खोहपरंपराओ  
पदुड्ढचित्तो य चिणाइ कम्मं जं से पुणी होइ दुहं विवागे 11929411-59



- (१३०६) गंधे विरत्तो मणुओ विसोगो एएण दुक्खोहपरंपरेण  
न लिप्पई भवमज्जे वि संतो जलेण वा पोक्खरिणीपलासा ॥१२१५॥-६०
- (१३०७) जिहाए रसं गहणं वयंति तं रागहेउं तु मणुअमाहु  
तं दोसहेउं अमणुअमाहुं समो य जो तेसु स धीयरागो ॥१२१६॥-६१
- (१३०८) रसस्स जिब्बं गहणं वयंति जिब्भाए रसं गहणं वयंति  
रागस्स हेउं समणुअमाहु दोसस्स हेउं अमणुअमाहु ॥१२१७॥-६२
- (१३०९) रसेसु जो गिद्धिमुवेइ तिव्वं अकालियं पावइ से विणासं  
रागाउरे बडिसविभिन्नकाए मच्छे जह्म आभिसभोगिद्धे ॥१२१८॥-६३
- (१३१०) जे यावि दोसं समुवेइ तिव्वं तंसि न्खणे से उ उवेइ दुक्खं  
दुहंतदोसेण सएण जंतू न किंचि रसं अवरुज्झई से ॥१२१९॥-६४
- (१३११) एगंतरत्ते रुइंसि रसे अतालसे से कुणई पओसं  
दुक्खस्स संपीलमुवेइ बाले न लिप्पई तेण मुणी विरागो ॥१२२०॥-६५
- (१३१२) रसाणुगासाणुगए य जीवे चराचरे हिंसइ ऽणेगरुवे ।  
चित्तेहि ते परितावेइ बाले पीलेइ अत्तइगुरु किल्ले ॥१२२१॥-६६
- (१३१३) रसाणुवाएण परिग्गहेण उप्पायणे रक्खणसन्निओगे  
वए विओगे य कहं सुहं से संभोगकाले य अतित्तलामे ॥१२२२॥-६७
- (१३१४) रसे अत्तित्ते य परिग्गहम्मि सत्तोवसत्तो न उवेइ तुट्ठि  
अतुट्ठिदोसेण दुही परस्स लोमायिले आययई अदत्तं ॥१२२३॥-६८
- (१३१५) तण्हाभिमूयस्स अदत्तहारिणो रसे अतित्तस्स परिग्गहे य  
मायामुसं वट्ठइ लोभदोसा तत्यायि दुक्खा न विमुच्चई से ॥१२२४॥-६९
- (१३१६) मोसस्स पच्छा य पुरत्थओ य पओगकाले य दुही दुरंते  
एवं अदत्ताणि समाययंती रसे अत्तित्तो दुहिओ अणिस्सो ॥१२२५॥-७०
- (१३१७) रसाणुरत्तस्स नरस्स एवं कत्तो सुहं होअ कयाइ किंचि  
तत्थोवभोगे वि किलेसदुक्खं निव्वत्तई जस्स कएण दुक्खं ॥१२२६॥-७१
- (१३१८) एमेव रसम्मि गओ पओसं उवेइ दुक्खोहपरंपराओ  
पदुट्ठचित्तो य चिणाइ कम्मं जं से पुणो होइ दुहं विवागे ॥१२२७॥-७२
- (१३१९) रसे विरत्तो मणुओ विसोगो एएण दुक्खोहपरंपरेण  
न लिप्पई भवमज्जे वि संतो जलेण वा पोक्खरिणीपलासं ॥१२२८॥-७३
- (१३२०) कायस्स फासं गहणं वयंति तं रागहेउं तु मणुअमाहु  
तं दोसहेउं अमणुअमाहु समो य जो तेसु स धीयरागो ॥१२२९॥-७४
- (१३२१) फासस्स कायं गहणं वयंति कायस्स फासं गहणं वयंति  
रागस्स हेउं समणुअमाहु दोसस्स हेउं अमणुअमाहु ॥१२३०॥-७५
- (१३२२) फासेसु जो गेहिमुवेइ तिव्वं अकालियं पावइ से विणासं  
रागाउरे सीयजलालवसत्ते गाहग्गहीए महिसे विवत्ते ॥१२३१॥-७६
- (१३२३) जे यावि दोसं समुवेइ तिव्वं तंसि न्खणे से उ उवेइ दुक्खं  
दुहंतदोसेण सएण जंतू न किंचि फासं अवरुज्झई से ॥१२३२॥-७७

- (१३२४) एगन्तरत्ते रुईरंसि फासे अतालसे से कुणी पओसं  
दुक्खस्स संपीलमुवेइ बाले न लिप्पई तेण मुणी विरागो 11923311-78
- (१३२५) फासाणुगासाणुगए य जीवे घराचरे हिंसइ ऽणेरुवे ।  
चित्तेहि ते परितावेइ बाले पीलेइ अत्तइगुरु किलिद्धे 11923411-79
- (१३२६) फासाणुवाएण परिग्गहेण उप्पायणे रक्खणसन्निओगे  
वए विओगे य कइं सुहं से संभोगकाले य अतित्तलामे 11923511-80
- (१३२७) फासे अतित्ते य परिग्गहम्पि सत्तोवसतो न उवेइ तुद्धिं  
अतुद्धिदोसेण दुही परस्स लोभाविले आययई अदत्तं 11923611-81
- (१३२८) तण्हाभिभूयस्स अदत्तहारिणो फासे अतित्तस्स परिग्गहे य  
मायामुसं वइइ लोभदोसा तत्यावि दुक्खा न विमुच्चई से 11923711-82
- (१३२९) मोसस्स पच्छा य पुरत्तओ य पओगकाले य दुही दुरंते  
एवं अदत्तापि समाययंतो फासे अतित्तो दुहिओ अणिस्सो 11923811-83
- (१३३०) फासाणुरत्तस्स नरस्स एवं क्तो मुहं होअ कयाइ किंचि  
तत्तोवभोगेवि किलेसदुक्खं निव्वत्तई जस्स कएणं दुक्खं 11923911-84
- (१३३१) एमेव फासम्पि गओ पओसं उवेइ दुक्खोहपरंपराओ  
पदुच्चचित्तो य विणाइ कम्मं जं से पुणो होइ दुहं विवागे 11924011-85
- (१३३२) फासे विरत्तो मणुओ विसोगो एएण दुक्खोहपरंपरेण  
न लिप्पई भवमज्जे वि संतो जलेण या पोक्खरिणीपलासं 11924111-86
- (१३३३) मणस्स भावं गहणं वयंति तं रागहेउं तु मणुन्नमाहु  
तं दोसहेउं अमणुन्नमाहु समो य जो तेसु स वीयरगो 11924211-87
- (१३३४) भावस्स मणं गहणं वयंति मणस्स भावं गहणं वयंति  
रागस्स हेउं समणुन्नमाहु दोसस्स हेउं अमणुन्नमाहु 11924311-88
- (१३३५) भावेसु जो गिद्धिमुवेइ तिव्वं अकालियं पावाइ से विणासं  
रागाउरे कामगुणैसु गिद्धे करेणुमग्गावहिए यनागो 11924411-89
- (१३३६) जे यावि दोसं समुवेइ तिव्वं तंसि ब्खणे से उ उवेइ दुक्खं  
दुद्धंतदोसेण सएण जंतु न किंचि भावं अवरुज्जई सो 11924511-90
- (१३३७) एगंतरत्ते रुईरंसि भावे अतालसे से कुणई पओसं  
दुक्खस्स संपीलमुवेइ बाले न लिप्पई तेण मुणी विरागो 11924611-91
- (१३३८) भावानुगासानुगए य जीवे चराचरे हिंसइ ऽणेरुवे  
चित्तेहि ते परितावेइ बाले पीलेइ अत्तइगुरु किलिद्धे 11924711-92
- (१३३९) भावाणुवाएण परिग्गहेण उप्पायणे रक्खणसन्निओगे  
वए विओगे य कइं सुहं से संभोगकाले य अतित्तलामे 11924811-93
- (१३४०) भावे अतित्ते य परिग्गहेय सत्तोवसतो न उवेइ तुद्धिं  
अतुद्धिदोसेण दुही परस्स लोभाविले आययई अदत्तं 11924911-94
- (१३४१) तण्हाभिभूयस्स अदत्तहारिणो भावे अतित्तस्स परिग्गहे य  
मायामुसं वइइ लोभदोसा तत्यावि दुक्खा न विमुच्चई से 11925011-95

- (१३४२) मोसस्स पच्छा य पुरत्यओ य पओगकाले य दुह्मी दुरंते  
एवं अदत्ताणि सभाययंतो भावे अतित्तो दुह्मिओ अणित्त्वं ॥१२५१॥-९६
- (१३४३) भावाणुरत्तस्स नरस्स एयं कत्तो सुहं होञ्ज कयाइ किंचि  
तत्थोयभोगे वि किलेसदुक्खं निव्वत्तई जस्स कएण दुक्खं ॥१२५२॥-९७
- (१३४४) एमेव भावम्भि गओ पओसं उवेइ दुक्खोहपरंपराओ  
पदुद्धतचित्तो य चिणाइ कम्मं जं से पुणो होइ दुहं वियागे ॥१२५३॥-९८
- (१३४५) भावे विरत्तो मणुओ विसोगो एएण दुक्खोहपरंपरेण  
न लिप्पई भवमज्जे वि संतो जलेण या पोक्खरिणीपलासं ॥१२५४॥-९९
- (१३४६) एविदियत्था य मणस्स अत्था दुक्खस्स हेउं मणुयस्स रागिणो  
ते चेव थोवं पि कयाइ दुक्खं न वीयरारास्स करेति किंचि ॥१२५५॥-१००
- (१३४७) न कामभोगा समयं उवेति न यावि भोगा विगई उवेति  
जे तप्पओसी य परिग्गही य सो तेसु मोहा विगई उवेइ ॥१२५६॥-१०१
- (१३४८) कोहं च माणं च तहेव भायं लोहं दुग्गच्छं अरइं रइं च  
हासं भयं सोगपुमित्थिवेयं नपुंसवेयं विविहे य भावे ॥१२५७॥-१०२
- (१३४९) आवउई एवमणेरुवे एदंविहे कामगुणेसु सत्तो ।  
अत्रे य एयप्पभवे विसेसे कारुण्णदीणे हिरिभे वइस्से ॥१२५८॥-१०३
- (१३५०) कम्मं न इच्छिञ्ज सहायलित्थू पच्छाणुतावे न तव्वप्पभावं  
एवं वियारे अभियप्पायारे आवउई इंदियचोरवत्से ॥१२५९॥-१०४
- (१३५१) तओ से जायंति पओयणाई निमिज्जउं मोहमहण्णवमि  
सुहेसिणो दुक्खविणोयमाद्दा तप्पच्चयं उज्जमए य रागी ॥१२६०॥-१०५
- (१३५२) विरज्जमाणस्स य इंदियत्था सहाइया तावइयप्पगारा  
न तस्स सव्वे वि मणुअयं वा निव्वतयंती अमणुअयं वा ॥१२६१॥-१०६
- (१३५३) एयं स संकप्पविकप्पणासु संजायई समयमुवड्ढियस्स  
अत्थे असंकप्पयओ तओ से पहीयए कामगुणेसु तण्हा ॥१२६२॥-१०७
- (१३५४) स वीयरारो कयसव्वकिञ्चो खवेइ नाणावरणं खणेणं  
तहेव जं दंसणमावरेइ जं धंतरायं पकरेइ कम्मं ॥१२६३॥-१०८
- (१३५५) सव्वं तओ जाणइ पासए य अमोहणे होइ निरंतराए  
अणासवे ज्ञाणसमाहिजुत्ते आउक्खए मोक्खमुवेइ सुद्धे ॥१२६४॥-१०९
- (१३५६) सो तस्स सव्वस्स दुहस्स मुक्को जं बाहई सययं जंतुमेयं  
दीहामय विष्णुमुक्को पसत्थो तो होइ अच्चंतसुही कयत्थी ॥१२६५॥-११०
- (१३५६) अणाइकालप्पभवस्स एसो सव्वस्स दुक्खस्स पमोक्खमणो  
वियाहिओ जं समुविच्च सत्ता कमेण अच्चंतसुही भवंति ॥१२६६॥-१११  
-त्ति वेमि ॥

● कत्तीसइमं अञ्जयणं सव्वत्तं ●

**तेतीसइमं अञ्जयणं—कम्मपयडी**

- (१३५८) अट्ठं कम्माहं वोच्छामि आणुपुत्थिं जहाकमं  
जेहिं बद्धो अयं जीवो संसारे परिवहई ॥१२६७॥-१

- (१३५९) नाणस्तावरणिञ्जं दंसणावरणं तथा  
देयणिञ्जं तथा मोहं आउकम्मं तहेव य 11926211-2
- (१३६०) नामकम्मं च गोयं च अंतरायं तहेव य  
एवमेयाइ कम्माइ अट्टेव उ समासओ 11926911-3
- (१३६१) नाणावरणं पंचविहं सुयं आभिणिबोहियं  
ओहिनाणं च तइयं मणनाणं च केवलं 11927011-4
- (१३६२) निदा तहेव पयला निदानिदा पयलपयला य  
तत्तो य धीणगिद्धी उ पंचमा होइ नायव्वा 11927911-5
- (१३६३) धक्खुमद्धक्खुओहिस्स दंसणे केवले य आवरणे  
एयं तु नवविगणं नायव्वं दंसणावरणं 11927211-6
- (१३६४) वेयणियंपि य दुविहं सायमसायं च आहियं  
सायस्स उ बहू भेया एमेव असायस्स वि 11927311-7
- (१३६५) मोहणिञ्जंपि दुविहं दंसणे चरणे तथा  
दंसणे तिविहं वुत्तं चरणे दुविहं भवे 11927411-8
- (१३६६) सम्मत्तं चेव मिच्छत्तं सम्मामिच्छत्तमेव य  
एयाओ तिन्नि पयडीओ मोहणिञ्जस्स दंसणे 11927511-9
- (१३६७) चरित्तमोहणं कम्मं दुविहं तं वियाहियं  
कसायमोहणिञ्जं तुं नोकसायं तहेव य 11927611-10
- (१३६८) सोलसविहभेएणं कम्मं तु कसायजं  
सत्तविहं नवविहं वा कम्मं च नोकसायजं 11927711-11
- (१३६९) नेरइयतिरिक्खाउ मणुस्साउ तहेव य  
देवाउयं चउत्तं तु आउ कम्मं चउव्विहं 11927811-12
- (१३७०) नामं कम्मं तु दिविहं सुहमसुहं च आहियं  
सुहस्स उ बहू भेया एमेव असुहस्स वि 11927911-13
- (१३७१) गोयं कम्मं दुविहं उच्चं नियं च आहियं  
उच्चं अट्टविहं होइ एवं नीयं पि आहियं 11928011-14
- (१३७२) दाने लाभे य भोगे य उवभोगे वीरिए तथा  
पंचविहमंतरायं समासेण वियाहियं 11928111-15
- (१३७३) एयाओ मूलपयडीओ उत्तराओ य आहिया  
पएसगं खेतकाले य भावं चादुत्तरं सुण 11928211-16
- (१३७४) सव्वेसिं चेव कम्माणं पएसगमनंतगं  
गठियसत्ताइयं अंतो सिद्धाण आहियं 11928311-17
- (१३७५) सव्वजीवाण कम्मं तु संगहे छदिसागायं  
खव्वेसु वि पेसेसु सव्वं सव्वेण बद्धं 11928411-18
- (१३७६) उदहीसरिसनामाण तीसई कोडिकोडीओ  
उक्कोसिया ठिई होइ अंतोमुहुत्तं जहत्रिया 11928511-19

- (१३७७) आवरणिञ्जाण दुण्हंपि वेयणिअे तहेव य  
अंतराए य कम्ममि ठिई एसा वियाहिया ॥१२८६॥-२०
- (१३७८) उदहीसरिसनामाणं सत्तरिं कोडिकोडीओ  
मोहणिअस्स उक्कोसा अंतोमुहुत्तं जहन्निया ॥१२८७॥-२१
- (१३७९) तेत्तीस सागरोवमा उक्कोसेण वियाहिया  
ठिइ उ आउम्मस्स अंतोमुहुत्तं जहन्निया ॥१२८८॥-२२
- (१३८०) उदहीसरिसनामाणं वीसई कोडिकोडीओ  
नामगोत्ताणं उक्कोसा अंतो मुहुत्तं जहन्निया ॥१२८९॥-२३
- (१३८१) सिद्धाणनंतभागो य अणुभागा इवन्ति उ  
सव्वेसु वि पएसगं सव्वजीवे अइच्छियं ॥१२९०॥-२४
- (१३८२) तम्हा एएसिं कम्माणं अणुभागा वियाणिया  
एएसिं संवरे चेव खवणे य जाए वुहो-त्ति वेमि ॥ ॥१२९१॥-२६

● तेत्तीसइमं अज्झयणं समसं ●

**चउत्तीसइमं अज्झयणं—लेसज्झयणं**

- (१३८३) लेसज्झयणं पवक्खामि आणुपुब्बि जहक्कमं  
छण्हंपि कम्मलेसाणं अणुभावे सुणेह मे ॥१२९२॥-१
- (१३८४) नामाइं वण्णरसगंधफासपरिमाणलक्खणं  
ठाणं ठिई गइं चाउं लेसाणं तु सुणेह मे ॥१२९३॥-२
- (१३८५) किण्हा नीला य काऊ य तेऊ पन्हा तहेव य  
सुककलेसा य छट्ठा य नामाइं तु जहक्कमं ॥१२९४॥-३
- (१३८६) जीभूयनिद्धसंकासा गवलरिड्ढगसन्निभा  
खंजणंजणनयणनिभा किण्हलेसा उ वण्णओ ॥१२९५॥-४
- (१३८७) नीलासोगसंकासा घासपिच्छसमप्पभा  
वेरुलियनिद्धसंकासा निललेसा उ वण्णओ ॥१२९६॥-५
- (१३८८) अयसीपुप्फसंकासा कोइलच्छदसन्निभा  
पारेवयगीवनिभा काऊलेसा उ वण्णओ ॥१२९७॥-६
- (१३८९) हिं गुलयघाउसंकासा तरुणाइच्चसन्निभा  
सुयतुण्डपईवनिभा तेऊलेसा उ वण्णओ ॥१२९८॥-७
- (१३९०) हरियालभेयसंकासा हलिदाभेयसंनिभा  
सणासणकुसुमनिभा पम्हलेसा उ वण्णओ ॥१२९९॥-८
- (१३९१) संखंककुंदसंकासा खीरपूरसमप्पभा  
रययहारसंकासा सुककलेसा उ वण्णओ ॥१३००॥-९
- (१३९२) जह कडुयतुंबगरसो निंबरसो कडुयोहिणिरसो वा  
एत्तो वि अनंतगुणो रसो य किण्हाए नायव्वो ॥१३०१॥-१०
- (१३९३) जह तिगडुयस्स य रसो तिक्खो जह हत्थिपिप्पिलीए वा  
एत्तो वि अनंतगुणो रसो उ नीलाए नायव्वो ॥१३०२॥-११

- (१३१४) जह तरुणअंबगरसो तुवरकविद्धस्स वावि जारिसओ  
एतो वि अनंतगुणो रसो उ काऊए नायव्वो 11930311-12
- (१३१५) जह परिणयंबगरसो पक्कक्कविद्धस्स वावि जारिसओ  
एतो वि अनंतगुणो रसो उ तेऊए नायव्वो 11930411-13
- (१३१६) वरवारुणीए व रसो विविहाण व आसवाण जारिसओ  
महुमेरगस्स व रसो एतो पम्हाए परएणं 11930511-14
- (१३१७) खञ्जरमुद्दियरसो खीररसो खंडसक्कररसो वा  
एतो वि अनंतगुणो रसो उ सुक्काए नायव्वो 11930611-15
- (१३१८) जह गोमडस्स गंधो सुणगमडगस्स व जहा अहिमडस्स  
एतो वि अनंतगुणो लेसाणं अप्पसत्थाणं 11930711-16
- (१३१९) जह सुरहिकुसुमगंधो गंधवासाण पिस्समाणाणं  
एतो वि अनंतगुणो पसत्थलेसाण तिण्हं पि 11930811-17
- (१४००) जह कारगयस्स फासो गोजिष्भाए य सागपत्ताणं  
एतो वि अनंतगुणो लेसाणं अप्पसत्थाणं 11930911-18
- (१४०१) जह बूरस्स व फासो नवणीयस्स व सिरीसकुसुमाणं  
एतो वि अणनंतगुणो पसत्थलेसाण तिण्हं पि 11931011-19
- (१४०२) तिविहो व नवविहो वा सत्तावीसइविहेक्कसीओ वा  
दुसओ तेयालो वा लेसाणं होइ परिणामो 11931111-20
- (१४०३) पंचासवप्पयतो तीहिं अगुत्तो छसुं अथिरओ व  
तित्वारंमपरिणओ खुहो साहसिओ नरो 11931211-21
- (१४०४) निद्धंघसपपरिणामो निस्संतो अजिइंदिओ  
एयजोगसमाउत्तो किण्हलेसं तु परिणमे 11931311-22
- (१४०५) इस्सा अमरिस अतवो अविज्जभाया अहीरिया  
गेही पओसे य सढे पमत्ते रसलोलुए सायगवेसए य 11931411-23
- (१४०६) आरंभाओ अदिरओ खुहो साहस्सिओ नरो  
एयजोगसमाउत्तो नीललेसं तु परिणमे 11931511-24
- (१४०७) बंके बंकसमायारे नियडिसे अणुज्जुए  
पलिउंचगओवहि मिच्छदिट्ठी अणारिए 11931611-25
- (१४०८) उप्फालगदुद्धवाई य तेणे यावि य मच्छरी  
एयजोगसमाउत्तो काऊलेसं तु परिणमे 11931711-26
- (१४०९) नीयाविती अचवले अमाई अकुऊहले  
विणीयविणए दंते जोगवं उवहाणवं 11931811-27
- (१४१०) पियघम्मे दढधम्मोऽवज्जमीरु हिएसए  
एयजोगसमाउत्तो तेऊलेसं तु परिणमे 11931911-28
- (१४११) पवणुकोहमाणे य मायालोमे य पयंगुए  
पसंतचित्ते दंतप्पा जोगवं उवहाणवं 11932011-29

- (१४१२) तद्वा पयणुवाइ य उवसंते जिइंदिए  
एयजोगसमाउत्तो पम्हलेसं तु परिणमे 119 32 9 11-30
- (१४१३) अट्टरुद्दाणि वज्रिता धम्मसुक्काणि झायए  
पसंतवित्ते दंतप्पा समिए गुत्ते य गुत्तिसु 119 32 2 11-31
- (१४१४) सरागे वीयरारे वा उवसते जिइंदिए  
एयजोगसमाउत्तो सुक्कलेसं तु परिणमे 119 32 3 11-32
- (१४१५) असंखिजाणोसप्पिणीण उस्सप्पिणीण जे समय  
संखाइया लोगा लेसाण इवति ठाणाइं 119 32 4 11-33
- (१४१६) मुहुत्तद्धं तु जहन्ना तेत्तीसा सागरा मुहुत्तहिया  
उक्कोसा होइ ठिई नायव्वा किणहलेसाए 119 32 5 11-34
- (१४१७) मुहुत्तद्धं तु जहन्ना दस उदही पलियमसंखभागमम्महिया  
उक्कोसा होइ ठिई नायव्वा नीललेसाए 119 32 6 11-35
- (१४१८) मुहुत्तद्धं तु जहन्ना तिण्णुदही पलियमसंखभागमम्महिया  
उक्कोसा होइ ठिई नायव्वा काउलेसाए 119 32 7 11-36
- (१४१९) मुहुत्तद्धं तु जहन्ना दोण्णुदही पलियमसंखभागमम्महिया  
उक्कोसा होइ ठिई नायव्वा तेउलेसाए 119 32 8 11-37
- (१४२०) मुहुत्तद्धं तु जहन्ना दस ह्योति य सागरा मुहुत्तहिया  
उक्कोसा होइ ठिई नायव्वा पम्हलेसाए 119 32 9 11-38
- (१४२१) मुहुत्तद्धं तु जहन्ना तेत्तीसं सागरा मुहुत्तहिया  
उक्कोसा होइ ठिई नायव्वा सुक्कलेसाए 119 33 0 11-39
- (१४२२) एसा छलु लेसाणं ओहेण ठिई उ वण्णिया होइ  
चउसु वि गईसु एत्तो लेसाण ठिइं तु वोच्छामि 119 33 1 11-40
- (१४२३) दस वाससहस्साइं काउए ठिई जहन्निया होइ  
तिण्णुदही पलिओवमं असंखभागं च उक्कोसा 119 33 2 11-41
- (१४२४) तिण्णुदही पलिओवम असंखभागो जहन्नेण नीलठिई  
दसउदही पलिओवम असंखभागं च उक्कोसा 119 33 3 11-42
- (१४२५) दसउदही पलिओवम असंखभागं जहन्निया होइ  
तेत्तीससागराइं उक्कोसा होइ किण्णए 119 33 4 11-43
- (१४२६) एसा नेरइयाणं लेसाणं ठिई उ वण्णिया होइ  
तेण परं वोच्छामि तिरियमणुस्साण देवाणं 119 33 5 11-44
- (१४२७) अंतोमुहुत्तमद्धं लेसाणं ठिई जहिं जहिं जाउ  
तिरियाण नराणं वा वज्रिता केवलं लेसं 119 33 6 11-45
- (१४२८) मुहुत्तद्धं तु जहन्ना उक्कोसा होइ पुव्वकोडीओ  
नवहि वरिसेहि ऊण्ण नायव्वा सुक्कलेसाए 119 33 7 11-46
- (१४२९) एसा तिरियनराणं लेसाणं ठिई उ वण्णिया होइ  
तेण परं वोच्छामि लेसाणं ठिई उ देवाणं 119 33 8 11-47

- (१४३०) दस वाससहस्साई किण्हाए ठिई जहत्रिया होइ  
पलियमसंखेजइओ उक्कोसो होइ किण्हाए 119३३९॥-48
- (१४३१) जा किण्हाए ठिई खलु उक्कोसा सा उ समयमब्भहिया  
जहत्रेणं नीलाए पलियमसंखं च उक्कोसा 119३४०॥-49
- (१४३२) जा नीलाए ठिई खलु उक्कोसा सा उ समयमभहिया  
जहत्रेणं काऊए पलियमसंखं च उक्कोसा 119३४१॥-50
- (१४३३) तेण परं बोच्छामि तेऊलेसा जहा सुरगणाणं  
भवणवइवाणमंतर जोइसवेमाणियाणं च 119३४२॥-51
- (१४३४) पलिओवमं जहत्रं उक्कोसा सागरा उ दुत्रहिआ  
पलियमसंखेजेणं होइ भागेण तेऊए 119३४३॥-52
- (१४३५) दसवाससहस्साई तेऊए ठिई जहत्रिया होइ  
दुमुदही पलिओवम असंखभागं च उक्कोसा 119३४४॥-53
- (१४३६) जा तेऊए ठिई खलु उक्कोसा सा उ समयमब्भहिया  
जहत्रेणं पम्हाए दस उ मुहुत्ताहियाई उक्कोसा 119३४५॥-54
- (१४३७) जा पम्हाए ठिई खलु उक्कोसा सा उ समयमब्भहिया  
जहत्रेणं सुक्काए तेत्तीस मुहुत्तमब्भहिया 119३४६॥-55
- (१४३८) किण्हा नीला काऊ तिन्नि वि एयाओ अहम्मलेसाओ  
एयाहि तिहिवि जीवो दुग्गइं उववज्जई बहुसो 119३४७॥-56
- (१४३९) तेऊ पम्हा सुक्का तिन्निवि एयाओ धम्मलेसाओ  
एयाहि तिहिवि जीवो सुग्गइं उववज्जई 119३४८॥-57
- (१४४०) लेसाहिं सव्वाहिं पढमे समयम्मि परिणयाहिं तु  
न हु कस्सइ उववाओ परे भवे अत्थि जीवस्स 119३४९॥-58
- (१४४१) लेसाहिं सव्वाहिं धरमे समयम्मि परिणयाहिं तु  
न वि कस्सइ उववाओ परे भवे होइ जीवस्स 119३५०॥-59
- (१४४२) अंतमुहुत्तम्मि गए अंतमुहुत्तम्मि सेसए चेव  
लेसाहि परिणयाहिं जीवा गच्छति परलोयं 119३५१॥-60
- (१४४३) तम्हा एयासि लेसाणं आणुभावे वियाणिया  
अप्पसत्याओ वज्जिता पसत्याओऽहिद्धिए मुणि -त्ति वेमि ॥ 119३५२॥-61

● चउतीसइमं अज्जवणं समत्तं ●

### पणतीसइमं अज्जयणं—अणगारमग्गइ

- (१४४४) सुणेह मे एगग्गमणा मग्गं बुद्धेहि देसियं ।  
जमायरंतो भिक्खु दुक्खाणंतकरे भवे 119३५३॥-1
- (१४४५) गिहवासं परिच्छज्ज पदज्जंअस्सिओ मुणी  
इमे संगे वियाणिज्जा जेहिं सज्जति माणवा 119३५४॥-2
- (१४४६) तहेव हिंसं अलियं चोअं अबंभसेयणं  
इच्छाकामं च लोमं च संजाओ परिवज्जाए 119३५५॥-3



- (१४४७) मणोहरं चित्तधरं मल्लध्वेण वासियं  
सकवाडं पंडुरुद्धोयं मणसावि न पत्यए ॥१३५६॥-४
- (१४४८) इंदियाणि उ भिक्खुस्स तारिसम्मि उवस्सए  
दुक्कराडं निवारेउं कामरागवियट्ठेणे ॥१३५७॥-५
- (१४४९) सुसाणे सुन्नगारे वा रुक्खमूले व एककओ  
पडिरिक्के परकडे वा वासं तथाभियोए ॥१३५८॥-६
- (१४५०) फासुयम्मि अणावाहे इत्थीहिं अणाभिहुए  
तथ संकप्पए वासं भिक्खू परमसंजए ॥१३५९॥-७
- (१४५१) न सर्यं गिहाइं कुब्बिआ नेव अत्रेहिं कारए  
गिहकम्मसमारंभे भूयाणं दिस्सए वड्ढो ॥१३६०॥-८
- (१४५२) तसाणं धावराणं च सुहुमाणं बादराण म  
तम्हा गिहसमारंभं संजओ परिवज्जए ॥१३६१॥-९
- (१४५३) तहेव भत्तपाणेसु पयणे पयावणेसु य  
पाणभूयदयद्वाए न पये न पयावए ॥१३६२॥-१०
- (१४५४) जलधन्ननिस्सिया जीवा पुढवीकट्टनिस्सिया  
हम्मति भत्तपाणेसु तम्हा भिक्खू न पयावए ॥१३६३॥-११
- (१४५५) विसप्पे सव्वओधारे बहुपाणिविण्णसणे  
नत्थि जोइसमे सत्थे तम्हा जोइं न दीवए ॥१३६४॥-१२
- (१४५६) हिरण्णं जायरुवं च मणसा वि न पत्यए  
समलेट्टकंचणे भिक्खू विरए कयविककए ॥१३६५॥-१३
- (१४५७) किणंतो कइओ होइ विक्किणंतो य थाणिओ  
कयविककयम्मि वट्टंतो भिक्खू न भवइ तारिसो ॥१३६६॥-१४
- (१४५८) भिक्खियव्वं न केयव्वं भिक्खुणा भिक्खुवत्तिणा  
कयविककओ महादोसो भिक्खवत्ती सुहावहा ॥१३६७॥-१५
- (१४५९) समुयाणं उंछमेसिआ जहासुत्तमणिंदियं  
लाभालाभम्मि संतुट्ठे पिण्डवाय चरे मुणी ॥१३६८॥-१६
- (१४६०) अलोलं न रसे गिद्धे जिब्बादंते अमुच्छिए  
न रसद्वाए भुंजिआ जवणद्वाए महामुणी ॥१३६९॥-१७
- (१४६१) अन्नणं रयणं चैव वंदणं पूरणं तथा  
इट्ठीसक्कारसम्भाणं मणसा वि न पत्यए ॥१३७०॥-१८
- (१४६२) सुक्कञ्जाणं झियाएआ अणियाणे अकिंघणे  
योसट्टकाए विहरेआ जाव कालस्स पज्जओ ॥१३७१॥-१९
- (१४६३) निज्जहिऊणं आहारं कालधम्मे उवट्ठिए  
जहिऊण माणुसं बोदि पणू दुक्खा विमुच्चई ॥१३७२॥-२०
- (१४६४) निम्मो निरहंकारे वीयरगो अणासयो  
संपत्तो केवलं नाणं सासयं परिणिव्वुए -त्ति बेमि ॥ ॥१३७३॥-२१

● पणतीसहस्रं अक्षयपं तमत्तं ●

### उत्तीसइमं अञ्जयणं—जीवाजीवविभत्ती

- (१४६५) जीवाजीवविभत्तिं सुणेह मे एगमणा इओ  
जं जाणिऊण थिक्खू सम्मं जयइ संजमे 119 ३७४॥-1
- (१४६६) जीवा चेव अजीवा य एस लोए वियाहिए  
अजीवदेसमागासे अलोगे से वियाहिए 119 ३७५॥-2
- (१४६७) दव्वओ खेतओ चेव कालओ मायओ तथा  
परुवणा तेसिं भवे जीवाणमजीवाण य 119 ३७६॥-3
- (१४६८) रुविणो चेवरुदी य अजीवा दुविहा भवे  
अरुवी दसहा युत्ता रुविणो य चउव्विहा 119 ३७७॥-4
- (१४६९) धम्मत्थिकाए तहेसे तप्पएसे य आहिए  
अहम्मे तस्स देसे य तप्पएसे य आहिए 119 ३७८॥-5
- (१४७०) आगासे तस्स देसे य तप्पएसे य आहिए  
अद्धासमए चेव अरुवी दसहा भवे 119 ३७९॥-6
- (१४७१) धम्माघम्मे य दो वेए लोमग्गित्ता वियाहिया  
लोगालोगे य आगासे समए समयखेत्तिए 119 ३८०॥-7
- (१४७२) धम्माघम्मागासा तित्रिवि एए अणाइया  
अपज्जवसिया चेव सब्बद्धं तु वियाहिया 119 ३८१॥-8
- (१४७३) समएवि संतइ पप्प एवमेव वियाहिए  
आएसं पप्प साईए सपज्जवसिएवि य 119 ३८२॥-9
- (१४७४) खंधा य खंधदेसा य तप्पएसा तहेव य  
परमाणुणो य बोधव्वा रुविणी य चउव्विहा 119 ३८३॥-10
- (१४७५) एगत्तेण पुहत्तेण खंधा य परमाणुय  
लोए गदेसे लोए य भइयव्वा ते उ खेतओ 119 ३८४॥-11
- (१४७६) संतइ पप्प तेऽण्णाई अपज्जवसियावि य  
ठिई पडुच्च साईया सपज्जवसिया वि य 119 ३८५॥-12
- (१४७७) असंखकालमुक्कोसं एक्को समओ जहन्नयं  
अजीवाण य रुवीणं ठिई एसा वियाहिया 119 ३८६॥-13
- (१४७८) अणनंतकालमुक्कोसं एक्कं समयं जहन्नयं  
अजीवाण य रुवीणं अंतरेयं वियाहियं 119 ३८७॥-14
- (१४७९) वण्णओ गंधओ चेव रसओ फासओ तथा  
संठाणओ य विन्नेओ परिणामो तेसि पंचहा 119 ३८८॥-15
- (१४८०) वण्णओ परिणया जे उ पंचहा ते पकित्तिया  
किण्हा नीला य लोहिया हल्लिद्धा सुक्किला तथा 119 ३८९॥-16
- (१४८१) गंधओ परिणया जे उ दुविहा ते वियाहिया  
सुब्धिगंधपरिणामा दुब्धिगंधा तहेव य 119 ३९०॥-17

(१४८२) रसओ परिणया जे उ पंचहा ते पकितिया तित्तकडुयकसाया अंबिला महुआ तहा	॥१३९१॥-18
(१४८३) फासओ परिणया जे उ अडुहा ते पकितिया कक्खडा मउया चैव गरुया लहुया तहा	॥१३९२॥-19
(१४८४) सीया उण्हा य निद्धा य तहा लुक्या य आठिया इय फासपरिणया एए पुगला समुदाहिया	॥१३९३॥-20
(१४८५) संठाण परिणया जे उ पंचहा ते पकितिया परिमंडला य वड्या य तंसा घउरंसभायया	॥१३९४॥-21
(१४८६) वण्णओ जे भवे किण्ठे मइए से उ गंधओ रसओ फासओ चैव मइए संठाणओवि य	॥१३९५॥-22
(१४८७) वण्णओ जे भवे नीले मइए से उ गंधओ रसओ फासओ चैव मइए संठाणओवि य	॥१३९६॥-23
(१४८८) वण्णओ लोहिए जे उ मइए से उ गंधओ रसओ फासओ चैव मइए संठाणओवि य	॥१३९७॥-24
(१४८९) वण्णओ पीयए जे उ मइए से उ गंधओ रसओ फासओ चैव मइए संठाणओवि य	॥१३९८॥-25
(१४९०) वण्णओ सुक्किले जे उ मइए से उ गंधओ रसओ फासओ चैव मइए संठाणओवि य	॥१३९९॥-26
(१४९१) गंधओ जे भवे सुक्की मइए से उ वण्णओ रसओ फासओ चैव मइए संठाणओवि य	॥१४००॥-27
(१४९२) गंधओ जे भवे दुक्की मइए से उ वण्णओ रसओ फासओ चैव मइए संठाणओवि य	॥१४०१॥-28
(१४९३) रसओ तित्तए जे उ मइए से उ वण्णओ गंधओ फासओ चैव मइए संठाणओवि य	॥१४०२॥-29
(१४९४) रसओ कडुए जे उ मइए से उ वण्णओ गंधओ फासओ चैव मइए संठाणओवि य	॥१४०३॥-30
(१४९५) रसओ कसाए जे उ मइए से उ वण्णओ गंधओ फासओ चैव मइए संठाणओवि य	॥१४०४॥-31
(१४९६) रसओ अंबिले जे उ मइए से उ वण्णओ गंधओ फासओ चैव मइए संठाणओवि य	॥१४०५॥-32
(१४९७) रसओ महुआ जे उ मइए से उ वण्णओ गंधओ फासओ चैव मइए संठाणओवि य	॥१४०६॥-33
(१४९८) फासओ कक्खडे जे उ मइए से उ वण्णओ गंधओ रसओ चैव मइए संठाणओवि य	॥१४०७॥-34
(१४९९) फासओ मउए जे उ मइए से उ वण्णओ गंधओ रसओ चैव मइए संठाणओवि य	॥१४०८॥-35

- (१५००) फासओ गुरुए जे उ भइए से उ वण्णओ  
गंधओ रसओ चैव भइए संठाणओवि य 11940911-36
- (१५०१) फासओ लहुए जे उ भइए से उ वण्णओ  
गंधओ रसओ चैव भइए संठाणओवि य 11941011-37
- (१५०२) फासओ सीयए जे उ भइए से उ वण्णओ  
गंधओ रसओ चैव भइए संठाणओवि य 11941111-38
- (१५०३) फासओ उण्हए जे उ भइए से उ वण्णओ  
गंधओ रसओ चैव भइए संठाणओवि य 11941211-39
- (१५०४) फासओ निद्धए जे उ भइए से उ वण्णओ  
गंधओ रसओ चैव भइए संठाणओवि य 11941311-40
- (१५०५) फासओ लुक्खए चैव भइए से उ वण्णओ  
गंधओ रसओ चैव भइए संठाणओवि य 11941411-41
- (१५०६) परिमंडलसंठाणे भइए से उ वण्णओ  
गंधओ रसओ चैव भइए से फासओवि य 11941511-42
- (१५०७) संठाणओ भवे वट्टे भइए से उ वण्णओ  
गंधओ रसओ चैव भइए से फासओवि य 11941611-43
- (१५०८) संठाणओ भवे तंसे भइए से उ वण्णओ  
गंधओ रसओ चैव भइए से फासओवि य 11941711-44
- (१५०९) संठाणओ जे चउरंसे भइए से उ वण्णओ  
गंधओ रसओ चैव भइए से फासओवि य 11941811-45
- (१५१०) जे आययसंठाणे भइए से उ वण्णओ  
गंधओ रसओ चैव भइए से फासओवि य 11941911-46
- (१५११) एसा अजीवविभत्ती समासेण वियाहिया  
इत्तो जीवविभत्ति वुच्छामि अणुपुब्बसो 11942011-47
- (१५१२) संसारत्था य सिद्धा य दुविहा जीवा वियाहिया  
सिद्धा णेगविहा बुत्ता तं मे कित्तयओ सुण 11942111-48
- (१५१३) इत्थी पुरिससिद्धा य तहेव य नपुंसगा  
सल्लिगे अन्नल्लिगे य गिहिल्लिगे तहेव य 11942211-49
- (१५१४) उक्कोसोगाहणाए य जहन्नमञ्जिमाइ य  
उड्डंअहे य तिरियं च समुद्धम्मि उलम्मि य 11942311-50
- (१५१५) दस चैव नपुंसएसु वीसं इत्थियासु य  
पुरिसेसु य अट्टसयं समएणेगेण सिज्झई 11942411-51
- (१५१६) चत्तारि य गिहिल्लिगे अन्नल्लिगे दसेव य  
सल्लिगेण अट्टसयं समएणेगेण सिज्झई 11942511-52
- (१५१७) उक्कोसोगाहणाए य सिज्झंते जुगवं दुवे  
चत्तारि जहन्नाए मज्जे अट्टतरं सयं 11942611-53

- (१५१८) चउरूढलोए य दुवे समुदे तजो जले वीसमहे तहेव य  
सयं च अद्वुतरं तिरियलोए समएणेगेण सिग्गई धुवं 11942711-54
- (१५१९) कहिं पडिहया सिद्धा कहिं सिद्धा पइहिया  
कहिं बांदि चइत्ताणं कत्य गंतूण सिग्गई 11942811-55
- (१५२०) अलोए पडिहया सिद्धा लोयणे य पइहिया  
इहं बांदि चइत्ताणं तत्य गंतूण सिग्गई 11942911-56
- (१५२१) वारसहिं जोयणेहिं सब्बइस्सुवरिं भवे  
ईसिपब्भारनामा उ पुढवी छत्तसंठिया 11943011-57
- (१५२२) पणयालसयसहस्सा जोयणाणं तु आयया  
तावइयं चैव वित्थिण्णा तिग्गुणो तस्सेव परिअओ 11943111-58
- (१५२३) अद्वुजोयणबाहुला सा मज्झमि वियाहिया  
परिहायंती चरिमंते मच्छिपत्ताउ तणुयरी 11943211-59
- (१५२४) अज्जुणसुवण्णगमई सा पुढवी निम्मला सहावेण  
उत्ताणगच्छत्तगसंठिया य भणिया जिणवरेहिं 11943311-60
- (१५२५) संखंककुंदसंकासा पंडुरा निम्मला सुहा  
सीयाए जोयणे ततो लोयंतो उ वियाहिओ 11943411-61
- (१५२६) जोयणस्स उ जो तत्य कोसो उवरिमो भवे  
तस्स कोसस्स छब्बाए सिद्धाणोगाहणा भवे 11943511-62
- (१५२७) तत्य सिद्धा महामागा लोगगम्पि पइहिया  
भवपपंचओ मुक्का सिद्धि वरगई गया 11943611-63
- (१५२८) उस्सेहो जेसि जो होइ मयम्पि चरिमम्पि उ  
तिभागहीणो ततो य सिद्धाणोगाहणा भवे 11943711-64
- (१५२९) एगतेण साईया अपज्जवसियावि य  
पुहतेण अणाइया अपज्जवसियावि य 11943811-65
- (१५३०) अरुविणो जीवघणा नाणदंसणसन्निया  
अउलं सुहं संपभ्रा उवमा जस्स नत्थि उ 11943911-66
- (१५३१) लोगेगदेसे ते सब्बे नाणदंसणसन्निया  
संसारपारनित्थिण्णा सिद्धि वरगई गया 11944011-67
- (१५३२) संसारत्या उ जे जीवा दुविहा ते वियाहिया  
तसा य थावरा चैव थावरा तिविहा तहिं 11944111-68
- (१५३३) पुढवी आउजीवा य तहेव य वणस्सई  
इयेए थावरा तिविहा तेसिं भेए सुणेह मे 11944211-69
- (१५३४) दुविहा पुढवीजीवा य सुहुमा बायरा तहा  
पज्जत्तमपज्जत्ता एवमेवगे दुहा पुणो 11944311-70
- (१५३५) बायरा जे उ पज्जत्ता दुविहा ते वियाहिया  
सण्हा खरा य बोधव्या सण्हा सत्तविहा तहिं 11944411-71

- (१५३६) किण्हा नीला य ख्हिया य हालिहा सुक्किला तथा  
पण्डुपणगमट्टिया खरा छत्तीसईविहा ॥१४४५॥-72
- (१५३७) पुढवी य सक्करा बालुया य उवले सिला य लोणूसे  
अय-तम्ब तउय-सीसग रूप्य-सुवण्णे य वडरे य ॥१४४६॥-73
- (१५३८) हरियाले हिंगुलुए मणोसिला सासगंजण-पदाले  
अब्मपडलब्मबालुय बायरकाए मणिविहाणा ॥१४४७॥-74
- (१५३९) गोमेअए य रूपणे अंके फलिहे य लोहियक्खे य  
मरगय-मसारगल्ले भुयभोयग-इंदनीले य ॥१४४८॥-75
- (१५४०) चंदण-गेरुय हंसगब्भे पुलए सोगंधिए य बोधव्वे  
चंदप्पहदरुल्लिए जलकंते सुरकंते य ॥१४४९॥-76
- (१५४१) एए खरपुढवीए भेया छत्तीसमाहिया  
एगविहमणाणत्ता सुहुमा तत्थ वियाहिया ॥१४५०॥-77
- (१५४२) सुहुमा सब्वलोग्गि लोगदेसे य बायरा  
इतो कालविमागं तु दुच्छं तेसिं घउव्विहं ॥१४५१॥-78
- (१५४३) संतई पप्पणाईया अपज्जवसियावि य  
ठिई पडुच्च साईया सपज्जवसिया य ॥१४५२॥-79
- (१५४४) बावीससहस्साई वासाणुक्कोसिया भवे  
आउठिई पुढवीणं अंतोमुहुत्तं जहन्नयं ॥१४५३॥-80
- (१५४५) असंखालमुक्कोसं अंतोमुहुत्तं अहन्नयं  
कायठिई पुढवीणं तं कायं तु अमुंघओ ॥१४५४॥-81
- (१५४६) अनंतकालमुक्कोसं अंतोमुहुत्तं जहन्नयं  
विजडम्मि सए काए पुढविजीवाण अन्तरं ॥१४५५॥-82
- (१५४७) एएसिं वण्णो देव गंधओ रसफासओ  
संठाणदेसओ वावि विहाणाई सहस्ससो ॥१४५६॥-83
- (१५४८) दुविहा आऊजीवा उ सुहुमा बायरा तथा  
पज्जत्तमपज्जता एवमेए दुहा पुणो ॥१४५७॥-84
- (१५४९) बायरा जे उ पज्जता पंचहा ते पकित्तिया  
सुद्धोदए य उस्से हरतणु महिया हिमे ॥१४५८॥-85
- (१५५०) एगविहमणाणत्ता सुहुमा तत्थ वियाहिया  
सुहुमा सब्वलोग्गि लोगोदेसे य बायरा ॥१४५९॥-86
- (१५५१) संतई पप्पणाईया अपज्जवसियावि य  
ठिई पडुच्च साईया सपज्जवसिया भवे ॥१४६०॥-87
- (१५५२) सत्तेव सहस्साई वासाणुक्कोसिया भवे  
आउठिई आऊणं अन्तोमुहुत्तं जहन्निया ॥१४६१॥-88
- (१५५३) असंखकालमुक्कोसं अंतोमुहुत्तं जहन्नयं  
कायठिई आऊणं तं कायं तु अमुंघओ ॥१४६२॥-89

- (१५५४) अनंतकालमुक्कोसं अंतोमुहुत्तं जहन्नयं  
विजदम्भि सए काए आऊजीवाण अंतरं 119४६३॥-९०
- (१५५५) एएसिं वण्णो चैव गंधओ रसफासओ  
संठाणदेसओ वावि विहाणाइं सहस्सओ 119४६४॥-९१
- (१५५६) दुविहा वणस्सईजीवा सुहुमा बायरा तहा  
पअत्तमपअत्ता एवमेए दुहा पुणो 119४६५॥-९२
- (१५५७) बायरा जे उ पअत्ता दुविहा ते वियाहिया  
साहारणसरीरा य पतेगा य तहेव य 119४६६॥-९३
- (१५५८) पत्तेगसरीराओऽणेगहा ते पकितिया  
रुक्खा गुच्छा य गुम्पा य लया वल्ली तणा तहा 119४६७॥-९४
- (१५५९) वल्लय पव्वगा कुहुणा जलरुहा ओसही तहा  
हरियकाया बोधव्वा पत्तेगाइ वियाहिया 119४६८॥-९५
- (१५६०) सहारणसरीराओऽणेगहा पकितिया  
आलुए मलए चैव सिंगबेरे तहेव य 119४६९॥-९६
- (१५६१) हरिली सिरिली सस्तिरिली जावई के थ कंदली  
पलंदू लसणकंदे य कंदली य कुहुवए 119४७०॥-९७
- (१५६२) लोहिणी हूय थी हूय कुहगा य तहेव य  
कण्हे य वज्जकंदे य कंदे सुरणए तहा 119४७१॥-९८
- (१५६३) अस्सकण्णी य बोधव्वा सीहकण्णी तहेव य  
मुसुण्डी य हल्लिहा य णेगहा एवमायओ 119४७२॥-९९
- (१५६४) एगविहभणाणत्ता सुहुमा तथ वियाहिया  
सुहुमा सव्वलोगम्भि लोगदेसे य बायरा 119४७३॥-१००
- (१५६५) संतइं पप्पणाईया अपअवसियावि य  
ठिई पबुछ साईया सपअवसियावि य 119४७४॥-१०१
- (१५६६) दस चैव सहस्साइं वासाणुक्कोसिया भवे  
वणस्सईण आऊं तु अंतोमुहुत्तं जहन्निया 119४७५॥-१०२
- (१५६७) अनंतकालमुक्कोसं अंतोमुहुत्तं जहन्नयं  
कायठिई पणगाणं तं कायं तु अमुंचओ 119४७६॥-१०३
- (१५६८) असंखकालमुक्कोसं अंतोमुहुत्तं जहन्नयं  
विजदम्भि सए काए पणगजीवाण अंतरं 119४७७॥-१०४
- (१५६९) एएसिं वण्णओ चैव गंधओ रसफासओ  
संठाणदेसओ वावि विहाणाइं सहस्सओ 119४७८॥-१०५
- (१५७०) इझेए थावरा तिविहा समासेण वियाहिया  
इत्तो उ तसे तिविहे युच्छामि अणुपुव्वसी 119४७९॥-१०६
- (१५७१) तेऊ वाऊ य बोधव्वा उराला य तसा तहा  
इझेए तसा तिविहा तेसिं मेए सुणेह मे 119४८०॥-१०७

- (१५७२) दुविहा तेऊजीवा उ सुहुमा बायरा तथा  
पञ्जतमपञ्जता एवमेए दुहा पुणो ॥१४८१॥-108
- (१५७३) बायरा जे उ पञ्जता पोगहा ते वियाहिया  
इंगाले मुम्परे अगणी अङ्घ्रिजाला तहेव य ॥१४८२॥-109
- (१५७४) उक्काविञ्ज य बोधव्वा पोगहा एवमायओ  
एगविहमणाणत्ता सुहुमा ते वियाहिया ॥१४८३॥-110
- (१५७५) सुहुमा सब्वलोगम्भि लोगदेसे य बायरा  
इती कालविभागं तु तेसिं बुच्छं चउव्विहं ॥१४८४॥-111
- (१५७६) संतई पप्पणाईया अपञ्जवसियावि य  
ठिई पडुच्च साईया सपञ्जवसियावि य ॥१४८५॥-112
- (१५७७) तिण्णेव अहोरता उक्कोसेणं वियाहिया  
आउठिई तेऊणं अंतोमुहुत्तं जहन्निया ॥१४८६॥-113
- (१५७८) असंखकालमुक्कोसं अंतोमुहुत्तं जहन्नयं  
कायट्ठि ई तेऊणं तं कायं तु अमुंचओ ॥१४८७॥-114
- (१५७९) अनंतकालमुक्कोसं अंतोमुहुत्तं जहन्नयं  
विजडंमि सए काए तेऊजीवाण अंतरं ॥१४८८॥-115
- (१५८०) एएसिं घण्णओ चेव गंधओ रसफासओ  
संठाणदेसओ वावि विहाणाई सहस्ससो ॥१४८९॥-116
- (१५८१) दुविहा वाउजीवा उ सुहुमा बायरा तथा  
पञ्जतमपञ्जता एवमेए दुहा पुणो ॥१४९०॥-117
- (१५८२) बायरा जे उ पंचता पंचहा ते पकिलिया  
उक्कलिया मंडलिया घणगुञ्जा सुद्धवाया य ॥१४९१॥-118
- (१५८३) संवङ्गवाते य पोगहा एवमायओ  
एगविहमणाणत्ता सुहुमा तत्य दिआहिया ॥१४९२॥-119
- (१५८४) सुहुमा सब्वलोगम्भि लोगदेसे य बायरा  
इतो कालविभागं तु तेसिं बुच्छं चउव्विहं ॥१४९३॥-120
- (१५८५) संतई पप्पणाईया अपञ्जवसियावि य  
ठिई पडुच्च साईया सपञ्जवसियावि य ॥१४९४॥-121
- (१५८६) तिण्णेव सहस्साई वासायुक्कोसिया भवे  
आउठिई वाऊणं अंतोमुहुत्तं जहन्निया ॥१४९५॥-122
- (१५८७) असंखकालमुक्कोसं अंतोमुहुत्तं जहन्नयं  
कायट्ठिई वाऊणं ते कायं तु अमुंचओ ॥१४९६॥-122
- (१५८८) अनंतकालमुक्कोसं अंतोमुहुत्तं जहन्नयं  
विजडंमि सए काए वाऊजीवाण अंतरं ॥१४९७॥-123
- (१५८९) एएसिंघण्णओ चेव गंधओ रसफासओ  
संठाणदेसओ वावि विहाणाई सहस्ससो ॥१४९८॥-124



(१५१०) उराला तसा जे उ चउडा ते पकितिया बेइंदिय-तेइंदिय चउरो पंचिंदिया चैव	॥१५९१॥-125
(१५११) बेइंदिया उ जे जीवा दुविहा ते पकितिया पञ्जत्तमपञ्जत्ता तेसिं भेए सुणे हमे	॥१५००॥-126
(१५१२) किमिणो सोमंगला चैव अलसा माइवाइया । वासीमुहा य सिपिया संख संखणगा तहा	॥१५०१॥-127
(१५१३) पळोयाणुळ्या चैव तहेव य बराडगा जलूगा आलगा चैव चंदणा य तहेव य	॥१५०२॥-128
(१५१४) इइ बेइंदिया एएउ णेगाहा एवमायओ लोगेगदेसे ते सव्वे न सव्वत्थ वियाहिया	॥१५०३॥-129
(१५१५) संतइं पप्पणाईया अपञ्जवसियावि य ठिइ पडुच्च साईया सपञ्जवसियावि य	॥१५०४॥-130
(१५१६) वासाइं दारसा चैव उक्कोसेण वियाहिया बेइंदियाउठिई अंतोमुहुत्तं जहन्निया	॥१५०५॥-131
(१५१७) संखिअकालमुक्कोसं अंतोमुहुत्तं जहन्नयं बेइंदियकायठिई तं कायं तु अमुंचओ	॥१५०६॥-132
(१५१८) अनंतकालमुक्कोसं अंतोमुहुत्तं जहन्नयं बेइंदियजीवाणं अंतरं घ वियाहिय	॥१५०७॥-133
(१५१९) एएसिं वण्णओ चैव गंधओ रसफासओ संठाणदेसओ वावि विहाणाइं सहससो	॥१५०८॥-134
(१६००) तेइंदिया उ जे जीवा दुविहा ते पकितिया पञ्जत्तमपञ्जत्ता तेसिं भेए सुणेह मे	॥१५०९॥-135
(१६०१) कुंयुपिवीळिउडुंसा उक्कलुहेहिया तहा तणहारकड्डाहारा य मालूगा पत्तहारगा	॥१५१०॥-136
(१६०२) कप्पसड्डिभिजाय तिंदुगा तउसमिजगा सदावरी य गुम्भी य बोधव्वा इंदगाथा	॥१५११॥-137
(१६०३) इंदगोयगमाईया णेगविहा एवमायओ लोगेगदेसे ते सव्वे न सव्वत्थ वियाहिया	॥१५१२॥-138
(१६०४) संतइं पप्पणाईया अपञ्जवसियावि य ठिई पडुच्च साईया सपञ्जवसियावि य	॥१५१३॥-139
(१६०५) एणूणपण्णहोरत्ता उक्कोसेणं वियाहिया तेइंदियआउठिई अंतोमुहुत्तं जहन्निया	॥१५१४॥-140
(१६०६) संखिअकालमुक्कोसं अंतोमुहुत्तं जहन्नयं तेइंदियकायठिई तं कायं तु अमुंचओ	॥१५१५॥-141
(१६०७) अनंतकालमुक्कोसं अंतोमुहुत्तं जहन्नयं तेइंदियजीवाणं अंतरं तु वियाहियं	॥१५१६॥-142

(१६०८) एएसि वण्णओ चेव गंधओ रसफासओ संठाणादेसओ वावि विहाणाई सहस्ससो	॥१५१७॥-१४३
(१६०९) घउरिदिया उ जे जीवा दुविहा ते पकितिया पज्जतमपज्जता तेसिं भेए सुणेह मे	॥१५१८॥-१४४
(१६१०) अंधिया पोत्तिया घेव मच्छिया मसगा तथा भमरे कीडपयंगे य ढिंकुणे कुंकणे तथा	॥१५१९॥-१४५
(१६११) कुक्कुडे सिंगिरीडी य नंदावत्ते य विष्कुए डोले भिंगीरीडीय धिरली अछिवेहए	॥१५२०॥-१४६
(१६१२) अछिले माहए अछि रोडए विचित्ते चित्तपत्तए उहिंजलिया जलकारी य नीयया तंबगाइया	॥१५२१॥-१४७
(१६१३) इय चउरिदिया एए ऽणेगहा एवमायओ लोगस्स एगदेसंमि ते सब्बे परिकित्तिआ	॥१५२२॥-१४८
(१६१४) संतई पथ णाईया अपज्जवसिया वि य ठईई पडुअ साईया सपज्जवसिया वि य	॥१५२३॥-१४९
(१६१५) छधेव य मासाऊ उक्कोसेण वियाहिया घउरिदियाउठिई अंतोमुहुत्तं जहन्निया	॥१५२४॥-१५०
(१६१६) संखिअकालमुक्कोसं अंतोमुहुत्तं जहन्नयं घउरिदियकायठिई तं कायं तु अमुंचओ	॥१५२५॥-१५१
(१६१७) अनंतकालमुक्कोसं अंतोमुहुत्तं जहन्नयं विजदाम्मि सए काए अंतरं च वियाहियं	॥१५२६॥-१५२
(१६१८) एएसि लवण्णओ चेव गंधओ रसफासओ संठाणादेसओ वायि विहाणाई सहस्ससो	॥१५२७॥-१५३
(१६१९) पंविदिया उ जे जीवा चउविहा ते वियाहिया नेरइया तिरिक्खा य मणुया देवा य आहिया	॥१५२८॥-१५४
(१६२०) नेरइया सत्तविहा पुढवीसु सत्तसु भवे रयणाभसक्कराभा वालुयाभा य आहिया	॥१५२९॥-१५५
(१६२१) पंकाया धुयाभा तया तभतया तथा इइ नेरइया एए सत्तहा परिकित्तिया	॥१५३०॥-१५६
(१६२२) लोगस्स एगदेसंमि ते सब्बे उ वियाहिया एतो कालिविभागं तु तेसिं बोच्छं चउव्विहं	॥१५३१॥-१५७
(१६२३) संतई पण्णणाईया अपज्जवसियावि य ठिई पडुअ साईया सपज्जवसियावि य	॥१५३२॥-१५८
(१६२४) सागरोवममेगं तु उक्कोसेण वियाहिया पढमाए जहन्नं दसवाससहस्सिया	॥१५३३॥-१५९
(१६२५) तिण्णेव सागरा ऊ उक्कोसेणं वियाहिया दोआए जहन्नं एणं तु सागरोवयं	॥१५३४॥-१६०

(१६२६) सत्तेव सागरा ऊ उक्कोसेण वियाहिया तइयाए जहन्नेणं तिण्णेव सागरोवमा	॥१५३५॥-161
(१६२७) दस सागरोवमा ऊ उक्कोसेण वियाहिया घउत्थीए जहन्नेणं सत्तेव सागरोवमा	॥१५३६॥-162
(१६२८) सत्तरस सागरा ऊ उक्कोसेण वियाहिया पंचमाए जहन्नेणं दस चेव सागरोवमा	॥१५३७॥-163
(१६२९) बावीस सागरा ऊ उक्कोसेण वियाहिया छट्ठीए जहन्नेणं सत्तरस सागरोवमा	॥१५३८॥-164
(१६३०) तेत्तीस सागरा ऊ उक्कोसेण वियाहिया सत्तमाए जहन्नेणं बावीसं सागरोवमा	॥१५३९॥-165
(१६३१) जा चेव य आउठिई नेरइयाणं वियाहिया सा तेसिं कायठिई जहन्नुक्कोसिया भवे	॥१५४०॥-166
(१६३२) अणंतकालमुक्कोसं अंतोमुहुत्तं जहन्नयं विजदम्मि सए काए नेरइयाणं तु अंतरं	॥१५४१॥-167
(१६३३) एएसिं वण्णओ चेव गंधओ रसफासओ संठाणदेसओ वावि विहाणाइं सहस्सओ	॥१५४२॥-168
(१६३४) पंचिंदियतिरिक्खाओ दुविहा ते वियाहिया समुच्छिमततिरिक्खाओ गम्भयक्कंतिया तथा	॥१५४३॥-169
(१६३५) दुविहा ते भवे तियिहा जलयरा थलयरा तथा । नहयरा य बोधव्या तेसिं भेए सुणेह भे	॥१५४४॥-170
(१६३६) मच्छा य कच्छमा य गाहा य मगरा तथा सुंसुमारा य बोधव्या पंचाहा जलयराहिया	॥१५४५॥-171
(१६३७) लोएगदेसे ते सब्बे न सत्त्वत्य वियाहिया एत्तो कालिविभागं तु तेसिं दोच्छं घउव्विहं	॥१५४६॥-172
(१६३८) संतइं पप्पणाईया अपञ्जवसिया वि य ठिइं पडुञ्ज साईया सपञ्जवसिया वि य	॥१५४७॥-173
(१६३९) एगा य पुव्वकोडीओ उक्कोसेण वियाहिया आउठिई जलयराणं अंतोमुहुत्तं जहन्निया	॥१५४८॥-174
(१६४०) पुव्वकोडिपुहत्तं तु उक्कोसेण वियाहिया कायठिई जलयराणं अंतोमुहुत्तं जहन्नयं	॥१५४९॥-175
(१६४१) अणन्तकालमुक्कोसं अंतोमुहुत्तं जहन्नयं विजदम्मि सए काए जलयरायणं अंतरं	॥१५५०॥-176
(१६४२) एएसिं यण्णओ चेव गंधवो रसफासओ संठाणदेसओ वावि विहाणाइं सहस्सओ	॥१५५१॥-177
(१६४३) चउप्पया य परिसप्पा दुविहा थलयरा भवे चउप्पया चउविहा ते भेकित्तयो सुण	॥१५५२॥-178

(१६४४)	एगखुरा दुखुरा देव गण्डीपयसणहप्यया हयमाहगोणमाइ गयमाइसीहमाइणो	॥१५५३॥-१७९
(१६४५)	मुओरगपरिसप्पा य परिसप्पा दुविहा भवे गोहाई अहिमाई य एककेककाणेगहा भवे	॥१५५४॥-१८०
(१६४६)	लोएगदेसे ते सव्वे न सव्वत्थ वियाहिया एतो कालविभागं तु तेसिं वोच्छं चउव्विहं	॥१५५५॥-१८१
(१६४७)	संतइं पप्पणाईया अपज्जवसियावि य ठिई पडुच्च साईया सपज्जवसियावि य	॥१५५६॥-१८२
(१६४८)	पलिओवमाउं तिण्णि उ उक्कोसेण वियाहिया आउडिई थलयरारणं अंतोमुहुत्तं जहन्निया	॥१५५७॥-१८३
(१६४९)	पलिओवमाउ तिण्णि उ उक्कोसेण वियाहिया पुव्वकोडिपुहत्तेण अंतोमुहुत्तं जहन्निया	॥१५५८-१८४
(१६५०)	कायठिई थलयरारणं अंतरं तेसिमं भवे कालमनंतमुक्कोसं अंतोमुहुत्तं जहन्नियं	॥१५५९॥-१८५
(१६५१)	विजदंमि सए काए थलयरारणं तु अंतरं चप्पे उ लोमपक्खी य तइया समुग्गपक्खिया	॥१५६०॥-१८६
(१६५२)	विययपक्खी य बोधव्वा पक्खिणो य चउव्विह लोएगदेसे ते सव्वे न सव्वत्थ वियाहिया	॥१५६१॥-१८७
(१६५३)	संतइं पप्पणाईया अपज्जवसियावि य ठिई पडुच्च साईया सपज्जवसियावि य	॥१५६२॥-१८८
(१६५४)	पलिओवमस्स भागो असंखेज्जइमे भवे आउठिई खहयरारणं अंतोमुहुत्तं जहन्निया	॥१५६३॥-१८९
(१६५५)	असंखभाग पलियस्स उक्कोसेण उ साहिओ पुव्वकोडीपुहत्तेण अंतोमुहुत्तं जहन्निया	॥१५६४॥-१९०
(१६५६)	कायठिई खहयरारणं अंतरं तेसिमं भवे अनंतकालमुक्कोसं अंतोमुहुत्तं जहन्नियं	॥१५६५॥-१९१
(१६५७)	एएसिं वण्णवो चेव गंधओ रसफासओ संठाणदेसओ यावि विहाणाइं सहस्ससो	॥१५६६॥-१९२
(१६५८)	मणुया दुविहमेया उ ते मे कित्तियओ सुण संमुच्छिमा य मणुया गम्भदक्कंतिया तथा	॥१५६७॥-१९३
(१६५९)	गम्भदक्कंतिया जे उ तिविहा ते वियाहिया कम्मअकम्मभूया य अंतरदीवया तथा	॥१५६८॥-१९४
(१६६०)	पन्नरस तीसइविहा मेया अट्टवीसइं संखा उ कमसो तेसिं इइ एसा वियाहिया	॥१५६९॥-१९५

(१६६१) संमुच्छिमाण एसेव भेओ होइ वियाहियो लोगस एगदेसन्मि ते सव्वे वि वियाहिया	॥१६७०॥-१९६
(१६६२) संतई पप्पणाईया अप्पज्जवसियावि य ठिई पडुच्च साईया सपज्जवसियावि य	॥१६७१॥-१९७
(१६६३) पलिओवमाउ तिमिय उक्कोसेण विआहिया आउठिई मणुयाणं अंतोमुहुत्तं जहन्निया	॥१६७२॥-१९८
(१६६४) पलिओवमाइं तिण्णि उ उक्कोसेण वियाहिया पुव्वकोडिपुहत्तेणं अंतोमुहुत्तं जहन्निया	॥१६७३॥-१९९
(१६६५) कायठिई मणुयाणं अंतरं तेसिमं भवे अनंतकालमुक्कोसं अंतोमुहुत्तं जहन्नयं	॥१६७४॥-२००
(१६६६) एएसिं वण्णओ घेव गंघओ रसफासओ संठाणदेसओ वावि विहाणाइं सहस्ससो	॥१६७५॥-२०१
(१६६७) देवा घउव्विहा वुत्ता ते मे कित्तयओ सुण भोमिज्जयाणमंतरजोइसवेमाणिया तथा	॥१६७६॥-२०२
(१६६८) दसहा उ भवणवासी अट्टहा वणचारिणो पंचविहा जोइसिया दुविहा वेमाणिया तथा	॥१६७७॥-२०३
(१६६९) असुरा नागसुवण्णा विज्जु अग्गी वियाहिया दीवीदहिदिसा वाया धणिया भवणवासिणो	॥१६७८॥-२०४
(१६७०) पिसायभूया जक्खया य रक्खसा किन्नरा किंपुरिसा महोरगा य गन्धव्वा अट्टविहा बाणमंतरा	॥१६७९॥-२०५
(१६७१) चंदा सूर य नक्खत्ता गहा तारागणा तथा ठिया विचारिणो चेव पंचहा जोइसालया	॥१६८०॥-२०६
(१६७२) वेमाणिया उ जे देवा दुविहा ते वियाहिया कप्पोवगा य बोधव्वा कप्पाईया तहेव य	॥१६८१॥-२०७
(१६७३) कप्पोवगा बारसहा सोहम्मिसाणगा तथा सणंकुमारमाहिंदा बंभलोगा य लंतगा	॥१६८२॥-२०८
(१६७४) म्हासुकुक्का सहस्सारा आणया पाणया तथा आरणा अह्यया घेव इइ कप्पोवगा सुरा	॥१६८३॥-२०९
(१६७५) कप्पाईया उ जे देवा दुविहा ते वियाहिया गेविज्जानुत्तरा घेव गेविज्जा नवविहा तहिं	॥१६८४॥-२१०
(१६७६) हेट्ठिमाहेट्ठिमा चेव हेट्ठिमामज्झिमा तथा हेट्ठिमाउइयरिमा चेव मज्झिमाहेट्ठिमा तथा	॥१६८५॥-२११
(१६७७) मज्झिमामज्झिमा घेव मज्झिमाउवरिमा तथा उवरिमाहेट्ठिमा घेव उवरिमामज्झिमा तथा	॥१६८६॥-२१२

(१६७८) उवरिमाउवरिमा चैव इय गेविज्जगा सुरा विजया वेजयंता य जयंता अपराजिया	११५८७॥-213
(१६७९) सव्वत्थसिद्धगा चैव पंचहानुसरा सुरा इय वेमाणिया एएऽणेगहा एवमायओ	११५८८॥-214
(१६८०) लोगस एगदेसम्मि ते सव्वेवि वियाहिया इत्तो कालविभागं तु तेसिं युच्छं चउब्धिहं	११५८९॥-215
(१६८१) संतइं पप्पणाईया अपज्जवसियावि य ठिईं पडुच्च साइया सपज्जवसियावि य	११५९०॥-216
(१६८२) साहीयं सागरं एक्कं उक्कोसेण ठिईं भवे भोमेज्जाणं जहन्नेणं दसवाससहस्सिया	११५९१॥-217
(१६८३) पलिओवममेगं तु उक्कोसेण ठिईं भवे वंतराणं जहन्नेणं दसवाससहस्सिया	११५९२॥-218
(१६८४) पलिओवममेगंतु वासल्लक्खेण साहियं पलिओवमह्मभागो जोइसेसु जहन्निया	११५९३॥-219
(१६८५) दो चैव सागराइ उक्कोसेण वियाहिया सोहम्ममि जहन्नेणं एगं च पलिओवमं	११५९४॥-220
(१६८६) सागरा साहिया दुन्नि उक्कोसेण वियाहिया ईसाणम्मि जहन्नेणं साहियं पलिओवमं ।	११५९५॥-221
(१६८७) सागराणि य सत्तेव उक्कोसेणं ठिईं भवे सर्णकुमारे जहन्नेणं दुन्नि ऊ सागरोवमा	११५९६॥-222
(१६८८) साहिया सागरा सत्त उक्कोसेणं ठिईं भवे मार्हिंदमि जहन्नेणं साहिया दुन्नि सागरा	११५९७॥-223
(१६८९) दस चैव सागराइ उक्कोसेणं ठिईं भवे बंभलोए जहन्नेणं सत्त ऊ सागरोवमा	११५९८॥-224
(१६९०) चउदस सागराइ उक्कोसेण ठिईं भवे संतगमि जहन्नेणं दस उ सागरोवमा	११५९९॥-225
(१६९१) सत्तरस सागराइ उक्कोसेणं ठिईं भवे महासुक्के जहन्नेणं घोहस सागरोवमा	११६००॥-226
(१६९२) अट्टारस सागराइ उक्कोसेण ठिईं भवे सहस्सारम्मि जहन्नेणं सत्तरस सागरोवमा	११६०१॥-227
(१६९३) सागरा अउणवीसं तु उक्कोसेण ठिईं भवे आणयम्मि जहन्नेणं अट्टारस सागरोवमा	११६०२॥-228
(१६९४) वीसं तु सागराइ उक्कोसेण ठिईं भवे पाणयम्मि जहन्नेणं सागरा अउणवीसई	११६०३॥-229

(१६९५) सागरा इक्कवीसं तु उक्कोसेण ठिई भवे आरणम्मि जहत्रेणं वीसई सागरोवमा	॥१६०४॥ -230
(१६९६) बावीसं सागराई उक्कोसेण ठिई भवे अद्युयम्मि जहत्रेणं सागरा इक्कवीसई	॥१६०५॥ -231
(१६९७) तेवीस सागराई उक्कोसेण ठिई भवे पढम्मि जहत्रेणं बावीसं सागरोवमा	॥१६०६॥ -232
(१६९८) घउवीस सागराई उक्कोसेण ठिई भवे विइयम्मि जहत्रेणं तेवीसं सागरोवमा	॥१६०७॥ -233
(१६९९) पणवीस सागराई उक्कोसेण ठिई भवे तइयम्मि जहत्रेणं चउवीसं सागरोवमा	॥१६०८॥ -234
(१७००) छवीस सागराई उक्कोसेण ठिई भवे चउत्थम्मि जहत्रेणं सागरा पणुवीसई	॥१६०९॥ -235
(१७०१) सागरा सत्तावीसं तु उक्कोसेण ठिई भवे पंचमंमि जहत्रेणं सागरा उ छवीसइ	॥१६१०॥ -236
(१७०२) सागरा अट्टवीसं तु उक्कोसेण ठिई भवे छट्टम्मि जहत्रेणं सागरा सत्तावीसई	॥१६११॥ -237
(१७०३) सागरा अउणतीसं तु उक्कोसेण ठिई भवे सत्तमंमि जहत्रेणं सागरा अट्टवीसई	॥१६१२॥ -238
(१७०४) तीसं तु सागराई उक्कोसेण ठिई भवे अट्टमम्मि जहत्रेणं सागरा अउणतीसई	॥१६१३॥ -239
(१७०५) सागरा इक्कतीसं तु उक्कोसेण ठिई भवे नदम्मि जहत्रेणं तीसई सागरोवमा	॥१६१४॥ -240
(१७०६) तेत्तीसा सागराई उक्कोसेण ठिई भवे चउसुं पि विजयाईसु जहत्रेणेक्कतीसई	॥१६१५॥ -241
(१७०७) अजहन्नमणुक्कोसा तेत्तीसं सागरोवमा महाविमाणे सव्वट्टे ठिई एसा वियाहिया	॥१६१६॥ -242
(१७०८) जा चेव उ आउठिई देवाणं तु वियाहिया सा तेसिं कायठिई जहन्नमुक्कोसिया भवे	॥१६१७॥ -243
(१७०९) अनंतकालमुक्कोसं अंतोमुहुत्तं जहन्नयं विजडंमि सए काए देवाणं हुअ अंतरं	॥१६१८॥ -244
(१७१०) एएसिं वण्णओ चेव गंधओ रसफासओ संठाणदेसओ वावि विहाणाई सइस्सओ	॥१६१९॥ -245
(१७११) संसारत्या य सिद्धा य इय जीवा वियाहिया रुविणो चेवरूवी य अजीवा दुविहावि य	॥१६२०॥ -246

- (१७१२) इय जीवमजीवे च सोच्चा सहहिऊण च  
सव्वनयाणअमणुमए एमेअ संजमे मुणी ॥१६२१॥-247
- (१७१३) तओ बहूणि वासाणि सामण्णमणुपालिया  
इयेण कम्मजोगेण अप्याणं संलिहे मुणी ॥१६२२॥-248
- (१७१४) धारसेव उ वासाइं संलेहुक्कोसिया भये  
संवच्छरमज्झिमिया छम्मासा य जहन्निया ॥१६२३॥-249
- (१७१५) पढमे वासचउक्कम्मि विगई-निअूहणं करे  
बिईए वासचउक्कम्मि विचित्तं तु तवं चरे ॥१६२४॥-250
- (१७१६) एगंतरमायामं कट्टु संवच्छरे दुवे  
तओ संवच्छरद्धं तु नाइविगिट्ठं तवं चरे ॥१६२५॥-251
- (१७१७) तओ संवच्छरद्धं तु विगिट्ठं तु तवं चरे  
परिमियं चेव आयामं तंमि संवच्छरे करे ॥१६२६॥-252
- (१७१८) कोडीसहियमायामं कट्टु संवच्छरे मुनी  
मासद्धमासिएणं तु आहारेण तवं चरे ॥१६२७॥-253
- (१७१९) कंदप्पमाभिओगं च किच्चिसियं मोहमासुरुत्तं च  
एयाउ दुग्गइओ मणम्मि विराहिया होति ॥१६२८॥-254
- (१७२०) मिच्छादंसणरत्ता सनियाणा उ हिंसगा  
इय जे मरंति जीवा तेसिं पुण दुल्लहा बोही ॥१६२९॥-255
- (१७२१) सम्मइंसणरत्ता अनियाणा सुक्कलेसमोगाढा  
इय जे मरंति जीवा तेसिं सुलहा भये बोही ॥१६३०॥-256
- (१७२२) मिच्छादंसणरत्ता सनियाणा कण्हलेसमोगाढा  
इय जे मरन्ति जीवा तेसिं पुण दुल्लहा बोही ॥१६३१॥-257
- (१७२३) जिणवयणे अनुरत्ता जिणवयणं जे करेति भावेण  
अमला असंकिलिद्धा ते होति परित्तसंसारी ॥१६३२॥-258
- (१७२४) बालभरणामि बहुसो अकामभरणणि चेव य बहुयाणि  
मरिहंति ते वराया जिणवयणं जे न जाणंति ॥१६३३॥-259
- (१७२५) बहुआगमविश्राणा समाहिउप्पायगा य गुणगाही  
एएणं कारणेणं अरिहा आलोक्यणं सोउं ॥१६३४॥-260
- (१७२६) कंदप्पकुक्याइं तए सीलसहावहासविगहाइं  
विन्हावेत्तो य परं कंदप्पं भावणं कुणइ ॥१६३५॥-261
- (१७२७) मंताजोगं काउं भूर्इकम्म च जे पउंजंति  
साय-रस-इट्ठिहेउं अभिओगं भावणं कुणइ ॥१६३६॥-262
- (१७२८) नाणस्स केवलीणं धम्मायरियस्स संघसाहूणं  
माई अवण्णवाई किच्चिसियं भावणं कुणइ ॥१६३७॥-263



- (१७२९) अणुबद्धरोसपसरो तह य निमित्तम्भि होइ पडिसेवी  
एएहिं कारणेहिं आसुरियं भावणं कुणइ ॥१६३८॥-२६४
- (१७३०) सत्यगहणं विसभक्खणं च जलणं च जलपवेसो य  
अणायारमंडसेवी जम्मणमरणानि बंधंति ॥१६३९॥-२६५
- (१७३१) इय पाउको बुद्धे नायए परिनिव्वुए  
छत्तीसं उत्तरज्झाए भवसिद्धीयसंमए -त्ति बेमि ॥ ॥१६४०॥-२६६
- छत्तीसहमं अज्जयणं समत्तां ●

४३ उत्तरज्झयणाणि समत्तानि

चउत्थं मूलसुत्तं समत्तं

४५-आगमना प्रधान आर्थिक अनुदाता

स.म्य.इ. शु.ता.नु.रा.गी श्री.म.श्री.पा.सि.डा

श्रीमती नयनाजहेन रमेशचंद्र शाह - परिवार, वडोदरा

प्रस्तुत आगमनां मुख्य द्रव्य सहायक